







of Dpp 57, 306/1A

h



TRACTATUS  
DE  
MORBIS  
CAPITIS ET CEREBRI

AVENIENSIS  
MEDICINAE  
MAGISTRI  
JOHANNIS  
DE  
SALICIS  
OPUS

AVENIENSIS  
MAGISTRI  
JOHANNIS  
DE  
SALICIS  
OPUS  
M.D.C.C.



# TRACTATUS DE MORBIS CAPITIS EXTERNIS.

DOMINI HAGUENOT, Regis Consilia-  
rii, & in almâ Facultate Monspeliensi,  
Medicinae Regiæ Professoris.

*if Lud.  
Med*



*fran. DuVal  
Monsp.*

AVENIONE

Ex Officina JOANNIS JOSEPHI CHABRIER, in  
Plateâ Collegii Typograp. & Bibliop.

---

M. D. CC. LI.

349291

1891

1841

LIBRARY

ESTIMES.





# TRACTATUS DE MORBIS CAPITIS EXTERNIS.



N exponendâ morborum capitis  
externorum æthologiâ, perpen-  
denda sunt vitia quibus partes ex-  
ternæ capitis affici solent; illud  
Sectione unicâ perficere conabi-  
mur; in quâ Morbos Capitis Externos, pro  
viribus exponemus.

---

## SECTIO UNICA

### DE MORBIS CAPITIS EXTERNIS.

**P** Artes capitis externæ præcipuæ sunt oculi,  
aures, nares, lingua, & integumenta toti  
corporis habitui communia, singularum itaque  
harumce partium vitia hoc eodem ordine pro-  
sequi juvat quatuor distinctis Capitibus præ-  
termiſſis de industriâ Affectibus Cutaneis quo-  
rum explicatio ad Chirurgiam pertinet.

## CAPUT I.

*De morbis oculorum.*

**P**Lures in oculo partes considerandæ sese offerunt quarum præcipuæ sunt tunica oculum obvolventes, pupilla, humores varii, retina, caruncula lacrymalis, de quarum omnium vitiis sigillatim agendum est totidem Articulis sequentibus à partibus externis, & anticis oculi progrediendo ad posteriores quæ internis latent, nec deprehenduntur nisi Sectione.

## ARTICULUS I.

*De pterygio, seu ungue oculorum.*

**E**X superiore, vel inferiore, vel laterali-  
bus oculi partibus nascitur præternaturalis  
quædam ex-crescentia quæ nunc ad conjunc-  
tivam tunicam, nunc ad corneam, imò ad  
pupillam usquè sæpè exporrecta, easquè par-  
tes obtegens visioni plurimum officit.

Duplicem hujus ex-crescentiæ speciem Au-  
thores agnoscunt pro variâ ipsius naturâ, atque  
adeò quamlibet peculiari nomine insigniunt.

1<sup>o</sup>. Si ex-crescentia membranea sit pelluci-  
da, & unguis instar humani, aut alæ parvæ  
volucris extensæ versùs pupillam producat,ur,

*unguis oculi*, vel *ungula*, Græcis *Pterygium* dicitur: nonnullis quoque placuit eam *sagittam* appellare ob similitudinem quam habet aliquando cum triangulari sagittarum cuspidē.

2<sup>o</sup>. Si excrescentia rubra sit turgidis vasis sanguiferis interspersa, & contenti panni speciem deferat, Latinis *pannus*, *panniculus*, *telus*, *telaris excrescentia* Arabibus verò *sebel* nuncupari consuevit.

Morbus hic ad tumorum genus revocari debet; potissimum in carunculâ lacrymali, in majore oculi cantho posita, & nihil aliud est quam ipsius expansio; nonnumquam tamen, licet rarius originem ducit ab adnatâ seu conjunctivâ tunicâ, cuius lamina exterior expansa prætermodum, & vel ex superiore, vel ex inferiore oculi parte, vel ex minore ejusdem angulo prodiens ad pupillam sensim progreditur.

### DIFFERENTIÆ.

Peti debent differentiæ à sextuplici Capite  
1<sup>o</sup>. A situ, alius enim in carunculâ lacrymali, alius in externâ adnatæ superficie collocatur sedem habet. 2<sup>o</sup>. A colore, ut dictum est, sic *Unguis* à panno discrepat. 3<sup>o</sup>. Ab excrescentiæ consistentiâ quæ nunc crassa est, nunc carnosa, nunc verò tenuis, & membranacea, nunc dura & mollis. 4<sup>o</sup>. Ab extensionis longitudine, modò enim excrescentia adnata in tunicâ terminatur, modò ad corneam pergit, modò pupillam attingit. 5<sup>o</sup>. Pro vario quo partes dictas obvelat modò, nunc enim eas ita obtegit ut ab iis tamen facillè separari queat nunc ipsis quasi continua pertinaciter adhæ-

rescit. 6°. Demum pro symptomatum diversitate *Unguis* vel *Pannus*, alius dicitur simplex, alius exulceratus, alius Cancerosus.

## CAUSÆ.

Excrescientia hæc in genere debetur majori fluidorum quantitati quâ vasa conjunctivæ, vel carunculæ lacrymalis dilatata majus spatium occupant, & solito magis prominent: hæc fluida duplicis sunt generis, vel sanguis, vel lymphæ; sanguis, si excrescientia rubra sit, & inflammatione seu fluxione crescat; lymphæ verò si membranacea, pellucida, albicans & sensim, hoc est congestione generetur.

1°. omnis inflammatio supponit obicem in vasis sanguiferis, & cruorem in suis vasis hærentem & cumulantem, obex à triplici causâ producitur, obstructione, compressione & constrictione. 1°. vasa obstruuntur sanguifera à contento sanguine, vel violentius irruente ob vicinarum partium infarctum, sic diuturniori ophthalmiæ, inflammationi palpebrarum, narium, sic sacci nasali affectibus carunculæ inflammatio succedere solet, vel inspissato, vel ab aëre frigidiore, præsertim incalescentibus oculis, aliisque causis tam internis quàm externis. 2°. Conjunctivæ, vel carunculæ lacrymalis sanguifera comprimuntur à glandulis vicinis vasisque lymphaticis tumefactis, eo pacto tumescentibus tarfi glandulis, vel lymphæ ductibus conjunctivæ tunicæ pannum quandoque supervenire certum est. 3°. eadem vasa restringuntur si eorum fibræ tendinæ exquisito



sensu præditæ irritentur solito fortius, quod continget *Ob* illapsâ imprudenter in oculum corpora aspera & aëria, aliasque causas lacrymationem inducentes, puta fumum, aërem pulverulentum, ipsam etiam lacrymarum falsedinem.

2<sup>a</sup>. Congestio fit ab humoribus lentè motis, atque expertibus fermentationis qualis est lymp̃ha, hæc autem aggeritur uberius propter obicem ductuum lymphaticorum; causæ verò ejusmodi obicis eadem admittendæ sunt, ac illæ à quibus pendet inflammatio, obstructio, compressio & contrictio; hoc interim discrimine quod inflammatione obex subito fiat ob vim sanguinis hærentis ac fermentescentis subitanæ, in congestione verò sensim, & sine sensu ob debiliorem lymphæ motum obstructio vasorum lymphaticorum lymphæ coagulatae, vel uberius appellentis, compressio earum, circumjacentium partium tumoribus, constrictio denique validioribus fibrarum sensibilibus crispaturis tribuenda, sic schirrus glandularum per palpebræ cartilaginem, aut per adnatæ superficiem disseminatarum à lymphâ viru venereo, aut scrophuloso induratâ, sic aër nebulosus ac frigidus, nivea tempestas, sic variolarum aut morbillorum pustulæ in oculo enatae, sic carunculæ ulcera præsertim illa quorum labra sunt callosa, sic demùm fluxiones oculorum assiduæ, aliaque consimilia lymphæ congestionem nimiam in prædictis partibus, proindeque Pterygium remotè producant.

Oculorum debilitas, seu vasorum ad oculos pertingentium laxitas, vel angusti præ-

causis disponentibus habendæ sunt, atque hinc est cur ii quibus oculi multum prominent, vel nimium compressi sunt lippi, cutes, & ad ophtalmiam proni cœteris frequentius hoc malo corripiuntur: similem ob causam Pterygium aliquando morbus est hæreditarius.

## S Y M P T O M A T A.

Simptomata alia panno, alia Pterygio propria sunt, alia utroque communia. 1<sup>o</sup>. Quoad communia symptomata. 1<sup>o</sup>. In utroque morbo adest excrescentia, ut diximus, quæ à sanguinis vel lymphæ collectione nimia deduci potest. 2<sup>o</sup>. Hoc genus excrescentiæ à partibus oculi quibuscumque inferiori, superiori, laterali, dextrâ, vel sinistrâ prodire Authorum monumenta notum faciunt quod quidem probat illam oriri à productione exterioris conjunctivæ laminæ nimium dilatatæ, sin autem à majori, & interno oculi cantho quod frequentius accidit, sobolescat non modo conjunctivam, sed potissimum lacrymalem carunculam ibidem sitam affici probabile est. 3<sup>o</sup>. excrescentia hæc scabra est & inæqualis ob inæqualem vasorum extensionem quâ fit ut venæ aliæ, aliis magis promineant hinc scabritici sensus nutantibus oculis percipitur. 4<sup>o</sup>. Eadem excrescentia pro majori minorivè vasorum extensione nunc juxta superficiem conjunctivæ dumtaxat, nunc longius ad corneam nempe producit, nunc denique pupillam, vel ex parte, vel eam ex toto obtegit, hinc vel integra erit visio, vel obscura, vel penitus abolita. 5<sup>o</sup>. modò Unguis con-

junctivæ adhæret firmiter, ipsique continuus est, modò verò contiguus, & ab illo facile primùm fit, vel cum excrescentia pendet ab extensione ipsius adnatæ tunicæ, cujus lamella exterior servat eam quam priùs habebat cum sublatâ inferiori laminâ continuitatem, vel quando carunculæ productio inveterata est, & lymphâ perpetim exundante veluti aliquo glutine suppositæ, conjunctivæ adnascitur, ipsique agglutinatur; contrà verò unguis ab adnatâ facile separabitur dum carunculæ extensio recens est.

2<sup>o</sup>. Symptomata panno propria sunt 1<sup>o</sup>. Rubicundus ejus color ob venarum turgescen-  
tiam quibus intèrpersus deprehenditur. 2<sup>o</sup>. Quoniam pannus à sanguine fit, & vel phlogolim, vel inflammationem adjunctam habet cæteris symptomatibus inflammationi propriis nempe calore & dolore stipabitur. 3<sup>o</sup>. Hæc] symptomata pro majori aut minori infarctu, nunc mitia, nunc gravia futura sunt, hinc dolor interdum acutus interdum lævis & pruriginosus. 4<sup>o</sup>. Præpedito sanguinis circuitu per carunculam lacrymalem sanguis uberius ad vicinas partes divertet, easquè op-  
plebit, hinc partium vicinarum nempe adnatæ tunicæ, palpebrarum & inflammatio, imò aucta infarctus vehementia tumor frontis ac superciliorum excitabitur. 5<sup>o</sup>. Sanguis si in suppuratum abeat abscessum, vel ulcus inferet, prout pus vel effundetur, vel in fistula continebitur, si autem divisus ac tenuis factus discutiatur, vel à vasis resorbeatur, tumor resolutionis viâ terminabitur. 6<sup>o</sup>. Post factam resolutionem, si vasa solitum ac naturalem elaterem recuperent, san-

guinem aut lympham hærentem ex toto propellent, pristinaque restituetur carunculæ magnitudo, sin verò eadem vasa ultra tonum delata & laxiora liquorum stagnantium renitentiam superare nequeant, caruncula solito major permanebit; prius fit dum morbus recens est, posterius quando est inveteratus. 7<sup>o</sup>. Caruncula grandior perflare nequit sublatâ inflammatione quin perseveret aliquandiu, sin minus sanguinis, & saltem lymphæ hærentia, quin pariter laxata vasa sanguifera novum facillè vitium suscipiant; ergò superstitè carunculæ inflatione, vel Unguis novus à congestione lymphæ, vel novus pannus a cumulado sanguine levi datâ occasione inducetur. 8<sup>o</sup>. Excrescientia quæ in panno observatur, carnosa est, & satis crassa quod in hac tumoris specie plurima extendantur vasa tam sanguifera quam lymphatica, imò fungosæ carnes ac molliores liquorum appulsui facillè cedant, multumque succrescant. Hoc autem præsertim observare licet in panno qui carunculæ exulcerate adnascitur. 9<sup>o</sup>. Tandem humores in fungosis hujus modi carnibus morantes vitiosam contrahunt acredinem, quâ solidis destruendis apti fiunt, hinc est cur pannus ab hypersarcomi productus, non rarò carcinomatodem naturam induit. symptomata Pterygium seu Unguem comitantia sunt.

1<sup>o</sup>. Color albicans qui à contento humore lymphatico naturâ suâ pellucido repetendus est.

2<sup>o</sup>. Excrescientia, undecumque orta fuerit, tenuis est admodum, membranæ similis, & pelliculam complanatam efformat.



quia pauca vasa , & minutissima tum carunculæ lacrymalis , tum exterioris adnatæ laminae obstructa , & impedita juxta longitudinem dumtaxat expanduntur , obstante scilicet iteratâ palpebrarum superjectarum pressione , eorundem vasorum secundum latitudinem acreffione.

3<sup>o</sup>. Pterygium ab hærente & aggestâ lymphâ producitur ; verum lymphæ humor est lentè motus , nullamque proinde subitanæ vim vasorum tunicis inferre potis est , sed potius sensim cumulata pelliculam quandam per gradus , ac pedetentim efformet , ergo pterygium a congestione fit , nulloque dolore , calore ve stipatur.

4<sup>o</sup>. Id genus excrescentiæ molle erit ac flexibile , si contenta lymphæ adhuc fluida sit , & simul tunicæ vasorum flexilitatem suam nondum amiserint. Secus verò si lymphæ ob diuturniorem moram obduruerit, pellicula dura ac schirrosa futura est.

5<sup>o</sup>. Idem accidit schirroso pterygio quod cæteris schirri speciebus , nempe quemadmodum schirrus mammarum , uteri , aliarumque partium , mutatâ humorum indole , vel in motum actis sopitis lymphæ salibus in cancerum abire solet , ita & quoque unguis topicorum ab usu , affricu nimio , ac repetito , aut vitiatâ sanguinis diathesi in cancerosum tumorem aliquandò degenerat , quo in casu acriter dolet , pluribusque deinceps pustulis saniem jugiter fundentibus exasperatur.

## DIAGNOSIS.

Oculorum excrescentiæ visu patent : an

fit pannus vel Pterygium ex ejus colore, & crassitudine facile dignoscitur. Tumorem cancrum esse dolor lancinans, caro fungosa, fæda sanies & corrosiva manifestò indicant. Causæ remotæ ex antecedentibus & concomitantibus erui poterunt.

## PROGNOSIS.

Hic tumor satis gravis est tum ob molliorem, teneramque oculorum texturam quæ fortiora remedia non patitur, tum ob vitium visionis exercitium. Importunus quoque est ac molestus ob sensum alicujus corporis extranei, qui inter varios nictitationis motus percipitur, gravesque opthalmias quas accersere solet. Periculosus quandoque; imprimis si negligatur, quia ulcus, abscessum, aut cancrum advocat.

Varianda prognosis 1<sup>o</sup>. Pro variâ tumoris naturâ sic pannus facilius curatur Pterygio, quod fit per congestionem, & in quo lymphæ concreta, & indurata difficilius solvitur, nisi aliunde pannus ab hyperæsarcosi pendeat, tunc enim imminet cancri periculum, sic etiam ulceratus, & cancrum simplex periculosior futurus est.

2<sup>o</sup>. Pro diuturnitate morbi & extensionis magnitudine. Sic recens inveterato, sic ille qui ab adnatâ & corneâ facile dimovetur, eo qui strictè his tunicis adhærescit, sic demùm ille qui adnatam non prætergreditur, facilius cedit eo qui exporrigitur ad pupillam.

3<sup>o</sup>. Pro ægrotantium temperamento & ætate, sic juvenis senibus, sic robusti, &

## DE MORBIS CAPITIS. II

optimæ temperaturæ homines delicatulis, strumosis, melancholicis, aliisque male constitutis facilius persanantur.

### C U R A T I O.

Utrique excrescentiæ speciei remedia conveniunt, tam interna quàm topica, eorum tamen usus variandus pro diversis causis, diversâque tumoris indole.

1<sup>o</sup>. Etenim in panno, præmissâ diætâ refrigerante, imprimis si inflammatio gravis sit, venæ sectio sæpius iteranda quam in Pterygio, purgatio levis adhibenda, verbo pariterè modo procedendum est, ac in opthalmiæ curatione de quâ inferius dicturi sumus, principio topica, anodina, & demulcentia, postmodum resolventia, postremo repellentia, & astringentia exterius applicanda sunt. Si prædictis remediis inflammatio non resolvatur, sed in suppuratum abeat, & abscessum producat, promovenda abscessûs apertura, ulcus dein detergentibus & cicatrisantibus consolidandum, ac tandem sedata inflammatione, aut sublatis symptomatis inflammationem subsequenter superstes excrescentia, si quæ sit iisdem tractanda medicamentis, ac Unguis qui absque ullâ præviâ inflammatione ab humorum congestione dependet.

2<sup>o</sup> In UNGUE seu Pterygio præmissis universalibus prout opus fuerit attendendum maximè an recens morbus sit, an inveteratus, si primum diversi generis topica resolventia adhibe quibus excrescentia absumatur, talia sunt aquæ variæ distillatæ, che-

lidonii , euphrasæ , raphani , fœniculi ,  
 artemisiæ &c. Succī earumdem Plantarum ,  
 vinum album cum saccharo candido , testa  
 ovorum in aceto macerata , dein siccata , &  
 in pollinario redacta , thus ; thutia præparata ,  
 aloë , cornu cervi ustum , vitriolum album ,  
 aqua benedicta *Rullandi* , cinis limacum ,  
 æs ustum , ossa sæpiæ , lapis hæmatites ,  
 aliaque benè multa ex quibus conficiuntur  
 colliria in oculos guttatim identidem instil-  
 landa , vel pulveres varii unguis inspergendi.  
 Cave tamen saltem initio ab acriorum to-  
 picorum ab usu , incipiendum est à mitiori-  
 bus quæ minus irritant , & sine ullo dolo-  
 ris sensu , ad validiora deinceps progredien-  
 dum , imò verò his adjungenda sunt anodina  
 & emollientia , ut minuatur partis tensio ,  
 nimiaque topicorum acrimonia obtundatur.

Interim non omittenda sunt interna re-  
 media , incidentia nempè & aperientia quæ  
 sanguinem & lympham dividant , inter quæ  
 primas tenent variæ chalibis , & mercurii  
 præparata , &c. quibus hidrargirosis antepo-  
 nenda est si Pterygium à viru venereo pro-  
 duci , vel foveri sit suspicio.

Ubi verò tumor ob diuturnitatem altiores  
 egit radices , actionem Medicamentorum  
 eludit , proindèque ad opem Chirurgicam  
 confugiendum est , quâ unguis filo duplica-  
 to hinc & inde deligatus , atque suspensus  
 scalpello incisório ad basim usque excinditur ;  
 peractâ dein operatione vulnus abstergen-  
 dum est , & cicatrice obducendum topicis  
 convenientibus.

At si his omnibus incassum præscriptis aut  
 neglectis , excrescentia in cancerum abierit  
 sola



sola superest palliativa curandi methodus, quæ ægrorum vitam prolatando sustentare possit.

## ARTICULUS II.

### *De Anchiope.*

**J**uxtâ majorem oculi canthum & nasi radicem aliquandò excitatur protuberantia quædam præternaturalis, seu tumor in punctis lacrymalibus, aut sacco nasali sedem habens qui Anchiope à Medicis nuncupatur.

### DIFFERENTIÆ.

Hic tumor diversus est pro diversâ ipsius naturâ & magnitudine; sub 1<sup>o</sup>. respectu alius est inflammatorius & fit per fluxionem, alius verò inflammatione caret, & per congestionem generatur, prior ad Phlegmonem revocandus, posterior nunc simplex est sacci nasalis dilatatio varicosa seu hernia, vel ut aliis placet ejusdem sacci Hidrops, nunc Atheromatosis, Meliceridis, aut Steathomatis indolem refert.

2<sup>o</sup>. Pro tumoris magnitudine alius dicitur Anchiope superficialis, alius profundus.

### CAUSÆ.

Si tumor inflammatorius sit aut schirrosus easdem agnoscit causas à quibus Pannum, vel Pterygium pendere supra ostendimus, ni-

mirum hærentiam & congestionem sanguinis, aut lymphæ in vasis quibus constat geminus punctorum lacrymalium ductus, vel ipsemet saccus nasalis, undè suboritur tuberculum nunc rubrum, calens & dolens, nunc durum, renitens & indolens quibus ulterius enumerandis supersedere juvat, quoniam ex iis quæ in præcedenti Articulo dicta sunt, haud ægrè repeti possunt.

Quod autem ad varicosam sacci nasalis dilatationem spectat, quæ causa est Anchi-ropi propria, hæc à præpedito solito lacrymarum ad nares effluxu deducenda, quo fit ut lacrymalis humor supra obicem vim suam in ejusdem sacci latera exerat, ejusque pariter diducat, & extendat.

Verum inhibetur consuetus lacrymarum ad nares effluxus propter sacci nasalis lacrymas excipientis obstructionem, compressionem, vel constrictionem.

1<sup>o</sup>. Sacci nasalis obstructionem pariet, vel contentarum lacrymarum visciditas, quæ effluxui minus comparatæ ultra progredi nequeunt, & viam pergere ad nares, vel tuberculum aliquod in sacci nasalis cavitate genitum.

Humor lacrymalis præternaturalem visciditatem contrahet triplici potissimum ratione. 1<sup>o</sup>. Si iusto crassior ac viscidior à sanguine ejusdem indolis secernatur. 2<sup>o</sup>. Si post factam secretionem aëre frigidiori, vel acidorum Colliriorum ab usu inspissetur. 3<sup>o</sup>. Si oneretur partibus extraneis quas fluiditatis motu secum abripit, deducitque ad saccum nasalem, tales sunt partes terreæ ab aëre pulverulento suppeditatæ, materiæ saniosæ,

aut purulentæ quæ ab ulceribus conjunctivæ, vel corneæ dimanant, limpiditudo crassioris particulæ &c.

Tuberculum in sacci nasalis cavo producet, si glandulæ quæpiam quibus interna ejusdem sacci facies undequaque consita est, tumescant, tumescient autem si humor mucosus obliniendo sacco nasali destinatus in iis ob crassitiem nimiam hæreat, & coacervetur.

Mucosi illius humoris visciditas, vel causis generalibus sanguinem inspissantibus, vel vitio alicui peculiari puta veneno scorbutico, cythereo, aut scrophuloso adscribenda.

1<sup>o</sup>. Saccus nasalis, vel ductus gemini lacrymales, ex quorum cohalitione saccus ille efformatur comprimi nequeunt, nisi à partibus viscidis intumefactis, proindeque evidens est vasâ sanguifera aut lymphatica ductibus ad saccum nasalem pertingentibus proxima, si prætermodum tumeant, iis compressionem illatura, vel saccum nasalem pariter necessariò comprimendum si canalis osseus quo veluti Thecâ ambitur, undique exostosi afficiatur quod quidem vitium in lue venereâ ossibus familiare est.

3<sup>o</sup>. Tandem sacci nasalis tunica fortiùs constringetur, ob validiores irritationes, sympathicosque liquidi nervei influxus, quibus ejus fibræ convulsivè crispantur. Irritationes illæ sunt vel in ipsâmet sacci tunicâ, vel in partibus vicinis, nempe oculo aut naribus, prior fit ab humore lacrymali acriori, aut corpusculis purulentis, saniosis, salinis, cæterisque quomodocumque vellicantibus, fæto, vel ab herrinis pariter acrioribus vehementius insufflatis, vel denique à liquidis

in tunicæ substantiâ hærentibus collectis , & nervos nimium distrahentibus. Posterior vero à causis consimilibus in oculum , vel nares actionem suam edentibus , quibus liquidum nerveum in prædictas sacci nasalis fibras sympathicè determinatur.

Causæ remotæ & antecedentes ex sex rebus non naturalibus depromendæ sunt.

## SIMPTOMATA.

10. In Anchilope afficiuntur punctorum lacrymalium ductus , aut saccus nasalis , ergo tumor juxta majorem oculi canthum , & nasi radicem debet efflorescere , sive autem à sanguine , sive à lymphâ , sive ab humore lacrymali pendeat ; perindè est ad partis elevationem , fluida enim cujuscumque generis sint morâ & quantitate vasa in quibus cumulantur , ampliant & extendunt.

20. Si tumor à sanguine oriatur , Phlegmonodes est , & adjuncta habet inflammationis symptomata , nempe calorem , ruborem & dolorem , quod potissimum à vi sanguinis vasa confestim expandentis repetendum censemus. si à lymphâ tumor durus est ac indolens , ob debiliorem lymphæ motum , ejusdemque indurescentiam , atque tunc pro variâ lymphæ indole , nempe prout hæc ad pulvis , mellis , aut sibi naturam vergit atheroma , meliceris , aut steatoma haberi potest. Tandem si ab humore lacrymali congesto producatur , varicosus futurus est , atque magis extensus quam in præviis casibus , in quibus circumscriptum nascitur tuberculum.

3<sup>o</sup>. A quâcumque causâ tumor ortum ha-

beat, nunc major, nunc minor est, nunc superficialius, nunc profundus, quod tùm à diverso vasorum obice, tùm à majori vasorum affectorum numero deduci debet.

4<sup>o</sup>. In anchilope saccum nazalem angustari necesse est, quod fieri nequit quin præpediatur solitus humoris lacrymalis ad nares progressus, hærebit ergò ille suprà locum obstructum, novamque fluxuri humoris copiam ab ingressu arcebit, quæ extrà oculum per genas involuntariè effluet, hinc epiphora.

5<sup>o</sup>. Tumore à naribus versùs puncta lacrymalia exterius compresso contentus humor lacrymalis debet refluere in oculum quo exoneratus nazalis saccus paulisper detumescit, hinc in varicoso anchilope tumor facta compressione cessat, novaquè dein lacrymarum congestione iterum exurgit.

6<sup>o</sup>. Tumor in anchilope, qualiscumquè ille sit, nullâ stipatur solutione continui, nihil ergò perlucidis lacrymis admiscetur, quod eas turbulentas facere possit, proindèque lacrymalis humor compressione educus lymphidus & vitii expers futurus est.

7<sup>o</sup>. Mucus narium non parùm ab humore lacrymali aqueo diluitur, ergò eo deficiente crassior erit & viscidior, parciusque secerne-  
tur, undè in anchilope siccior erit naris angulo oculi affecto prospiciens.

8<sup>o</sup>. Impedito humorum circuitu in punctis lacrymalibus aut in sacco nazali sanguis ad vasa viciniora uberius appellet, ergò caruncula lacrymalis quæ hisce partibus proxima est; sanguine copiosiore oppleta inflammabitur. Ex eadem ad conjunctivam irruentis sanguinis quantitate opl.talmiam repetendam esse nemo non videt,



9°. Quamvis anchilops schirrosus sit aut varicosus, nequè inflammationem essentialiter adjunctam habeat saltèm initio, nonnumquam tamen, præsertim si perseveret, solet inflammatione stipari quia sacci nasalis vasa vel à lymphâ hærente, vel à lacrymis pariter collectis compressa, sanguinis circuitum inturbant.

10°. deniquè inflammatorius tumor sive essentialis, sive accidentalis fuerit, ruptis vasis sanguiferis, sanguinis effusionem promovet, & puris generationi ansam præbet, hinc anchilops lapsu temporis in ulcus ægilopis nomine cognitum ut plurimum degenerat.

### DIAGNOSIS.

Anchilops ex ejus sede & symptomatis jam enumeratis facile dignoscitur, an autem inflammatorius sit, an schirrosus, au varicosus intelliget quisquis ad naturam tumoris, & symptomata attendet. Superficiarius & profundus ipsis nudis oculis patet, deniquè causæ ex indole tumoris antecedentibus, & concomitantibus cuilibet innotescere poterunt.

### PROGNOSIS.

Anchilops difficilè curatur multiplici de causâ 1°. Quia remedia resolventia huic tumori sanando idonea inflammationem augent, si quæ sit, sin minùs eam promovent. 2°. Quia adnatam tunicam irritando opthalmiam sæpè pariunt. 3°. Quoniam difficilè admodum introduci possunt apta topica in partem punctorum lacrimalium, & præsertim sacci

nasalis abstructam. 4°. Demùm quod ob continuum oculorum motum nequeunt semel inducta satis diù contineri, quin potius repetitâ palpebrarum compressione, expressa brevi per puncta lacrymalia foras effluunt.

Importunus ac molestus tumor est propter epiphoram quam inducit. Inveteratus recenti, profundus superficiario periculosior. Tandem si carcinomatides fiat, periculosissimus censendus est ob gravem noxam quam infert vicinis partibus, eas exedendo, & ægilopem, ulcera phagædenica cariemque ossium advocando.

### CURATIO..

Ad curandum anchilopem habenda ratio causarum, nam prout illæ diversæ sunt diversimodè procedendum.

Dum anchilops pendet à sanguine aut lymphâ congestâ, & tuberculum producente simili fermè modò curandus est ac cæteri solent tumores inflammatorii, aut schirrosi remediis interioribus, & exterioribus usurpatis.

Quando varicosus est, videndum pariter quænam sit obstructionis causâ, suis quæquæ convenientibus auxiliis oppugnanda, nimirum si ab antecedente adnatæ aut corneæ ulcere ortum habeat, tractandum est ulcus modò in sequentibus articulis exponendo, si à viru venereo, scorbutico, strumoso instituenda therapeia quæ singulis his morbis debellandis, aut mitigandis competit.

Si causâ externa sit & evidens qualis est lacrymarum visciditas ab Aëre frigido, pulverulento, spissis lippitudinis particulis tacto,

aut collyriis acidis contracta citrà ullum sanguinis vitium , tunc curatio solis remediis externis feliciter absolvetur.

Si tumor humorum vitium præsupponat ex quo prima mali lăbes , & lacrymalis humoris crassities orta fuerit corrigenda vitiosa humorum crasis internis medicamentis incidentibus , aperientibus , & sanguinem dividētibus.

Posteà externa remedia sive topica obstructo sacco nasalī referando idonea in usum vocanda sunt tūm diluentia , tūm resolventia , inter quæ laudantur aquæ thermālēs , vinum tepidum , aquæ variæ ophtalmiæ , aliæquē hujus generis tūm naribus inspirata , tūm instillata in oculos quibus materia obstruens mollior facta liquorum appellentium impulsui cedit , & expellitur , sicque canalīs ab obstructione liberatur. Iisdem aquis thermalibus , naturā suā ferventibus , aut arte excalescentibus , præcipuē bellilucanis partem affectam expedit exteriùs irrigare ; iis enim motu materiis hærentibus indito , tumor aliquandò resolvitur : herrina pariter attracta , & inspirata per nares , saccum nazalem irritando , ad fortiores contractiones stimulant , sicquē obicem tollere valent obturaculum solvendo , eumque foras ejiciendo.

Verū inter cætera præstant specilla Chirurgica tenuissima in alterutrum punctorum lacrymalium ductum immissa quibus iter ad nares recluditur , vel siphunculi quorum ministerio liquores in saccum nazalem injicere fas est , eluendis materiis impactis accommodatos.

## ARTICULUS III.

*De Ægilope.*

**A**Nchilops de quo jam superius dictum est si inflammatorius sit, aut inflammationem comitem sibi accersiverit, vel in abscessum qui deinceps rumpitur, vel in ulcus plerumque terminatur. Quoquomodo se res habeat, sit ægilops. Ægilopis enim nomine nihil aliud inteiligitur quam punctorum lacrymalium, vel sacci nazalis ulcus ex prægressâ inflammatione, vel rupto abscessu oriundum. hoc vitio fertur capras præ cæteris animantibus frequenter affici, & idcirco ægilops dicitur à Græcis quasi oculus caprinus, Arabibus verò garab, & algarab.

## DIFFERENTIÆ.

Ulcus sacci nazalis pro variâ puris indole & symptoma tum vehementiâ, nunc simplex est, nunc malignum, nunc cancrosum: simplex pus coctum, albicans, & legitimum fundit, malignum pus crudum, malè coctum; saniosumque suggerit, cancrosum denique sive carcinomatodes dolore lancinante stipatur, carnes exedit, fungos & calla excitat.

Alius quoque ægilops in solâ sacci nazalis exulceratione positus est, alius præter exulcerationem, obstructionem ejusdem sacci conjunctam habet: prior simpliciter exulceratus posterior verò ex obstructione, simul & exulceratione complicatus vocari potest.

## CAUSÆ.

Quandoquidē ægilopis natura in ulcere consistit, purisque effluxus symptoma est huius affectui præcipuum, & essentialē, videntur ex eo deducendæ causæ omnes tam proximæ quàm remotæ.

Vis igitur quâ abcessus cystis disrumpitur, & pus contentum effundit, vel ea quæcumque partis inflammatæ suppurationem promonent pro duplici causâ proximâ haberi possunt.

1<sup>o</sup>. Rumpitur abscessus vel ex motu aliquo violento corporis, puta sternutatione, vel quia involvere fistidē efformantia, ab incluso pure extenuata, tandem rumpuntur vel ab eodem erumpuntur.

2<sup>o</sup>. In partibus inflammatis pus generatur dum ruptis vasis quibusdam sanguiferis, cætera ipsis vicina quæ integra remanent, pulsant fortius, sanguinemque & lympham in extremis vasorum ruptorum hærentem mutato colore in liquamen purulentum convertunt, quapropter præcedens inflammatio fisterosa, hoc est quæ cum sanguinis effusione fit ægilopem immediatè producet vitali vasorum integrorum motu præternaturam adaucto.

Cæteræ causæ antecedentes & remotæ eadem sunt ac anchilopis de quo supra.

## SYMPTOMATA.

Prout simplex est ægilops vel cum obstructione conjunctus diversa habet symptomata jam enumeranda.



Si simplex sit sacci nazalis exulceratio sine obstructione ullâ ejusdem canalîs, planum est.

1<sup>o</sup>. Lacrimalem unâ cum sanguine aut, sanie ad cavitatem narium fluxurum via satis libera.

2<sup>o</sup>. Quoniam tamen materiæ purulentæ, aut saniosæ nimîâ suâ acredine saccum nazalem vel ejus emissarium irritant, stringunt, inflammant, vel mole suâ, & particularum crassitie obstruunt, futurum necessario ut illæ unâ cum lacrymis suprâ obicem detineantur, & saccum nazalem dilatent, hinc tumor ut in anchilope è quo pus vel sponte, vel in oculum defluendo dimanat, vel presso angulo exprimitur.

3<sup>o</sup>. Expressis materiis purulentis quæ tumorem antè efficiebant, hunc pro tempore subsidere necesse est, donec per novum, novusque lacrymalis humor denuò colligatur.

4<sup>o</sup>. Idem pus non modò saccum nazalem, & punctorum lacrymalium ductus copiâ suâ extendit, verùm etiam extrema eorundem punctorum ostia in oculum hiantia, per quæ subindè exprimitur, irritat, proindèque præpedito sanguinis circuitu ruborem, punctis prædictis lacrymalibus inflammatorium communicat.

Ubi verò exulceratio sacci nazalis tum obstructione complicatur, sive ob simultaneam causarum obstruentium, & ulcus inducentium actionem, sive ob ulcerum callos, fungosâque labia. sive ob crassiores puris moleculas ductum penitus occludentes, sive demùm ob convulsivam, uti mox dictum est, fibrarum crispaturam, tunc sequentia oriuntur symptomata, ac.

1<sup>o</sup>. Quidem obturato sacco nasali, vel ejus emissario, pus lacrymis admixtum, obstante impedimento, nequit transferri ad nares, undè contigit ut in anchilope siccitas narium.

2<sup>o</sup>. Colligenda igitur materies supra obicem quæ anchilopem seu turbeculum juxtà nasi radicem inferet.

3<sup>o</sup>. Collectus humor, vel repleto ductu ab obice ad punctorum lacrymalium orificia pure tum copioso, tum cansticâ vi prædito, phlegmonodeâ rubedine afficientur; similem ab causam caruncula lacrymalis inflammabitur.

4<sup>o</sup>. Dum collecto humore plenus est ductus debebunt lacrymæ ob denegatum earumdem ingressum in puncta lacrymalia extrâ oculum effundi, ergò epiphora superveniet, eaque purulenta propter puris cum lacrymis commixtione.

5<sup>o</sup>. Partis exulceratæ labia tum lacrymis, tum humore è glandulis per sacci nasalis turricam dispersis secreto perpetim irrigantur, laxanturque, undè minuitur vis vasorum elastica, & lymphaticus humor ibidem secretus, minori vi actus, & moram trahens inspissatur, non parum aliundè conferunt ad hoc opus externi aëris frigiditas, imò fortè subtiliores particulæ puris inspissandæ lymphæ idoneæ, quæ extremos ductuum lymphaticorum meatus subeundo eidem lymphæ exiturienti viam præcludunt, hinc labrorum ulceris durities seu calli.

6<sup>o</sup>. Lympha indurata & crassefacta si in motum concitetur, & cum vicino sanguine phlegmonem inducente permisceatur, famiæ creat corrosivam carnes exidendi vi præditam

## DE MORBIS CAPITIS. 23

præditam, undè ulcus phagædenicum, & cancriforme evadet.

7<sup>o</sup>. *Ægilops* neglectus aut malè curatus cæterorum ulcerum more in quibus pus divitiùs coercetur sensim agit cuniculas, adeòque serpens in vicinas partes ulcus sinuosum seu fistulam lacrymalem infert.

8<sup>o</sup>. Tandem pus in fistuloso ulcere coarctatum pro diversâ naturâ, diversâque partium dispositione, nunc apertâ cute exteriùs effunditur, nunc interiùs illatâ proximis ossibus carie sibi intercudit præter solitum in narium cavitatem, nunc demùm vel inferiùs, separato obice per assuetam viam, nempe per sacculum nasalem emissarium ad nares diffluit, vel superiùs ad oculos, palpebras, harumque cartilagineas irrepit easque partes infestat.

## DIAGNOSIS.

*Ægilopem* simplex ac decens purulentæ materiæ effluxus manifestè indicat, distinguitur ab *anchilope*, quod in hoc lacrimæ limpidae & intaminatæ per puncta lacrymalia exprimantur, in *ægilope* verò pus vel solum ac sincerum vel saltem lacrymis admixtum dilabatur, à fistulâ lacrymali differt ob id in quos abire solet *ægilops*, si inveteratus fuerit, specillo explorandus.

Similiter hujus affectus differentias noscere arduum non est, nam 1<sup>o</sup>. Simplex, malignus, & cancriformis, ut supra innuimus, ex notâ puris naturâ & symptomatibus cuilibet vel paululum attententi patent. 2<sup>o</sup>. Conjicitur exulcerari dumtaxat sacculum nasalem dum factâ compressione materia purulenta simul & in oculos defluit, & in na-

res truditur, obstrui verò & exulcerari eundem saccum ex siccitate narium, soloque puris effluxu per puncta lacrymalia certum est.

Causæ ægilopis remotæ, vel ab ægro, vel ab astantibus summâ adhibitâ diligentia perquirendæ, expendendum quoque an bona sit, firmaque corporis constitutio an verò syphillitica, scorbutica, strumosa, &c.

### PROGNOSIS.

Ægilops morbus est satis gravis, & curatu admodum difficilis, tum quia remedia ulcus detergentia, & consolidantia vix ac ne vix quidem in saccum nasalem immitti possunt, tum quia immissa difficilè retinentur, atque hinc est cur excitatis callis, & purulenta illicui è moram trabente sinus efformentur, ulcusque in fistulam lacrymalem ita frequenter facescat.

Indè colliges 1<sup>o</sup>. Ægilopem cancrosum, malignum simplici periculosiorem esse.

2<sup>o</sup>. Simpliciter exulceratum in quo pus minùs stagnat, & per narium emissarium eliminatur, curam potiùs admittere quàm ex obstructione simul & exulceratione complicatum, in quo præclusâ viâ ad nares cogitur pus suprà obicem diutiùs remorari, vitiosumque contrahit naturam quâ carnes exedere, & calla generare aptum sit.

### CURATIO.

Quemadmodum anchilops ita & ægilops duplici rentiorum genere expugnandus 1<sup>o</sup>.

Itaque conveniunt eà interna medicamina quæ in cæteris quibuscumque ulceribus internis præscribi à Medicis solent : missis ergò in antecessum diætâ demulcente , venæ sectione si opus sit , & blandiore Cathartico , lac vel asininum integrum , vel vaccinum cum infusione herbæ thè , aut plantarum vulnerariarum , vel cum decocto hordei , & graminis mixtum , dein coctum & ebuti ratum efficax medicina est.

1<sup>o</sup>. Utatur æger per mensem & ultrà , si stomachus ferat , lacte ; adhibenda quoque diluentia , & sanguinem leviter dividentia , seu ut aiunt depurantia ( imprimis si calla adsint ) qualia sunt juscula alterata herbis refrigerantibus & aperientibus , vel ex cancris fluviatilibus , & pullo juniori parata , decoctum leve sudorificum ex salsaparillâ , similiter balnea , aquæ minerales acidulæ , & balzama varia ad guttas aliquot cum sirupo capillorum veneris usurpata , V. G. balsamum toltutanum , peruvianum , aut de capahü mira præstant ; etenim sanguinis , & humorum molem fluidiorem reddere , eorum motum attemperare , eorumque acrimoniam demulcere valent.

2<sup>o</sup>. Quod spectat topica , videndum sedulò an obstructio sacci nasalis ejusdem exulcerationi adjuncta sit , in quo casu conducit statim therapeia anchilopis in præcedenti articulo proposita , post modum ea quæ soli exulcerationi propria est.

Hæc autem triplicem habet scopum præcipuum primum ut callositates , si quæ tactu , aut specillis deprehenduntur , resolvantur , secundum ut pus , aut sanies ulceris absterga-

tur, tertium ut deterfum ulcus exsiccetur, & ad debitam cicatricem perducatur.

Primum scopum assequuntur emplastra varia resolventia parti tumidæ exterius applicata nempe emplastrum de diachilo simplici, vel de diabolano, vel de ranis cum mercurio, unctiones ex unguento Neapolitano factæ, aquæ rutæ cum tantillo unguenti ægyptiaci, vel apostolorum, vel viridis æris similiaque hujus generis irritantia siphunculo- rum ope injecta, quæ ultima topica cautè præscribenda, ne nimium irritando & dolorem intendendo ulceris labra inflamment.

Deindè ulcus detergendum est decocto hordei cum melle rosaceo, vino rubro tepido, aquis ophtalmicis variis quibus balzami aliqujus nonnullæ guttulæ adjiciuntur, aquis Thermalibus &c. quæ vel per nares inspiratione attrahenda sunt, vel per oculos syringe, aut parvis syphonibus immittenda, ut partes exulceratas attingant.

Tandem exsiccandum ulcus injectione aquæ secundo calcis cum sali ammoniaco, vel lixivio ex cinere & calce facto, imò ex sarcoticis & cicatrisantibus, nempe Aloë, Thure, Sarcocola, Alumine, sanguine Dragonis &c. fiant collyria modo jam dicto injicienda.

Insuper ægilopem solâ compressione exterius inductâ plerumque radicitus curatum fuisse compertum est, compressio hæc fit vacuato prius pure, ac dein pellicillis aliquotum super impositis, circulari fasciâ deligandis & continendis, vel ope ligaminis cujusdam ferrei nuperrimè inventi, eo pacto compressâ parte tumidâ, inhibetur novas puris genesis, novaque collectio, & sacci nasalis.



vasa plus æquo dilatata tonum suum recuperant.

## ARTILULUS IV.

### *De Fistula Lacrymali.*

**U**Bi primum ægilops inveteratus ulcus saniosum, profundum, callosum intulit, & sinuosus evasit, mutato nomine, fistula lacrymalis solet appellari. Per fistulam itaque lacrymalem nihil aliud intelligendum venit quàm fistulosum, seu sinuosum ulcus facci nasalis, vel punctorum lacrymalium.

### DIFFERENTIÆ.

Authores quidam duas fistulæ lacrymalis species assignant, spuriam unam seu notham, alteram veram seu legitimam cui allata definitio solum competit; hæ duæ fistulæ in majore oculi cantho suum habent exitum per quem inter se conveniunt, discrepant verò ratione originis, spuria namque ex superiore oculi parte materiam purulentam accipit, legitima autem puncta lacrymalia, aut saccum nasalem pro gemino puris fonte agnoscit, undè patet in fistulâ lacrymali verâ, partes lacrymis ad nares deducendis dicatas affici, secus verò esse sine labe in fistulâ quæ spuria nuncupatur.

### C A U S Æ.

Quoniam verò hic agitur potissimum de fistulâ lacrymali verâ, cum insuper hæc sit

tula ab Ægilope tantum differat quod in Ægilope simplex sit ulcus, in fistulâ verò lacrymali ulcus sinuosum, sequitur ea quæcumque sinus efficere poterunt inter causas fistulæ lacrymalis esse recensenda.

Statim autem puris moram, ejusque acrimoniam pro sinuum causâ proximâ statuere non dubitamus, quod quidem ratio suadet, firmat experientia; nam o. evidens est pus stagnare non posse, & cumulari in sacco nasali, quin vel illum extendat, vicinasque partes comprimat, undè præpedito in iis circuitu sanguis corrumpitur & abscessum generat, qui ruptus novum pus fundit cum sacci nasalis pure commiscendum, vel interstitia membranarum mole suâ & acrimoniam quasi suffodiendo subeat, eaque ampliet. 2°. Observamus quotidie in cœteris corporis partibus pus genitum, nisi quam primùm educatur fistulas producere, sic in quibuscumque abscessibus pus diu retentum extenditur, serpitque adeò ut ex papulâ minimâ suppuratâ, nisi exterius rumpatur, pusque effundat, magnus quandoque abscessus suboritur. Similiter constat pus laudabile, albicans, & probè coctum, ut dicitur, lentius cuniculos agere pure sanioso, foetido & corrosivo, proindeque datur interendum puris acredinem ad sinuum genitum proximè concurrere.

Retinetur pus in sacco nasali, quia vel saccus ille, vel ejus emissarium obstruitur. Obstruitur saccus nasalis à causis omnibus in Anchilope enumeratis quibus adjungi possunt fungosæ carnes & callosæ ex malè tractato Ægilope nimium accrescentes, nec non varicellarum. Pustulæ in eo sacco enatæ, ex quibus

## DE MORBIS CAPITIS. 31

bus disruptis effusa sanies ductus coalitum promovet. Emissarium verò sacci nasalis obturabunt ulceris narium fungosa labia, aut excrecentia poliposa.

Acrimonia puris vel ex morâ diuturniori, vel ex vitiatâ humorum indole deducenda.

Causæ externæ sunt ictus, casus ex alto, compressiones variæ &c.; causâ demum disponens habeatur prædictarum partium angustia: sic eos quibus nasus multum depressus est præ cæteris fistulæ lacrymali obnoxiosum esse certum est.

## SIMPTOMATA.

10. In incipiente fistulâ lacrymali quædam se produnt symptomata ut in Ægilope, nempe tumor in majore oculi cantho, quo compresso pus per puncta lacrymalia eructatur, naris siccitas, Epiphora, punctorum lacrymalium rubor, nec non carunculæ lacrymalis inflammatio, & abscessus quæ quidem omnia ex sacci nasalis obstructione, collectione puris, ejusdemque acrimoniâ facile repeti possunt.

2<sup>o</sup>. Cumulatum pus in fistuloso ulcere lacrymali comprimit Vasa lymphatica, unde lymphæ hæret, & obdurefcit, callosaque ulceris labra efficit.

3<sup>o</sup>. Quandoque tanta fit in punctorum lacrymalium orihiis inflammatio, vel exulceratio, ut ea claudantur penitus, nequè ullatùm puris effluxui, tum lacrymarum ingressui via pateat, hinc fistula cæca futura est assiduâ lacrymatione stipata.

4<sup>o</sup>. Clausis eo pacto punctis lacrymalibus

ac superflite interius obice , saccum nasalem à contento , collectoque pure multò magis ampliare necesse est , imò & rumpi crescente puris copiâ , modò versus exteriora , & juxtâ Palpebrarum commissuram , quo in casu aperta tandem cute & exulcerata patet fistulæ ingressus , modò ad interiora , & tunc pus vicina ossa , nempe os unguis , partem ossis plani & maxillaris corrumpit , & carie inficit.

5<sup>a</sup>. Verùm quoniam inter hæc ossa os unguis tenerius est ac tenuius puris actionem cæteris potius experietur , & cariosum fiet , viamque eidem puri aperiet ad cellulas ossis Ethmoidei proximas , quibus simili carie infestatis fistula cum naribus communicabit , atque adeò pus in narium cavitatem prolabitur ; id autem præsertim continget in inveteratâ fistulâ.

6<sup>a</sup>. Denique si reserata puris viâ per nares aperiantur puncta lacrymalia , tunc restituto lacrymalis humoris fluxu Epyphoram sistendam esse obvium est.

## DIAGNOSIS.

Ulcus fistulosum non modo ex præcedente , & confirmato Ægilope , sed ex fluente sanie indicatur. Specillo insuper explorandum ut certior sit ejus Diagnôsis , & ut fistula legitima à spuria distingui queat , ad hæc inducto pariter specillo innotescunt fistulæ profunditas , ejusque calla quæ ipso etiam tactu facile percipi possunt.

Ex diuturnitate ulceris , narium siccitate , & consequente copioso puris per nares effluxu

ossa erosa, & carie affecta fuisse suspicio est non mediocris, quod apertius patebit ex specillorum immisione quâ ossa inæqualia, & aspera persentiuntur.

De cœtero causarum Diagnosis ut ex suprâ dictis liquet, ex antecedentibus obtinebitur.

## PROGNOSIS.

Omne ulcus sinuosum inveteratum est, & difficulter sanabile, ergo fistulæ lacrymalis Prognosis in genere mala, speciatim verò chronicus morbus est difficilis curationis, tum ob rationes superius in Anchilopis & Ægilopis Prognosi allatas, tum propter molliem sacci nasalis qui lacrymis contentis perpetuò madescit, imò ferè nusquam raciditus curatur, sed Epiphoram sæpissimè post se relinquit.

Non eadem interim Prognosis semper instituenda: 1<sup>o</sup>. enim fistula lacrymalis inveterata ob ossium cariem, & callos sinuum recenti difficilior curatur.

2<sup>o</sup>. Legitima spuria periculosior quia pus in hac minorem quam in illâ moram trahit, faciliusque favente situ elabatur.

3<sup>o</sup>. Ægrorum habitudinis habenda ratio est; sic in macilentis, siccis, melancholicis, scorbuticâ, strumosâ, aut venereâ lue iniquitatis, morbus hic vix curam suscipit, secus verò in robustis ac bonæ temperaturæ hominibus.

4<sup>o</sup>. Rupto ad exteriora tuberculo, & effuso pure minus est periculum, quàm si tuberculum versus interiora aperiatur, quia minus metuenda est ossium caries.

50. Si ulcus cancriforme evadat, summum imminet periculum, quia non modò remediis non cedit, sed iis potiùs exacerbatur.

60. Fistula lacrymalis insanabilis censenda si ab obstructione variolarum pustulis induta dependeat, vel si à perito alioquin Chirurgus operatio incassum instituta fuerit, superstitite adhuc ulcere fistuloso.

## CURATIO.

Si recens sit fistula absque callis, & osium carie methodo ferè simili tractanda est ac *Ægilops*, compressione nimirum & injectionibus quæ quandoque feliciter succedunt.

Sin verò ulcus inveteratum sit callis refertum, corruptaque ossa & cariosa, vel si remedia convenientia irrita fuerint, sola prodest operatio Chirurgica, utcumque tamen sæpè non rectè succedat.

Verum priusquam ad operationem deveniatur præparatione opus est præmissis ergò diæta, venæ sectione, unâ aut alterâ pro Medici judicio, & lenioribus Catharticis, causæ variæ antecedentes quæ morbo occasionem dedere, & ægrorum status, atque temperamentum examinanda sunt, quapropter si lui veneræ, scorbuticæ, aut strumosæ natales debeat; ulcus remediis cuilibet veneno extinguendo propriis debellandum.

Si à nimia sanguinis, & lacrymarum falsedine originem ducat, si ægri macilenti sint, & biliosi temperamenti lue imprimis & alia demulcentia in usum vocanda.

Si ex adverso ulcus ab humorum crassitie pendeat, si temperies ægrorum frigida sit



& melancholica, vel obstructionum signa adsint, diluentia & aperientia præcedere debent operationem.

Denique inflammatio si quæ sit, vel in majore oculi cantho, vel in carunculâ lacrymali, imò & in ipsis oculis compescenda est anodinis, refrigerantibus & demulcentibus.

Quibus æquâ lance ita perpenſis Chirurgica operatio sine ulla temporis cunctatione, tempeſtivè tamen instituenda ſequenti methodo.

1<sup>o</sup>. ægri ſedentis caput, decuſſatis ſervi manibus fronti applicatis Cathedræ dorſo pulſiatur.

2<sup>o</sup>. Oculus ſanus penicillis aquâ Roſarum imbutis cooperiatur, & faſciâ diligetur.

3<sup>o</sup>. Morboſo oculo aponendum eſt parvum coelheare argenteum ut non ſolùm obveletur oculus, ſed immotus etiam detineatur.

4<sup>o</sup>. Detegendus incisionis locus, quod præſtabis cavitatem ulceris tactu, vel ſpecillo explorando.

5<sup>o</sup>. Perſpecto incisionis loco, ſecetur pars ſcalpro exciſorio, & ſemicirculariter ea lege... 1<sup>o</sup>. Ut pars ſectionis convexa, naſo, pars verò concava oculo obverſa ſit. 2<sup>o</sup>. Ut ſectionis angulus ſuperior incipiat juxta naſi radicem, ſeu in parte inferiori proceſſus angularis interni oſſis frontalis, vergatque ſemicirculariter ut jam dictum eſt ad naſi latera, & tumorem ipſum, tandemque ad partem illam oſſis è quâ parvus obliquus ducit originem, terminetur. 3<sup>o</sup>. Ut media incisionis pars à palpebrarum commiſſurâ tribus ad minimum lineis diſtet, alioquin ſectio loco in quo utraque palpebra coaleſcit, diſſiderentur oculi, quod maximè vitandum.

6<sup>o</sup>. Demùm institutum, vulnus præsertim in mediâ sui parte convenienti instrumento chirurgico dilatandum, & linamentis implendum, ut cariôsa ossa apertius pateant, peractâ sectione oppugnari solet ossium caries pluribus auxiliis Chirurgicis, iisque diversis.

Alii pulveres corrosivos & ossa absumentes adhibent, alii verò, quod potius est partes carie affectas ex toto destruunt, idque duplici methodo vel. 1<sup>o</sup>. Eas stilo acuto perforando, ac diffringendo, deincepsque in tractando vulnere fragmenta ossium educendo vel. 2<sup>o</sup>. Ferro candenti, seu Cauterio actuali quod suspensâ manu admoventum est, quia os Unguis ob tenuitatem facile rumpitur, ruptum verò fuisse & perforatum liquet ex fumo & sanguine qui è naribus exeunt.

Hac arte paratur nova via lacrymis ad narium cavitatem deciduâ quam apertam servare posse sperant Chirurgi usque ad perfectam curationem, spongiolam præparatam in nares immittendo filo duplicato in medio ligatam, dein vulneris fundum linamentis complendo, ac denique penicillis, fasciisque convenientibus partem obligando, postea vulnus tractant more solito, fungosâs carnes lapide caustico subitè comburendo, ne carnes excrescant citius quàm par est, & cicatrificationi officiant.

Eâ quidem methodo probè curatur ulcus lacrymale, & ossium Caries. Verùm quomodo instituta fuerit operatio igne videlicet, aut solo ferro, molesta ferè semper perstat epiphora, si quidem vix possibile est

ut

ut destructis punctis lacrymalibus aut sacco nasali, quamadmodum fieri assolet in prædictâ operatione, nova cudatur via lacrymis ad nares convehendis, cum accedente cicatrice vulneris apertura hinc indè carne oppleatur firmâ & solidâ quæ viam hanc novam penitus occludit, & obstruit.

## ARTICULUS V.

### *De Epiphorâ*

**F**luidum lacrymale per glandulam innotatam dictam, & per infinita granula glandulosâ quibus conjunctiva exterius obsita est secretum, irrigandis oculis dicatum, fluiditate, pondere retro sequentis liquidi appulsu, & palpebrarum mictibus jugiter trusum, gemino foramine juxtâ angulum oculi internum palpebris insculpto excipitur, indèque ad narium cavitatem perpetim amandatur. Hic autem humor si præ copiâ majore in guttas abeat sensibiles quæ ex oculo per genas disfluant, lacrymas constituit, unde copiosa & sensibilis humoris oculos naturaliter irrorantis excretio, lacrymatio nuncupatur.

Excretio hæc vel ab animi pathematis tristitiâ videlicet, amore, gaudio &c. excitatur, vel à causâ quâpiam præternaturali mox inferius investiganda. Prior tametsi naturalis non sit, quoniam tamen sit intrâ sanitatis limites, neque medicamentis indiget, in morborum albo non recensetur; de

posteriore igitur lacrymatione agere decrevimus quæ constans est præternaturalis, & Medicorum opem expostulat. Hanc alio nomine epiphoram vocant Authores, vel oculorum stillicidium.

### D I F F E R E N T I Æ.

Epiphora alia simplex est, alia complicata, simplex appellatur dum sola adest fluxio, complicata dicitur, quando dolori, calori & rubori oculorum adjungitur, & cum inflammatione aut exulceratione adnatæ tunice, aut palpebrarum complicatur.

Dividi etiam potest in idiopathicam, & symptomaticam prout vel sola invadit independentem à præcedente aliquo morbo, quamquam rarius, vel ut vulgò fit, alios prævios affectus consequitur, puta anchilopem, ægylopem, fistulam lacrymalem, ophthalmiam, phlyctenas &c.

### C A U S Æ.

Cum quantitas lacrymalis humoris exuperans, quæ non potest à punctis lacrymalibus admitti, lacrymas efformet, sequitur ea omnia epiphoram advocatura, quæ uberiores quam par est illius humoris fluxum promovebunt: uberiores autem futurus erit lacrymalis humoris fluxus, si iste humor vel copiâ solito majori secernatur, vel secretus utcumque naturali quantitate à punctis lacrymalibus absorberi nequeat; utrolibet modis contingerit, congerendum fore lacrymale fluidum in oculis, & sensibili guttarum

formâ effluxurum consequens est.

Primus humor lacrymalis copiosus fecer-  
netur quadruplici de causâ . . . 1°. Si sanguis  
aquosior sit, & nimîâ feri copiâ refertus. 2°. Si  
ad glandulas ejus secretioni servientes fre-  
quentius, & uberius appellat. 3°. Si laxen-  
tur earumdem glandularum Sphincteres reti-  
nendis humoribus à naturâ comparati. 4°. Tandem si eâdem glandulæ fortius constri-  
gantur contentumque liquidum ubertim ex-  
primant.

1°. Quoad aquosam sanguinis Diathesim,  
quamvis hæc causâ universalis sit, nequē  
proindē lacrymas potius quàm immodicam  
quancumque aliam evacuationem movere  
queat, nihilominus tamen suppositâ in la-  
crymali colo dispositione lacrymationis causa  
haberi potest. Hanc autem sanguinis crasim  
inferunt alimenta acria, piperata, potus ni-  
mius vini præsertim & liquorum ardentium,  
consuetæ evacuationes suppressæ, aliaque  
quæ sanguinem dissolvunt, & in fluorem  
quasi redigunt.

2°. Quantitas recrementorum quæ per  
sua incervicula secernuntur, quantitati san-  
guinis ad ea incervicula delati proportionē  
respondet, ergò si sanguis ad glandulas lacry-  
mis secernendis dicatas copiosius accedat,  
futurum necessariò ut lacrymæ quantitate  
solito majore secernantur. Sanguis autem  
uberius affluet ad glandulas suprâ dictas prop-  
ter vicinarum partium infarctum, ratione  
cujus ad vasa collateralia nempe ad eos caro-  
tidum ramos qui glandulis lacrymalibus inse-  
runtur, derivatur. Sic conjunctivæ, palpe-  
brarum, cæterarumque partium inflamma-

tioni succedit aliquandò epiphora.

3<sup>o</sup>. Ex Anatomicis certum est extrema vavorum excretoriorum orificia vi quâdam constrictoriâ donari, quâ inhibetur continuus humoris effluxus, imò potius secretus humor in colo aliquandiù acervatur, ergò si præternaturam acciderit, ut glandularum lacrymalium sphincteres laxentur, sequitur eos retinendis lacrymis impares fore, hisque continuo, & jugiter fluentibus aditum concessuros; tale vitium observatur præcipuè in senibus in quibus multum debilitatur vis vavorum oscillatoria.

4<sup>o</sup>. demum ex constrictione solito fortiori & assiduâ glandularum contenta liquida magis urgeri, & affatim exprimi necesse est, constrictione igitur validior & frequentior glandularum lacrymalium epiphoram accerset; hæ verò glandulæ fortius ac frequentius constringentur ab influxu majori liquidi nervei quem pariunt refluxus ad cerebrum dolori feri; atque hinc est cur ex collyriorum acriorum abusu, ex illapsis in oculum corporibus asperis, salis, rigidis, ex fumo &c. Epiphora quandoquæ excitatur; idem præstant irritationes quas patiuntur ii qui ulceribus corneæ aut conjunctivæ, aut ophtalmiâ laborant, vel quorum lacrymæ salsæ sunt.

Etiam si humor lacrymalis naturali quantitate secernatur, si tamen aliundè nequeat à punctis lacrymalibus excipi, & ad nares protrudi plantum est fore ut ille cumuletur in oculis, indèque foras & involuntariè dilabatur, atqui id ita fiet multiplici vitio... 1<sup>o</sup>. Punctorum lacrymalium nempe si illa inflammata impervia fiant, si obstruantur ab humore



lacrymali viscido, vel materiis purulentis, vel extraneis cum ipsis permixtis, si præternaturam constringantur... 2°. Vitio sacci nasalis, vel ejusdem Emissarii, nimirum obstructione, compressione, aut constrictione de quibus satis superque dictum est in exponendâ superius anchilopis, ægilopis, & fistulæ lacrymalis æthiologiâ, ergo omnes prædictorum morborum quatenus arcent ab ingressu lacrymale fluidum, epiphoram inferre possunt.

Causæ antecedentes desumendæ sunt ex temperie ac statu sanguinis, & ex rebus non naturalibus malè usurpatis.

### SIMPTOMATA.

Epiphora ut plurimum cæterorum affectuum symptoma est, non verò morbus per se; dum complicatur iisdem accidentibus stipari solet quibus stipatur morbus cui adjungitur, iis ergo exponendis supersedemus, in simplici verò sequentia oriuntur symptomata nempe.

1°. Lacrymalis humor, ut potè aqueus congeri nequit in oculis quin palpebræ utriusque præsertim verò inferioris textum laxet, neque laxari textura palpebræ, quin debilitato vasorum tono, sanguis hæreat, & phlogosim pariat, ergo epiphoram diuturniorem sequitur aliquando palpebrarum laxitas, & inflammatio.

2°. Pari ratione laxata caruncula lacrymalis rubore inflammatorio perfundetur.

3°. Ex defectu fluidi lacrymalis quo mucus narium diluitur, narium siccitas ad futura ut dictum de anchilope.

4<sup>o</sup>. Quoniam aqueus ille humor perpetim per genas diffluit, & cuti faciei adhærescit pelluciditatem aliquam genis conciliat, imò laxatis vasis sanguiferis, sanguinis circuitum retardat, & genarum ruborem inducit.

5<sup>o</sup>. Demùm sæpè fit ex nimiâ lacrymarum falsedine, ut irritentur oculi, pruriant, doleant, & inflammentur.

## DIAGNOSIS.

Epiphoræ diagnosi evidens est, quandoquidem oculorum stillicidium visu patet.

Causæ pariter tacitè erui possunt attendendo ad ægrorum ætatem, ad sanguinis diathesim, ad oculorum, aut sacci nasalis vitia, & ad ea quæ præcesserunt.

## PROGNOSIS.

Hic affectus ob continuum humoris fluxum quo madent oculi & genæ summam ægris affert molestiam.

Si recens sit, si à causis externis dumtaxat oriatur, si in juvenili ætate accidat, facile tollitur, nequè aliquandò eget operâ medici; secus verò si inveteratus sit, si fiat à depravatâ humorum crasi, & si senibus superveniat, in quo ultimo casu incurabilis censetur. Symptomaticæ epiphoræ eadem est prognosis à morborum quorum symptoma est, nempe phlctenarum, anchilopis, ægilopis, fistulæ lacrymalis, &c.

## C U R A T I O.

Varia institui debet therapeia pro varietate causarum.

1<sup>o</sup>. Dùm pendet à morbis prægressis, & symptomatica est eos morbos fugare convenit; quibus sublati per se & sine ullâ operatione evanescit, quâpropter si à sanguinis dissolutione, salsedine, & redundante sero producat, expedit incrassentia præscribere, eaque omnia quæ serosas partes luxuriantes evacuare apta sunt, suppressæ evacuationes restituendæ, & removenda ea quæ exsolutioni humorum ansam præbent. Si oculorum palpeprarum ve inflammationi, aut ulceribus supervenerit, his incommodis occurrendum est auxiliis in sequentibus exponendis. Si anichilopi, cæterisque sacci nasalis vitiis natalis debeat, remedia in tribus præcedentibus articulis proposita competunt.

2<sup>o</sup>. Aërum si idiopathica sit epiphora & independenter ab ullo alio affectu invadat ut præsertim contingit ætate senili ob glandularum laxitatem, tunc medicamina usurpanda sunt ipsi propria quibus satisfiat sequentibus indicationibus.

Prima indicatio, considerandus status sanguinis, atque si à naturali desciverit, convenientibus remediis, & laudabili diætâ restituendus, sin minus eadem operâ conservandus, quem in finem præter remedia vel demulcentia, & attemperantia, vel aperientia, & dividientia, utantur ægri cibis boni succi, & facili coctionis, aërem vitent salsum, frigidum, pulverulentum; purum,

ferenum, ac temperatum feligant efrorefquō  
in cæterarum rerum non naturalium. Uſu  
caute declinēt.

Secunda indicatio ſerū in ſanguine luxu-  
riāns : expurgandum evacuantibus, nempe  
venæ ſeſione, plus minusvè repetitâ, niſi  
ætas proveſta fuerit, diaphoreticis, diureti-  
cis, & catharticis convenientibus.

Tertia indicatio, humor refluens revellen-  
dus, & ad alias vias derivandus, tūm eva-  
cuantibus jam enumeratis, tūm apophlegma-  
tiſmis, hirudinibus pone aures applicatis, ve-  
ſicatoriis, & cauteriis quorum ope ita ſua-  
dente ratione, & docente experiētiâ, fluxio-  
nes cæteroquin contumaces ſæpè perſanantur.

Quarta indicatio. Naturalis glandularum  
lacrimalium tonus redintegrandus, quod per-  
ficietur corroborantibus, exſiccantibus, &  
aſtringentibus tam internis quàm externis.  
Interna ſunt opiatæ variæ, & pulveres ab-  
ſorbentes; externa verò collyria cum aſtrin-  
gentibus parata, nempe cum aquis roſarum,  
& plantaginis, vel ſæniculi, cum thure, maſ-  
tiche, tutia præparata, aloë in pulverem  
redacta, ſarcocolla nutrita, aliisque ſub fi-  
nem ophtalmiæ adhiberi ſolitis de quibus infrâ.

## ARTICULUS VI.

### *De Encanthide.*

**I**N utroque oculi majore cantho poſita eſt  
quædam excreſcentia carneaglanduloſæ fa-

bricæ, aliter caruncula dicta quæ ab antiquioribus medicis veluti lacrymarum inferniculum diu multumque habita carunculæ lacrymalis nomen accepit, quod etiam nunc hodiè retinet, quamvis nuperis Anatomicorum observationibus compertum sit carunculam hanc non lymphidi, & verè lacrymalis humoris, sed potius viscidæ cujusdam materiæ, lipitudini prorsus similis secretioni vacare.

Hæc caruncula duplici vitio vulgò afficitur, etenim vel incrementum suscipit præternaturale, vel minuitur ejus moles, imò absumitur.

Primum vitium de quo quæstio est in hoc articulo *Encanthis*, alterum verò de quo in sequenti articulo agetur *Rhyas* à græcis nominari consuevit.

Est itaque encanthis aucta præternaturam carunculæ lacrymalis magnitudo.

## D I F F E R E N T I Æ.

Differentiæ hujus morbi petuntur à symptomatis immodicam carunculæ accressionibus comitantibus, simul & à causâ eandem accressionem producente, nempe prout caruncula increfcens rubra est, mollis, consistentiæ carneæ, & à sanguine collecto fit vel prout albicans aliquantis per dura, & à lymphâ cumulata dependet nunc inflammatoria, nunc schirrosa nuncupari debet.

Dividi etiam potest in idiopathicam, & symptomaticam, in recentem, & inveteratam.

## C A U S Æ.

Ex dictis colligendum datur simplicem fore

causam encanthidis proximam, nempe sanguinem, aut lympham in carunculâ lacrymali hærentem, & in propriis vasis coacervatam quæ duo liquida modò suprà exposito in præcedentibus articulis, nunc tumorem durum, & indolentem, nunc verò phlegmodoneum inferre valent.

Eorum autem humorum hærentiam, & collectionem in vasorum obicem refundes, obicem verò in obstructionem, compressionem, vel constrictionem vasorum sanguiferorum, aut lymphæ ductum carunculæ lacrymalis, denique ea vitia deduces. 1<sup>o</sup>. Ex copioso sanguinis, & lymphæ ad carunculam affluxu, 2<sup>o</sup>. Ex eorundem fluidorum impedito regressu, 3<sup>o</sup>. Ex irritationibus quæ vel in ipsâ carunculâ, vel in partibus vicinis fiunt, putà in conjunctivâ, punctis lacrymalibus, &c.

1<sup>o</sup>. Sanguis aut lymphæ irruet copiosius solito ad lacrymalem carunculam, si cogatur derivare ad vasa arteriosa ejusdem carunculæ, aut ad lymphatica, propter vicinarum partium impedimenta ut in ophthalmiâ, an-chilope, ægilope, fistulâ lacrymali, palpebrarum inflammatione, panno, Pterygio &c. atque hinc est cur encanthis his affectibus per sæpè succedat.

2<sup>o</sup>. Inhibebitur regressus sanguinis, aut lymphæ ad prædictam carunculam naturaliter affluentis, si comprimantur lymphaticæ venæ, aut sanguinæ, revehendis his humoribus destinatæ. Hanc compressionem parere potis est partium vicinarum in morbis jam enumeratis intumescentiâ.

3<sup>o</sup>. Irritationes vel in carunculâ ipsâmet,



vel in partibus proximioribus factæ vasorum Carunculæ constrictionem, & angustiam promovent, influxus liquidi nervei sympathicos ubiores ad carunculam advocando: hinc inflammata, vel exulcerata caruncula brevi magnitudinem præter solitam acquirit, hinc pariter supervenit enchanthis oculorum, faciei nasalis inflammationi, & ulceribus.

Patet exindè encanthidem prædictorum morborum esse ut plurimum symptoma, proindeque causas omnes quæ Pterygium, pannum, ophtalmiam anchilopem &c. remote producant, inter causas encanthidis remotas annumerari posse.

## SIMPTOMATA.

Quoniam duplicem encanthidis speciem admittimus, aliam quæ ad Phlegmones, aliam quæ ad Schirri naturam accedit, liquet statim diversa fore utriusque symptomata quæ utrique tumori propria sunt, nempe vel calorem, ruborem, & dolorem, vel duri-  
tiem, & indolentiam quorum omnium explanationem de industriâ mittimus ne actum agere videamur.

Prætereà nequit caruncula lacrymalis in nimiam molem increfcere quin vasa vicina comprimant, præsertim verò conjunctivæ, & punctorum lacrymalium, undè sequitur ophtalmia, & punctorum lacrymalium obstructio ac consequenter Epiphora.

## DIAGNOSIS.

Encanthis visu dignoscitur, an sit schirro-

lus, vel inflammatorius ex symptomatis apertum fiet, cæteras causas remotas & antecedentes ab ægris, vel astantibus expiscaberis.

### PROGNOSIS.

Hic morbus per se & ratione partis affectæ non est periculosus, præsertim si recens sit, sed incommodus dumtaxat ob sensum quemdam corporis extranei quem ægrotantes nictando percipiunt, vel ob excitatum oculorum stillicidium, intereà solet aliquandò in ulcus facescere, imò & lapsu temporis incuriosè tractatum carcinomatodem naturam inducit in quo casu periculum protendit.

### CURATIO.

Alia Therapeia interna esse debet, alia externa, utraque varianda pro variâ tumoris indole, namque si tumor calidus sit & phlegmonodeus, præmissis venæ sectionibus, diætâ tenui, & mitioribus purgantibus præstat admoveere Topica anodina in principio, mox resolventia & astringentia; sin è contrà tumor si schirrosus incidentia & aperientia interiùs, exteriùs verò resolventia applicentur quæ lympham hærentem dividant, & attenuent, ejusque indurescentiam præcaveant; deniquè si cancrum minetur ea in usum vocanda sunt quæ cancrum tumorebus sanandis aut saltem sedandis conveniunt.

Ad hæc laudantur præprimis in enchantidis curatione cateretica carnibus succrescentibus exedendis paria initio leviora, talia sunt alumen ustum & in Alkool redactum & in

in carunculam insufflatum, æs viride, unguentum Apostolorum ægyptiacum, & similia, quibus frustra applicatis excindenda est caruncula, vel cauterio ut allis placet inurenda, eâ tamen adhibitâ cautione, ut non tota caruncula, sed pars illius dumtaxat superflua excindatur, aut caustico absumatur, aliòquin encanthis in Rhyadem degeneraret.

## ARTICULUS VII.

### *De Rhyade.*

**R**hyas sic dictus à voce græcâ *ῥέειν* fluere, quod involuntarium lacrymarum excitet fluxum, morbus est priori planè oppositus, nempe in hoc decrescit præternaturam, vel assumitur caruncula lacrymalis, adeoque definiendus carunculæ imminutio maximâ lacrymatione stipata.

### D I F F E R E N T I Æ.

Hinc statim Rhyas duplex statuitur pro vario morbi gradu, alius in quo minuitur dumtaxat moles carunculæ, alius in quo penitus absumitur, prior imperfectus seu partialis, posterior verò perfectus, seu totalis vocari potest.

### C A U S Æ.

Causæ proximæ diminutionis & consumptionis

tionis carunculæ solâ intensiōe differunt, proindeque quoad agendi modum eadem sunt nequē enim credendum est hanc immutationem consistere in illius extenuatione, seu marcōre, sed in exesiōe aliquali quæ ad certum gradum aucta absumptionem totalem inferet, ergo Rhyas qualiscumque sit à causis iisdem proximis exedentibus, & carunculæ substantiam destruentibus produci-  
tur.

Destruetur autem magis minusvè carunculæ substantia, vel interiùs à liquoribus contentis, vel exteriùs à corrodentibus fluidis, aut ab instrumentis abscindentibus. Triplex ergò causa immediata Rhyadis futura est, nempe liquores in propriis vasis carunculæ contenti, fluida carunculam exteriùs irrorantia, ipsivè applicata, & instrumenta scindentia.

1<sup>o</sup>. Liquores contenti in carunculæ vasis illius textum destruent si retenti collectique tunicas vasorum disrumpant, ac dilacerent, vel contractâ acredine, & corrodendi vi, exedendis iisdem tunicis pares evadant, priùs sit in encanthide & carunculæ inflammatio-  
ne, posteriùs verò in ejusdem ulcere, hinc sæpè Rhyas secundarius morbus est, & encanthidi, ægilopi, ophthalmiæ neglectis succedaneus.

2<sup>o</sup>. Inter ea quibus absumitur exteriùs caruncula lacrymalis plurima recenseri possunt.

1<sup>o</sup>. Lacrymæ ipsæ acriores. 2<sup>o</sup>. Humor ille viscidus, & quasi sebaceus in caruncula secretus acrior factus. 3<sup>o</sup>. materiæ purulentæ & corrosivæ, vel ab adnatæ ulceribus, vel à pustulis variolosis profundioribus, vel ab ægi-

lope, aut fistulâ lacrymali suppeditatæ. 4<sup>o</sup>. Demum corpora acria carunculæ applicata nempe Collyria nimis erodentia, præcipue verò caustica.

3<sup>o</sup>. Tandem instrumenta scindentia idem præstant resècando, & amputando carunculam, ut contingit in Chirugicâ Pterygii, aut panni operatione, dum ab imperito Chirurgo vel tota caruncula, vel saltem ejus pars magna rescinditur.

Cæteræ causæ remotiores eædem sunt ac morborum quorum æthiologia superius exposita est, vel inferius exponenda.

## SIMPTOMATA.

1<sup>o</sup>. Absumptâ lacrymali carunculâ quæ spatium inter utriusque palpebræ commissuram interjectum occupat, vacuum quoddam relinquitur, quo foramen anguli magis patescit, & latior apparet.

2<sup>o</sup>. Consumi nequit caruncula quin solvatur vasorum continuïtas, neque vasorum continuïtas solvi quin distractione fibrarum multiplici dolor exurgat levis tamèn & pruriginosus ob mollem minùsque sensibilem carunculæ texturam.

3<sup>o</sup>. In Rhyade, præpedito sanguinis comæatu per carunculam sanguis ad vicinas partes divertens, eas opplet, & ingurgitat, undè sequitur adnatæ, palpebrarum, & ductuum lacrymalium Phlogosis.

4<sup>o</sup>. Epiphora Rhyadis Comes repetenda est, vel ex inflammatione punctorum lacrymalium, vel ex eorundem convulsivâ contractione quibus lacrymalis humoris aditus ad

nares præcluditur, vel ex crispaturâ fibrarum glandulæ innominatæ, quâ expressus humor uberius quam par est à punctis lacrymalibus totus quantus est absorberi minimè potest.

5<sup>o</sup>. Ulceratâ quandoquè carunculâ fluentes lacrymæ purulentas partes secum adducunt, sicque non modò turbidæ fiunt, verum etiam transeundo per genas pellem dilacerant, & rodunt.

6<sup>o</sup>. Denique Ichor ille purulentus tantàm interdum acquirit vim urendi, ut ulcus evadat phagædenicum & cancriforme.

## DIAGNOSIS.

Rhyas nudis oculis innotescit, an à morbo aliquo prægresso originem ducat, an verò primarius morbus sit, similiter an à causis internis aut externis excitatus fuerit ab ægro vel ab assistantibus inquirendum.

## PROGNOSIS.

Rhyas perfectus insanabilis est, hinc excisa operatione chirurgicâ caruncula restitui numquàm potest. Imperfectus verò si ei maturè occurratur, curam admittit, quatenus vasa carunculæ extensa ad naturalem ipsisque propriam magnitudinem perducantur, cancriformis remediis exasperatur, & sola palliativâ curâ indiget.

## CURATIO.

Curatorie indicationes hæ sunt prima ut



tollatur causâ antecedens ac removeatur, secunda ut pars carunculæ absumpta restauretur, & denuò crescat, primam indicationem interna remedia, secundam topica implebunt.

Quoniam verò causâ antecedens multiplex esse potest, sedulò perpendendum nûm sit inflammatio, aut ulcus carunculæ, aut vicinarum partium, & cui causæ ea vitia debeantur, quâpropter si crassitiem, aut visciditatem humorum antecedentem arguant, diluentia & aperientia præmittenda, anodina, lacticia, aliaque id genus præscribenda sunt, quibus restituto sanguinis balzamo, semotisque vasorum impedimentis vasa ad coalitum aptiora fiant.

Quoad topica quæ alteri indicationi satisfaciunt ea debent esse sarcotica, & consolidantia quibus ad sananda ulcera utimur. Præcæteris commendantur thus, aloes, sanguis draconis, rosæ rubræ, nuces cupressi in aquâ rosarum, aut vino austero coctæ ex quibus variè permixtis fiunt collyria, subindè in oculos guttatim instillanda, item ablutio partis affectæ ex solo vino tepido, aut ex aquis belluræ facta, cæteraque medicamenta detergentia profunt.

## ARTICULUS VIII.

### *De Ophthalmiâ.*

**O**culorum inflammatio à græcis ophthalmia dicitur, strictè autem solet usurpari à Medicis pro conjunctivæ tunicæ, seu adnata inflammatione.

Hinc statim facile est distinguere ophtalmiam ab inflammatione palpebrarum quæ nisi lædatur conjunctiva ophtalmiæ nomen non meretur, verum hæ partes ut plurimum simul vitiantur, quod quidem accidit, quia alterius partis inflammatio communicatur alteri.

### DIFFERENTIÆ.

Pro variâ symptomatum vehementiâ distinguitur ophtalmiâ in tharaxim, ophtalmiam propriè dictam & chemosim.

1<sup>o</sup>. Tharaxis levis est ophtalmia in quâ conjunctivæ tunica parùm rubet, ac dolet, latinis vocatur conturbatio, hæc plerumque in ophtalmiam degenerat veram, & spectatur tanquàm illius principium; hanc à causis externis dependere censent nonnulli, nempe à sole, fumo, pulvere &c. ità referente riverio, aut à causis quoque internis debiliter agentibus induci posse nihil repugnat.

2<sup>o</sup>. Ophtalmia propriè dicta tharaxi gravior, atque inflammatio intenso rubore, calore, ac dolore stipata, in quâ crassior lipitudo secernitur, quâ uterque oculorum limbus præsertim post somnum sibi mutuò adhærescit, hæc vulgò à causis internis producitur.

3<sup>o</sup>. Denique chemosis nomine intelligitur illa ophtalmiæ species quæ omnium gravissima est, & in quâ inversæ palpebræ ad coalitum venire nequeunt.

### CAUSÆ.

Causa proxima & immediata ophtalmiæ sicut & cæterorum est hærentia & collectio

sanguinis fermentescentis, & vasa sanguifera prætermodum distendentis in adnatæ tunicæ vasis ipsismet sanguiferis. Causam verò conjunctam statuimus esse obicem qualemcumque in vasis prædictis sanguiferis cujus ratione sanguis retrò appellens truditur in latera tunicarum vasorum, collectusque auget nimio-  
perè pulsationes arteriarum imò & nonnunquàm fertur ad vasa collateralia lymphatica.

Ex dictis sequitur sanguinis effusionem numquàm posse producere tumorem inflammatorium, undè ab eorum sententiâ discedimus qui inflammationis speciem duplicem agnoscunt, aliam sitrophicam, aliam quæ sitropica nominatur; primam ab extravasatione sanguinis, secundam verò à simplici ejusdem stagnatione deducere amant, sed malè, sanguis enim extrà vasa effusus motu deposito nigrescit, rarefcentiæ incapax est, symptomatisque inflammationis producendis minimè idoneus, ut probat partium sigillatio, seu echimosis, proindèque sitrophicam inflammationem à phlogosi simplici differre credimus quod in priori major sit, in posteriori verò levior inflammatio, si autem sanguis aliquandò inflammatione effundatur, quod negari non potest, tunc sanguinis effusio non debet considerari tanquàm inflammationis causa sed potius tanquàm illius effectus.

Hæret & congeritur sanguis in vasis conjunctivæ sanguiferis propter obicem, ut jam dictum est, quærendæ igitur istius causæ quæ tanquàm remotæ ophtalmiæ causæ censendæ sunt.

Hæ autem ad tres potissimum sicut in cæteris vasis reduci posse videntur, nimirum

ad obstructionem, compressionem, & constrictionem vasorum sanguiferorum quibus adnata tunica irrigua est.

I<sup>o</sup>. Obstruentur vasa sanguifera adnatæ tunicæ à contento sanguine, hic obstructionem pariet vel copiâ nimîâ, vel intensiori, & inæquali rarefactione, vel præternaturali suâ crassitie ac visciditate qua circuitu obeundo impar est, augebitur sanguinis quantitas in conjunctivæ valis vel propter causam universalem ut in plethorâ vel causâ aliquâ peculiari, si nempe obstruantur vasa collateralia, cogaturque sanguis ad conjunctivam copiosius irruere ut V. G. in capitis dolore, partium vicinarum inflammatione, erisipelate faciei, in ozænâ, affectibus cerebri &c. idem quoque continget inflammato alterutro oculo, quoniam tunc major solito sanguinis copia ad sanum alium oculum determinabitur, denique violentæ musculorum contractiones quibus vasa sanguinea comprimuntur, & sanguis expellitur ( præsertim verò dum caput reclinatur, in quo situ anterioris liquidi columnæ pondus regressui obstat ) ut observare est in vomitu, nausæâ, tussi, aliisque vehementibus corporis motibus eundem effectum præstare possunt ut cuilibet attendenti manifestum est.

Impensè rarefit sanguis in febribus, nihil mirum itaque his succedere inflammationem, præprimis si inæqualis sit motus ille rarefæctiæ, & aliundè vasa conjunctivæ malè disposita sint.

Tandem crassitiem sanguinis plurima inferunt ex sexrebus non naturalibus deprompta, præcipuè verò & frequentius frigus suscep-

tum incalescentibus oculis , ventus frigidior , acidorum collyriorum usus præposterus.

2<sup>o</sup>. Comprimuntur vasa conjunctivæ à partibus vicinis intumefactis , quales sunt vasa lymphatica per eandem tunicam dispersa , glandulæ lippitudinis secretioni dicatæ , glandula lacrymalis &c. sic tumoribus adnatæ , sic palpebrarum tuberculis , sic fistulæ lacrymalis , aliisque morbis ophtalmiam supervenire quotidie experimur.

3<sup>o</sup>. Demum constrictio vasorum adnatæ accepta referri debet in stamina tendinea quibus contexitur , hæc autem stamina stringentur fortius ab uberiori spirituum influxu quem promovent omnia quæcumque adnatam irritare possunt , talia sunt corpuscula ab igne præfervido emissa , fumus , aër pulverulentus , festucæ in oculum illapsæ , purulenta materies ab ulcere dimanans , pulveres acres in oculos insufflati ad curendas oculorum maculas , ipsa etiam lacrymarum acrimonia.

## S I M P T O M A T A.

1<sup>o</sup>. Positâ sanguinis hærentiâ in vasis conjunctivæ debet columna retrò appellentis liquidi ad latera vasorum vim inferre ob obicem insuperabilem , extendendæ ergò sunt vasorum obstructorum tunicæ , & ampliandæ , undè partis elevatio seu tumor qui major aut minor est pro majori vel minori obice , proindeque pro majori ; aut minori sanguinis collectione.

2<sup>o</sup>. In majori cantho , ut vulgò dicitur majus est quale , sed sanguis in oculorum vasis majori copiâ congeritur in ophtalmiâ , imò

magis effervescit, ergò major futurus est in hoc morbo oculorum calor quam in statu naturali, prætereà solida magis oscillant.

3°. Partium rubedo à rubro sanguine eas alluente dependet, sed ea jam dictis sanguis in conjunctivæ vasis hærens impedit progressum retrosequentis columnæ; ejusque collectionem promovet, ergò conjunctiva rubore perfundi debet. Adde insuper ex infarctu vasorum sanguiferorum vasâ collateralia arterio-lymphatica exonerari, quæ vasâ in statu naturali lymphaticum succum pellucidum continentia jam genuino sanguine rutilante turgida non parùm augent partis affectæ rubedinem.

4°. Tunicæ vasorum conjunctivæ extendi nequeunt ab hærente cumulatoque sanguine, quin fibrillæ tunicarum nerveæ multatariam distrahantur, nec ità distrali quin repellantur spiritus ad cerebrum solito vehementius, undè valida fit fibrarum cerebri succussio, & dolorifica sensatio excitatur pro vario autem distractionis modò nunc gravans, nunc verò pungens dolor futurus est, nunc puriginosus dumtaxat ut in incipiente, & levi ophthalmiâ.

5°. Dolorificum à conjunctivâ tunicâ refluxum sequitur influxus sympathicus in conjunctivam ipsam, partesque ipsi proximas, proindèque in glandulam innominatam, quo utraque tunica invalidiores constrictionis nissus coacta serùm lacrymale ubertim exprimit, quodcumque nequeat totum excipi à punctis lacrymalibus erumpit; hanc lacrymarum effusionem non parum auget earumdem acrimonia. Acrimoniam hanc demonstrat luce meridianâ clariùs oculorum anguli & genarumerosio ità referente Riverio exercitatissimo,



60. Inflammata conjunctivâ , obstructisque ejusdem vasis sanguiferis debet sanguis ad vasa viciniora copiosius quam antea divertere , affluet ergo uberius ad palpebras , ad corneâ , iridis, vueâ, cristallini, & vitrei humoris vasa , similemque producet infarctum, hinc est quod plerumque ophtalmia prædictarum partium inflammatio succedat.

7º. Ab eâdem causâ deducendus est capitis dolor sive internus sive externus, & temporum pulsatio fortior.

8º. Non modò inflammantur, & intumescunt palpebræ , uti dictum est , ab irruente sanguine , verum etiam liquorem hunc spissum qui lippitudo dicitur , copiosiore secernunt in glandulis extremis palpebrarum limbis apposis, qui dein humor calore nimio exsiccatus crassescit , & lippitudinem constituit.

9º. Non possunt radii solares per corneam, humoresque inflammatos trajici , imò ad retinam fortassis pariter inflammatam impingere , quin has partes dolorificè succutiant , hinc dolorifica lucis sensatio quam sequitur ejusdem lucis horror.

10º. In ophtalmiâ gravi , quandoque ita inflammatur interna palpebrarum facies quæ conjunctivæ prospicit , ut auctâ illius mole palpebras inverti , & extrorsum complicari necesse sit , ergo gravi ophtalmiæ aliquandò supervenit palpebrarum inversio ut in chemosis.

11º. Deniquè palpebræ ita inverti nequeunt , quin removeantur à se invicem , & hiatus quemdam inter utramque palpebram relinquant , in gravissimâ ergo ophtalmiâ ,

nempè in chemosi non poterunt oculi à palpebris contegi.

## DIAGNOSIS.

Ophtalmia visu patet quando est facta, imminens verò ex pruritu quodam, & puncturæ sensu, & calore prænunciatur, variæ ejus species ex variâ symptomatum vehementiâ faciliè eruuntur ut ex suprà dictis evidens est.

Ejusdem causas dignoscere difficilius est. Hæ tamen conjici poterunt ex antecedentibus, comitantibus, & subsequenter, nimirum inquirendum an præcesserint vigilie assidue, liquorum ardentium potus immodicus, ciborum acriorum ingurgitatio, immoderata exercitia, capitis dolor, quodpiam animi pathema vehemens, ut ira. Perpendendum pariter an æger plethoricus sit, temperamento acri & bilioso præditus, an lacrymatio copiosa sit, examinanda quoque est lacrymarum & præsertim sanguinis constitutio, quibus omnibus maturè pensitatis signaculorum innotescunt clarius.

## PROGNOSIS.

Ophtalmia incommodus morbus est, præsertim si gravis sit, & in ultimo gradu ut est chemosis quia visionem impedit, si diù duret, abit in suppuratum, & ulcuscula in corneâ, & conjunctivâ producit, si verò levis sit faciliè sedatur, & sine ullo periculo.

Alvi fluxus ophtalmiæ superveniens bonum  
ex *Hipocrate* aphor. 17<sup>o</sup>. sect. 6a. idem dicendum

attendendum si restituatur aliqua evacuatio prius suppressa puta fluxus hæmorrhoidum, aut menstruorum, quia tollitur plethora, vel humores eo pacto minùs affluunt ad oculum, & ad inferiora determinantur.

## C U R A T I O.

In ophthalmiæ curatione internis simul & externis remediis opus est, ut præcipuæ indicationes adimpleantur quæ in omni inflammatione eadem sunt.

1<sup>o</sup>. Nempè minuenda est sanguinis copia ne ille irruat ad oculum quod præstabis phlebotamiâ plus minusvè repetitâ; & diætâ, imò setaceis & cauteriis quibus aliò determinantur humores.

2<sup>o</sup>. Cacochilia primarum viarum quæ sæpè morbum producit aut saltem fovet everrenda purgantibus, quæ tamen levia esse debent, ne sanguinem accendant.

3<sup>o</sup>. Mitigandus est dolor narcoticis interioriùs assumptis, imò & exterioriùs applicatis, ex demulcentibus, & anodinis miscendo.

4<sup>o</sup>. Attendendum præprimis ad sanguinis constitutionem, seu diathesim, si crassâ ac viscida sit incidentibus, & aperientibus corrigenda, si fervidior diluentibus & refrigerantibus compescenda, si tandem acrior demulcentibus, & incrassantibus attemperanda.

5<sup>o</sup>. Deniquè removendæ sunt causæ quæ ophthalmiæ locum dedere, vitentur alimenta pravi succi, motus corporis nimius, vigiliæ, loquela, ira, &c. indulgeant potius somno ægri, quiescant & in aëre puro, temperato, calido, & obscuro contineantur, atque hæc

sunt interna & universalia remedia quæ omni inflammationi competunt.

Externa verò seu topica varia pro vario morbi tempore sunt admovenda 1<sup>o</sup>. videlicet sævientis dolore anodina & demulcentia qualia sunt albumen ovi cum aquâ rosarum quassatum pulpa pomi cocti, vel putridi, lac recens, cataplasma de mica panis mucilago seminum psillii, aut cydoniorum & similia. 2<sup>o</sup>. Sedato paululum dolore resolventia proficua sunt, ut vinum calens, sanguis columbinus; aquæ thermæ quibus caput irrigari multum prodest. 3<sup>o</sup>. Demum declinante morbo repellentia seu astringentia qua vasorum tonum corroborant adhibere convenit ut V. G. vitriolum album, sal saturni, tutia in pulverem redacta, ex quibus cum aquâ plantaginis aut fœniculi collyria conficiuntur utilissima.

## ARTICULUS IX.

### *De Phlictanis.*

Pustulæ quædam ex anthematum pustulis similis in tunicâ corneâ & conjunctivâ nonnumquam extuberant lymphatico & pellucido humore repletæ; grana milii, magnitudine adæquantes quæ græcis phlictanædictæ fuere à fervendo quod vel aquæ ferventis bullas, vel eas vesiculas quæ ex combustionem in cuticulâ erumpunt, satis aptè referant.

Sunt itaque phlictanæ parvæ quædam vesiculæ granis milii mole æquales, aquâ plenæ

in adnatæ , & corneâ excitari solitæ.

## DIFFERENTIÆ.

Phlictænarum nulla alia statui potest differentia præter illam quæ petitur à symptomatis quæ prout gravia , aut levia sunt , phlictænas magis minusve periculosas constituunt , quidam eas distinguunt ratione sedis quatenus aliæ corneam , aliæ conjunctivam , afficiunt , imò ratione magnitudinis , nam aliæ majores sunt , aliæ minores , aliæ superficialiæ & , aliæ profundiores.

## CAUSÆ.

Quoniam diversa tumorum natura pendet ab humoribus à quibus induci solent , sequitur ad eruendas illorum causas , sedulo examinandam esse humorum tumores producentium indolem , sed Phlictænæ ut jam innuimus vesiculosæ sunt , & plenæ humore quodam pellucido lymphæ humanæ haud absimili. Hic ergò ille humor lymphaticus pro causâ hujusmodi vesicularum immediatâ habendus est.

Lympha autem duplici modò potest vesiculas efformare ; vel dilatando simpliciter vasa ipsa lymphatica quibus coercetur ; vel disruptis iis vasis subeundo partium interstitia , utrovis enim modò hærens vel effusa partem in tumorem vesiculosum attollet.

1<sup>o</sup>. Hærens lymphæ & prætermodum collecta in propriâ vasorum cavitate , vel in glandulis iis glandulosis quibus totam corneæ , & conjunctivæ faciem obsitam esse antopsia ant-

comica notum est, subrotundum tumorem pariet ob figuram quasi sphaericam, quam affectant prædicta vasa, vel glandulae dum contento suo liquore plus æquo turgent.

2<sup>o</sup>. Eadem lymphæ extrâ vasa effusa, & in interstitia partium insinuat avesculas sibi cudet, simili propterea ratione quâ admoto ferro candenti propè cuticulam hanc in vesiculas assurgere observamus, ruptis scilicet fibris tendineis quibus quasi totidem vinculis cuticula subjectæ cuti annectitur.

Patet exinde ea omnia inter causas phlictenarum remotas esse annumeranda quæ possunt naturalem lymphæ comæatum per corneam aut conjunctivam præpedire lymphaticarum tunicarum vasa obstruendo, comprimendo, vel constringendo.

Obstruentur vasa lymphatica à concluso liquido crassiori, & tenaciori, proindeque ad circulandum minus idoneo; contentum verò liquidum lymphaticum crassitiem contrahet à causis vel internis, vel externis, internæ sunt cruditates acidæ sanguinem inspissantes, ipsaque crassior, ac viscidior sanguinis constitutio, præcipuè scorbutica, aut strumosa cui non infrequenter supervenire phlictænas docet experientia. Externæ verò causæ sunt ventus frigidior, frigus præposterum, collyriorum abusus quæ vel frigiditate simpliciter lymphæ motum retardando, vel subtilioribus spiculis eandem cogendo vasa obturant.

Vasorum lymphaticorum compressio adscribenda vicinarum partium tumoribus, ut V. G. conjunctivæ inflammationi, vel tuberculis in oculorum confiniis enatis, aliisque vel diuturniori musculorum oculi motibus servien-



tium convulsioni denique venæ lymphaticæ constringentur multiplici de causâ. 1<sup>o</sup>. Externi acris frigiditate, aut caliditate quibus strictius adunata, addensata, vel nimium exsiccata conjunctivæ stamina crispantur, & excorrugantur. 2<sup>o</sup>. Adnatæ, corneæ, cæterarumque partium vicinarum inflammatione quâ tendinei villi arctantur. 3<sup>o</sup>. Earumdem partium exulceratione. 4<sup>o</sup>. Lacrymarum salfedine. 5<sup>o</sup>. Collyriorum acriorum usu.

## SIMPTOMATA.

1<sup>o</sup>. Hæ vesiculæ ut plurimum pellucidæ sunt à lymphâ contentæ quæ pellucida est, aliquandò tamen in ambitu subnigro, vel rubro colore donantur ob compressionem vasis sanguiferis illatam, qua sanguis hæret & provariâ suâ naturâ rubedinem vel nigredinem parti tumenti conciliat.

2<sup>o</sup>. Phlictænæ si diuturniores sunt indurantur, tum quia lymphaticus latex in vesiculis retentus crassescit, dissipatis aqueis, volatilioribusque partibus, tum quia vasa viciniora lymphatica crescente tumore sensim compressi ingurgitantur.

3<sup>o</sup>. Ophtalmia Phlictænis superveniens repeti debet à nimiâ collecti liquoris copiâ quâ fit ut sanguis ipse permeet vasa sanguifera conjunctivæ, atque hinc cætera simptomata ophtalmiæ de quibus articulo præcedenti diximus oriri necesse est.

4<sup>o</sup>. Inflammata conjunctivâ, vel phlogosi affectâ non modò sanguis uberius affluit ad collateralia vasa præsertim verò glandulæ innominatæ, unde humoris lacrymalis secretio

major, verum etiam influxus sympathici fiunt frequentiores & copiosiores in villos prælaudatæ glandulæ tendineos quibus constrictis lacrymale fluidum majori quantitate exprimi debet, undè epiphora.

5°. Incipientibus Phlictænis dolor levis est, & pruriginosus dumtaxat ob minorem causæ morbificæ energiam, minoremque vasorum distensionem à phlogosi inductam.

6°. Si phlictænæ in pupillâ sedem habeant, visioni plurimum officiant, imprimis si sint induratæ, quia transitum radiorum lucistrans oculorum humores præpedient.

7°. nonnumquàm ita distenduntur vesicularum parietes, ut tandem tenuiores facti disrumpantur conferente alioquin suum symbolum feri acredine qua vesicula paulatim eroditur. Imò si cornea tota infarciatur vel tanta sit humoris corrodingendi vis ut non modò ille vim suam inferat, in pelliculam quâ vesiculæ exterius obteguntur, sed etiam in eam partem vesiculæ quæ fundum oculi respicit, hinc rupta vel erosa tota cornea humor aqueus foras effundetur.

8°. Rruptionem aut erosionem vesicularum sequuntur ulcuscula corneæ, vel adnatæ quæ nunc superficialia sunt nunc profunda pro majori aut minori vasorum infarctu, & pro diversâ puris indole.

9°. His ulculculis quandoque succedunt carcinomata ob notabile puris & lymphæ vitium.

10°. Si conjunctiva vel subjecta sclerotis, sive cornea exulceretur liquet sublati earum membranarum rruptione aut erosionem tenuioribus lamellis fore necessariò ut prædictæ tu-

nicæ in parte erosâ aut ruptâ minùs firmæ ,  
faciliùs cedant , & à conclusis oculorum hu-  
moribus magis extendantur , seu extrorsum  
pellantur , quod fieri nequit , quin hac in  
parte oculi promineant.

## D I A G N O S I S.

Phlictænæ simplici visu patent , pari ra-  
tione distinguuntur facile ulcuscula his succe-  
dere solita. Diagnôsis verò causarum antece-  
dentium difficiliùs attingi potest , & conjec-  
turis tantum ex cognitæ præcedentium , aut  
concomitantium historiâ.

## P R O G N O S I S.

Phlictænæ in genere periculosæ sunt quia  
delicatiorem oculorum texturam notabiliter  
labefactant , & visioni nocent , imò curatu  
admodum difficiles quia remedia ipsis appli-  
cari difficilè possunt.

Varianda tamèn earum pustularum Prog-  
nôsis pro varietate sedis , symptomatum qui-  
bus stipantur , & causæ eas inducentis.

1<sup>o</sup>. Ratione sedis magis minusvè sunt pe-  
riculosæ , sic Phlictænas in conjunctivæ ena-  
tas faciliùs curari experientia docet iis quæ  
in corneâ producuntur , quibus curatis exci-  
tata cicatrice visus aboletur.

2<sup>o</sup>. Si gravis urgeat dolor , partiumque  
vicinarum inflammatio , imminens suppara-  
tio pertinescenda , secus verò pustulæ reso-  
lutionis via curari possunt , hinc quoque evi-  
dens est profundiores superficiariis esse gra-  
viores.

30. Demùm si ab externâ causâ pendeant minus habent periculi quàm si à causâ latente quæ non modo ulcera, verùm etiam carcinomata sæpè advocat.

## CURATIO.

Medicamenta eadem quæ ophtalmiæ curandæ conveniunt, ut suprà dictum est, Phlictænis profunt, si cum ophtalmiâ complicentur quæ quidem hic repetere inane prorsus foret, & supervacaneum.

Sedatâ autem ophtalmiâ si adfuerit, vel initio morbi si nulla sit inflammatio ea usurpanda sunt topica quæ valent lympham congestam dividere atque resolvere, qualia sunt resolventia, statim leviora, ut aquæ variæ stillatitiæ verbenæ, rutæ; chælidonii, euphrasiæ, fæniculi &c., decoctum florum Chamæmeli, Meliloti, seminum Fænugræci, aquæ thermæles, vinum rubrum tepidum, aqua distillata ex cancris fluviatilibus, aut ex bile variorum animalinum.

Quibus itâ præmissis resolventia fortiora in usum vocentur, imò exsiccantia, & astringentia ad restituendum pristinum & naturalem tonum vasorum, inter quæ laudantur plurimùm tutia præparata, lapis calaminaris, vitriolum album, aliæque id genus quæ declinante ophtalmiâ præscribi solent.

Nec omittenda pariter hoc in casu sanguinem incidentia, & dividendia interiùs assumpta, præsertim si labes scrophulosa in causâ sit, in hunc finem commendantur varia Martis præparata, pulvis mille pedum, remedia mercurialia, aliæque sanguinem depurantia.

Si hisce remediis incassum adhibitis pustula magis ac magis increseat, aut argenteâ, quâ perforanda est vesicula, promovendus est contenti humoris fluxus, quod tamen cum aliquâ cautelâ fieri debet, & in Phlic-tænis superficialiis dumtaxat non autem in profundioribus.

De cætero causæ Phlictænarum antecedentes omni studio removendæ sunt, quod præstabis jubendo ut ægri in cubiculo clauso contineantur, aërem purum, ac temperatum spirent, & collyriis acrioribus abstineant. Denique si disrupta vesicula Phlictænæ abeant in ulcus, illud convenientibus remediis tractandum in sequentibus exponendis.

## ARTICULUS X.

### *De Albugine.*

**T**unicam sclerotidem dictam involvero nervi optici à durâ Matre mutuato continuum natura in parte anticâ oculorum effecit pellucidam, ut impingentibus radiis luminis transitum concederet ad perficiendum naturale visionis exercitium. In hac autem parte ob consistentiam, & pelluciditatem cornu similem, cornea ab Anatomicis vocatur.

Hæc visioni adeo necessaria corneæ Diaphaneitas in affectu jam describendo pervertitur multifariam & excitantur maculæ quæ ut plurimum albescunt, undè hic morbus leucoma seu albugo solet appellari, itaque albuginis nomine intelligimus quamcumque

corneæ maculam quæ opacitate suâ visionem vel ex toto præpedit, vel saltem notabiliter labefactat.

### DIFFERENTIÆ.

Maculæ in corneâ enatæ triplici potissimum ratione differunt pro situ, magnitudine, & crassitudine diversis.

1<sup>o</sup>. Ratione magnitudinis aliæ majores sunt & totam pupillam aut magnam ejus partem obtegunt, aliæ minores quæ exiguo dumtaxat spatio comprehenduntur.

2<sup>o</sup>. Ratione situs aliæ sunt superficiariæ quæ superficiem corneæ occupant, aliæ profundæ quæ altius latent, totamque corneam attingunt, aliæ rursus in medio pupillæ, aliæ ad corneæ latera locantur.

3<sup>o</sup>. Demum ratione crassitudinis aliæ crassiores sunt, & opaciores quæ transitum lucis omninò præpediunt, aliæ verò tenuiores quæ aliqualem ejusdem lucis transitum permittunt.

### C A U S Æ.

Quoniam Corneæ diaphaneitas consistit in eâ dispositione vasorum, & humorum corneam constituentium, cujus ratione radii luminis per poros rectos trajici possint, & ad retinam usque pertingere cum insuper rectitudo pororum corneæ duo necessario supponat, tum 1<sup>o</sup>. Debitam vasorum ejusdem extensionem à contentis humoribus, quâ ductis à se invicem fibrillis varii fiunt hiatus lucis radiis transmittendis idonei, tum 2<sup>o</sup>. nativam contentorum fluidorum pellucidita-

tem, sequitur statim ea omnia opacitatem corneæ advocatura, quæcumque poterunt vel concidentiam vasorum ejusdem tunicæ accersere, & poros destruere, vel naturalem fluidorum corneam irrigantium pelluciditatem pervertere, & ea fluida inspissare.

1<sup>o</sup>. Destruentur pori vasorum corneæ tunicæ, si hæc exsiccetur, excorrigentur & coalescant, ut contingit cicatricibus quæ succedere solent corneæ ulcusculis post Phlic-  
tænas, aut variolas prægressas, quo in casu corneam densiorem factam Diaphaneitate suâ orbandam esse evidens est, ulcuscula ergo corneæ prægressa, & hæc omnia quibus hæc ulcera induci posse in sequenti articulo dicturi sumus pro causis albuginis remotis habenda sunt.

2<sup>o</sup>. Humores corneæ inerascescent vel in propriâ vasorum cavitate, vel extrâ vasa. Prius fit à causis omnibus lympham coagulantibus, quibus ophtalmiam, Phlic-  
tænas &c. excitari diximus, præcedentibus articulis. Posterius verò à pustulis variolosis in corneâ germinantibus quarum purulenta materies in crustam opacam indurata, corneæque tunicis interjecta, meatus illos rectos obturat lumini trajiciendo appositos, atque inde est cur albugo ophtalmiæ pertinaci, Phlic-  
tænis & variolis suppurantibus non raro superveniat. Tumores itaque variolosi, & causæ quælibet ophtalmiam, & Phlic-  
tænas inducere solitæ, effusum pus vel lympham, adhuc in vasis contentam inspissando corneæ opacitatem remotè inferent, talia sunt diuturnior topicorum resolventium usus, quo tenuiores partes lymphæ discutiuntur, vel



præposterè adhibita repellentia, astringentia, vel refrigerentia.

## SIMPTOMATA.

1<sup>o</sup>. Cum maculæ à quâcumque causâ fiant, supponant necessariò humorum hærentiam in corneæ vasis, neque ità hæere possint humores quin turgeant vasa inæqualiter. Sequitur statim in omni albugine foreut superficies externa corneæ, quæ naturaliter levis & polita exasperetur.

2<sup>o</sup>. Albugo cæcitatem inferet si crassa sit corneæ macula, ejusque amplitudinis quæ totam pupillam obteget, & obnubilet, quia emissi ab objectis coloratis lucis radii ad retinam transmitti nullo modo poterunt; ad visionis exercitium. Si verò aliqua tantum corneæ pars afficiatur, trajectis radiis luminis per locum corneæ pellucidum, visio ex hac parte fiet.

3<sup>o</sup>. Lucidorum aut candidantium corporum fulgor aliquatenus percipietur, etiam si macula totam pupillam occupet, dummodo tenuior sit, superficiaria & uni tantum lamellæ corneæ insideat, atque tunc inspicientibus quædam nebula apparebit quasi per fumum & caliginem objecta cernerentur. Unde hic morbus aliquandò nebulæ nomen accipit. Secus verò, ut dictum est, si summa sit maculæ opacitas, visio abolebitur.

4<sup>o</sup>. Si macula in medio Pupillæ sita sit, objecta perforata judicantur, quoniam hoc in casu radii qui è medio corpore visibili emittuntur per mediam Pupillam trajici nequeunt, cæteris per corneæ viciniore par-

res illæſas liberè tranſeuntibus, non abſimili modo quo luminofum aliquod corpus ut luna, ſi trans arborum ramos conſpiciatur, maculis nigris deſœdata apparet ex præpeditâ per opacos eoſdem ramos radiorum emiſſione. Figura autem foraminis quod in obſectis judicabitur maculæ figuræ proportionẽ reſpondebit.

5°. Denique albicat ut plurimùm macula, præſertim ſi ſit ſuperficiaria, quia pendet à lymphâ quæ inſpiſſata albescit, interim aliquandò dum profundior eſt ad nigredinem vergit, communicato vueæ vitio.

## DIAGNOSIS.

Albugo variæque ejus differentię ſimplici viſu innotescunt, cauſæ verò eam inducentes vel ab ægris, vel ab aſtantibus ſunt inquirendæ.

## PROGNOSIS.

Cùm in hoc morbo viſio lædatur vitæ commodis utiliſſima cùm aliundè in cauſa ſit lymphæ indurata, quæ vix ac ne vix quidem reſolvi poteſt, ſequitur albuginem in genere morbum eſſe ſatis moleſtum, & curatu admodum difficilem.

Diverſa tamèn inſtitui debet Prognofis. 1°. Prout plus minusvè pervertitur viſionis exercitium. Hoc eſt prout minuitur vel aboletur; ergò albugo in quâ tota Pupilla tegitur, & obvelatur gravior cenſenda eſt eâ, in quâ dimidia tantum corneæ pars afficitur.

2°. Pro diverſâ lymphæ craſſitie nunc fa-

cilius, nunc difficilius curatur, sic magis resistit remediis inveterata recenti, quia lymphæ majorem consistentiæ gradum adeptæ est, & vasa jamdiu distenta tonum suum pristinum ægrè recuperant. Pari ratione curam difficilius admittit in infantibus quàm in adultis, atque in his quàm in senibus, quia major est humorum fluxilitas, & vasorum mollities, contra verò in adultis, ac præsertim in senibus humores crassiores sunt, & solida obrigescunt.

3<sup>o</sup>. Varianda quoque Prognosis pro quantitate lymphæ induratæ sic crassiores ac latiores maculæ tenuioribus & minùs extensis difficilius resolvuntur.

## CURATIO.

1<sup>o</sup>. In curandâ albugine principium esse debet à causâ antecedente quæ removenda est, ut remedia convenientia feliciter succedant; itaque si albugo originem ducat ab ophthalmia, phlyctænis, aut prægressis corneæ, aut conjunctivæ ulceribus, illicò his morbis succurrendum præmissis universalibus quibus præpediatur novus humorum affluxus ad oculos, eorumque infarctus tollatur.

2<sup>o</sup>. Lymphæ concreta emollienda est topicis, atque adeò utendum est infusione, aut decocto aliquo emolliente, nempe radicum Althææ, Foliorum Malvæ, Bismalvæ, Euphrasæ, Chelidonii, Florum Meliloti, seminum Lini, & Fænugræci, ejus autem decocti Guttulæ aliquot tepidæ subindè instillantur in oculos, vel maculæ admoveatur Spongiola eodem decocto imbuta, vel deni-

que imbuto ejusdem vapore oculi suffumigantur.

3<sup>o</sup>. Post modum remedia lymphæ concretionem discutientia in usum vocanda sunt, ut saccharum candum, vel in pulverem reductum, & in oculos insufflatum, vel aquis ophtalmicis fœniculi, chelidonii, rutæ &c. dissolutum: succus Anagallidis, succus Fœniculi, ejus semen pulveratum, vinum emeticum, stercus lacertorum exsiccatum, vapor ex aquis thermalibus exhalans oculis patientibus exceptus, aliaque resolventia, quibus incassum adhibitis ad fortiora recurrendum qualia sunt fel bubulum, fel anseris, perdicis, Galli veteris, imò fella variorum Piscium, aliorumque animalium mucilaginem gummitraga ganthi, Psyllii, aut Cydoniorum inspissata, vel melli admixta, ut cornæ facilius adhærescant, item fuligo convenit quæ ex Papiro combusta aut combusto Linteo fit salivâ dilutis, & maculæ applicatis, item Olea Buxi, Guayaci &c. Ea tamen Topica cautè præscribenda sunt ne oculos irritando ophtalmiam accersant.

4<sup>o</sup>. Demùm non negligenda sunt interna Medicamina, præprimis si maculæ latens in sanguine, aut lymphâ vitium agnoscat; ea autem competunt quæ vel viscidos humores dividere, & attenuare apta sunt ut incidentia, & aperientia, vel sanguinis aut lymphæ salsedinem demulcere, ut incrassantia quæ quidem pro vario ægrorum temperamento, & morbi statu modo sola seorsim sunt usurpanda, modo alia aliis intermiscenda.

## ARTICULUS XI.

*De Ulceribus Corneæ & Conjunctivæ.*

**Q**uemadmodum in cæteris partibus, ita in corneâ & conjunctivâ ulcuscula solent contingere quorum causas peculiare hic recensere juvat, & summatim exponere.

Verum ne à proposito divagemur, quoniam natura ulcerum in genere Chirurgiam spectat, sufficiat statuere ulcuscula quæ corneam & adnatam infestant reliquorum ulcerum instar in earum membranarum solutione consistere cum puris effluxu.

## DIFFERENTIÆ.

Hæc ulcuscula prout latitudine, profunditate & figurâ discrepant varia apud Auctores nomina sortiuntur. 1<sup>o</sup>. Si ulcus cavum sit angustum simul & durum Bolthrion, seu fossula dicitur. 2<sup>o</sup>. Koiloma vocatur, si latius sit & minus profundum. 3<sup>o</sup>. Argemon vel ulcus coronale ratione figuræ circularis, vel quia in circulo iridis situm habet. 4<sup>o</sup>. Epixanma, vel Ecghanma si crustosum sit asperum, profundum, sordidum & quasi inustum.

## CAUSÆ.

Cum in omni ulcere purulenta materies dilabatur, cumque insuper ad puris gene-

ſim non ſufficiat continui ſolutio & recens , ſed certum deſideretur temporis ſpatium ut ſanguis , lymphæ , aliique humores in valis ruptis contenti ab integrorum circumjacentium oſcillationibus præternaturam adauctis favente efferveſcentiæ motu putreſcant , & in pus convertantur , patet ſtatim continuæ ſolutionem eſſe ut vulgò dicitur inveteratam in omni ulcere , ac proindè ulcuſcula corneæ & adnatæ multò ante factam earum tunicarum ſolutionem agnoſcere.

Rurſus quoniam ſuppuratio pendet potiſſimum à ſanguine in valis ruptis putreſcente quod ex dolore partis quæ ſuppurat manifeſtum fit , ſequitur ad inducenda corneæ , & conjunctivæ ulcera requiri neceſſariò præviam harumcè tunicarum inflammationem ; eamque ſyſtrophicam , ſeu vaſorum ſanguiferorum ruptione ſtipatam , à quâ proximè deduci debet puris generatio ſeu ulcus.

Hanc corneæ & adnatæ inflammationem plurima producere poſſunt , vel ad externas , vel ad internas cauſas revocanda. 1<sup>o</sup>. Cauſæ externæ ſunt oculorum percuſſiones , ictus , collyria acriora , fumus , aër pulverulentus , corpora in oculos illapſa , aliaque ſuperius in ophtalmiæ articulo enumerata. 2<sup>o</sup>. Internæ eædem ſunt ac ophtalmiæ , phlietænarum , adeoque his recensendis ſuperſedeo , hinc eſt quod ophtalmiæ & phlietænis corneæ , & conjunctivæ ulcera tam ſæpè ſuperveniunt.

Pari ratione cauſæ remotæ , & antecedentes eorum ulcerum ex notâ phlietænarum , & ophtalmiæ æthiologiâ facilè patent

## SIMPTOMATA.

1<sup>o</sup>. Ex diversâ puris indole, & ulceris situ, varia hujusmodi ulcerum natura, altitudo & latitudo hæud ægrè repeti possunt.

2<sup>o</sup>. In omni parte exulceratâ solvitur continuum, fibræ partium nervæ vehementer distrabuntur, quâ distractione dolor exurgit, ergò in hilcè corneæ & adnatæ ulcusculis dolor adfuturus est.

3<sup>o</sup>. Lacrymatio provocatur, quia ob dolorem & assiduam quam patiuntur exulceratæ partes irritationem, spiritus ad glandulas lacrymales uberius determinantur.

4<sup>o</sup>. Erosio, uti dictum est articulo de phlictaenis, tenuioribus corneæ & conjunctivæ lamellis in loco ulcerato debilitatur earum tunicarum firmitas, undè pars hæc minus resistens à conclusis humoribus oculorum extrorsum pulsa prominere debet.

5<sup>o</sup>. Si prominentia parva sit & capiti muscæ similis myocephalon, si multò major sit globosa, & pomi figuram referat, melon, si deniquè inveterata sit & in callum obdurerit clavus græcis *Elos* appellari consuevit.

6<sup>o</sup>. Tumor ille quandòque inæqualiter durus est venis circumquaque tumentibus, varicosis, ac livescantibus asper, nec non dolore acuto, & lancinante stipatus, tunc autem oculi cancerum constituit, qui sicut in reliquis corporis partibus vel occultus est vel exulceratus, prior canceri nomen retinet, aliter tumor canerosus dicitur qualis est modò descriptus: posterior ex quo sanies fætida dimanat & acerrima ulcus cacoethes seu canerosum appellari consuevit.



## DIAGNOSIS.

1<sup>o</sup>. Figura & magnitudo ulcerum corneæ, & adnatæ visu definiri facillè possunt. 2<sup>o</sup>. Simili modo in quânam ex his membranis ulcus sedem habeat, dignoscitur ex cognito corneæ, & conjunctivæ situ. 3<sup>o</sup>. Tumores varii corneæ, & conjunctivæ discernuntur facillè ex diversâ eorum magnitudine, figurâ, & consistentiâ. 4<sup>o</sup>. Demum oculi cancer occultus vel apertus innotescet ex notâ eorum magnitudine, figurâ, & consistentiâ. Causæ antecedentes & remotæ vel ab ægris, vel ab assistantibus perquirendæ sunt.

## PROGNOSIS.

Corneæ & adnatæ in genere periculosa sunt, imò difficillè curantur, quia ob continuum oculorum motum topica remedia in parte exulceratâ cui admovenda sunt satis diù hærrere nequeunt.

Quæ in corneâ fiunt, graviora censenda sunt ob majus cæcitatis periculum, quàm ea quæ in conjunctivâ excitantur.

Deniquè ulcera corneæ & conjunctivæ quæ fortiori ophthalmiæ, aut phlyctænis diuturnioribus extrorsum suppuratis superveniunt mala, leviora quæ à causâ quâpiam externâ & manifestâ sobolescent, omnium pessima quæ cancrosa sunt, & carcinomatodem naturam induerunt.

## CURATIO.

Eadem corneæ & conjunctivæ exulceratis Therapeia competit, quæ cæteris quarumcum-

que partium ulceribus in quibus curandis externa & interna auxilia adhiberi solent.

10. Itaque exterius topica admoveantur ulceri abstergendo paria, mitiora tamen propter mollem ac delicatum oculi textum, qualia sunt decoctum hordei cum melle, saccharum candum, mucilago gummi tragacanthi, lac, vinum rubrum tepidum, aquæ thermales, &c. quibus in oculos instillatis ulcus frequenter de die eluendum est ac detergendum. His remediis, si ulcus notabile sit, adjungantur balsami de capayvâ guttulæ aliquot. Dein verò in morbi progressu exsiccandum ulcus thure, cerusâ, aloë lotâ, tutiâ præparatâ, sarcocollâ in aquâ rosarum nutritâ, aliisque quæ cicatrificationem promovent sub formâ pulverum aut collyriorum usurpandis.

Si ulcus inflammationem adnatæ, aut partium vicinarum conjunctam habeat, anodina cum detergentibus permiscenda mitigandi doloris causâ:

2<sup>o</sup>. Quoniam externa medicamina inania prorsus forent nisi remediis interioribus assumptis temperetur sanguinis & humorum acrimonia expedit interna præscribere, quibus topicorum vis cætero quin inutilis non parum juvatur, hujusmodi sunt potissimum demulcentia inter quæ lac primatum obtinet, idcirco eo utatur æger in principio semel tantum in die, & ebutyrato: si ulcus sit pertinax solo lacte utatur, eâ adhibitâ cautelâ dum lac ægrè concoquitur, ut primæ viæ identidem expurgentur blando aliquo cathartico, & stomachus opiâta convenienti ex absorbentibus paratâ corroboretur serò antè decubitus, vel manè jejuno ventriculo deglutientiæ.

Verum ubi ulcus corneæ & conjunctivæ carcinomatodes evasit, vix ac ne vix quidem cedit remediis, quin potius iis exasperatur, sola ergo palliativa convenit, nempe exterius tantum topica anodina profunt, interius verò demulcentia, & increstantia, quibus diutius hoc in casu insistendum est, quæ tamen in ulcere cancroso oculos exedente persanando ferè numquam succedant, desperanda ægroti salus, nisi quamprimum oculus avellatur operatione chirurgicâ, quam ut ut operosam & crudelem institui tutò posse, & sine periculo docet fabricius hildanus obser. prima, centaur. prima.

## ARTICULUS XII.

### *De Hypopyo.*

**J**uxtà vocis æthimologiam hypopyi nomine intelligimus abscessum seu tumorem à puris collectione sub corneâ aut sclerotide oriundum.

### DIFFERENTIÆ.

Hujus morbi differentiæ petendæ sunt vel ejus sede, vel ea tumoris symptomatis.

1<sup>o</sup>. Habitâ ratione sedis alius sub corneâ latet, alius sub sclerotide, in priori casu vel totam obvelat pupillam, & visionem supprimit, vel circumferentiam dumtaxat iridis afficiens resecti unguis, aut semicirculi figuram refert, atque tunc Græcè Onix latine Unguis seu lunella vocatur, in quo casu vi-

sio ut in statu naturali perficitur, non secus ac in posteriori videlicet quando pus sub sclerotide reconditum latitat.

2<sup>o</sup>. Habitâ ratione symptomatum aliûs simplex alius complicatus prout tumor vel simplex est, vel cûm oculorum inflammatione conjunctus.

### CAUSÆ.

Cum hypopyum ex allatâ ejus definitione puris præsentiam necessariò supponat, & tumor in eo excitatus à puris collectione proximè dependeat, sequitur statim eandem futuram esse causam hypopyi proximam & immediatam qualem articulo præcedenti statuimus ulcerum corneæ & conjunctivæ; hoc interrim discrimine quod in his ulceribus pus exterius diffuat in hypopyo è contra ab effluxu coercitum, ut dictum est, sub cornea vel sclerotide retineatur & coacervetur.

Rursus ex traditâ eodem citato articulo prædictorum ulcerum æthiologiâ liquet puris genesis præviam inflammationem sytrophicam agnoscere. Ergò similiter ad hypopyum prægressâ aliqua inflammatio, & valorum sanguiferorum ruptio in corneæ partibus aut sclerotidis proximis admittenda.

Hæc autem inflammatio triplici potissimum in loco fieri posse evidens est, vel nimirum in ipsâ corneâ aut sclerotide, vel in uveâ, aut denique in conjunctivâ. 1<sup>o</sup>. In corneâ aut sclerotide si hæ membranæ non ex toto ruptæ sint, & pus in iis genitum, dilapsumque contineant, vel si iis licet disruptis effusum pus in earum intestitia serpat. 2<sup>o</sup>. In uveâ, si hæ inflammata in suppuratum abeat, quâ parte corneæ, aut sclerotidi prospicit, & materies purulenta

versus cùm locum effundatur. 30. Demùm in conjunctivâ dùm ophtalmia nimirum gravis introrsum suppurata subjectæ sclerotidis inflammationem accersit quæ pariter in suppuratum vertitur.

Causæ remotæ colligi facile poterunt ex iis quæ in præcedentibus oculorum affectibus superius dicta sunt præsertim verò ex ophtalmiæ theoriæ repetendis inter quæ potissimè sunt vulnera oculis inflicta, oculorum contusiones, & echimoses.

### S I M P T O M A T A.

1<sup>o</sup>. Pus colligi nequit sub corneâ aut sclerotide quin eas tunicas mole suâ & quantitate extrorsum elevet undè oculi tumor.

2<sup>o</sup>. Tumor ille albescit propter albicantem puris colorem.

3<sup>o</sup>. Si pus in iride pupillam circulariter circumcingente congeratur, & mediam ejus partem occupet, macula semi-circularis deprehendetur, & lunella excitabitur.

4<sup>o</sup>. Pus ità aggestum intrâ oculi tunicas suscepto motu debet in partium vicinarum interstitia se conferre, hinc confricato oculo, locum mutare necesse est.

5<sup>o</sup>. Cum pus nequeat membranas oculorum elevare, & tumefacere quin eas distendat prætermodum, nec ità distendere quin vasa sanguifera quibus contexuntur, multum premantur, & eâ ratione sanguis stagnet atque colligatur, sequitur fore ut in hypopyo præprimis inveterato, & in quo magna est puris copia, pars affecta rubeat, & lentetur phlogosi quæ dein ad conjunctivam, ad alias par-

tes vicinas serpens totam oculi molem, imò & quandoque palpebras infestat, undè gravis inflammatio hypopyo aliquando adjungi solet.

6<sup>o</sup>. Pus sub corneâ collectum, ut supra dictum est, vel pupillam opplet, vel iridem dumtaxat obtegit intactâ pupillâ si primum visionem abolendam præpedito lucis radiorum transitu, si secundum iisdem radiis liberè trajectis per corneam peræque ac in statu naturali perficiendam fore evidens est. Hinc patet à fortiori solito more fieri visionis exercitium, si pus à pupillâ magis removeatur, & sub sclerotide deliteſcat.

7<sup>o</sup>. Demùm quando abscessus minimus est, & pus aggestum laudabile, crassum, insulsum, & lymphaticum, integer perſtat oculus sine ullâ aliâ labe, ex adverso dùm idem pus dilutum, saniosum, acre, corrosivum, & mali moris est, aut magnâ copiâ generatur communicato cæteris partibus vitio, atque proindè crescente in dies abscessu, interiora oculi inflammata rodantur, & oculus absumitur, vel disruptis tunicis oculorum humores foras diffuunt, & oculi concavi fiunt.

## DIAGNOSIS.

Ex symptomatis jam allatis hypopyi diagnosis facile obtineri potest nempe ex præſente, & molli oculi tumore, inflammatione præviâ & colore albicante, item & ex causis quæ hypopyo ansam dedere, V. G. ex fugillatione prægressâ.

Hypopyum sedem habere sub corneâ simplici visu dignoscitur, tunc enim tumor eo  
loci

## DE MORBIS CAPITIS. 85

loci apparet, albicat, & compressâ oculo  
motione, pus contentum commovetur. Rur-  
sus hanc hypopyi speciem pupillam vel iri-  
dem occupare significant tumoris situs, figura  
semi-circularis, & liberum, vel interceptum  
visionis exercitium, at verò dùm sub sclero-  
tide purulenta materies continetur, diffici-  
lius est morbum dignoscere, attamen ex cau-  
sis quæ præcesserunt, & ex situ tumoris,  
atque mollitie satis aptè conjicitur; compli-  
catum hypopyum dolore; & phlegmonodeo  
oculi rubore, simplex verò eorum signorum  
absentiâ designatur.

## PROGNOSIS.

Hypopyon in genere affectus est pericu-  
losus, tum quia sæpè visioni afficit, tum  
maximè quia pus latitans cuniculos agens,  
totamque sensim absumens oculorum subst-  
antiam eorum jacturam infert, undè varian-  
da est prognosis pro quantitate collecti pu-  
ris, ejus situ, ac indole, & enim si abscessus  
in pupillâ positus sit, si pus abundanter col-  
lectum, si malè coctum, ac saniosum evi-  
dens est majus imminere periculum quàm si  
pus sub sclerotide, & paucâ quantitate col-  
lectum fuerit, nulliusque corrosionis parti-  
ceps; complicatum simplici, ob graviora  
quibus stipatur symptomata periculosiorem,  
& curatu difficiliorem esse nemo non videt.

## CURATIO.

Quoniam præ cæteris modis omnibus qui-  
bus tumores sanari possunt, tutior est ille.



minusque operosus qui resolutiones viâ perficitur, sequitur tentandam esse hypopyi seu puris collecti resolutionem quàm non esse impossibilem ratio suadet, & plurima evincunt authorum observata, quibus magnam puris in variis partibus abscessu laborantibus congesti copiam per urinas fuisse vacuatam conitat. Sedatâ itaque inflammatione, si quæ sit, remediis in ophtalmiæ curatione enumeratis, & præmissis universalibus, admovenda sunt topica ex emollientibus & discutientibus parata. Cavendo ab astringentibus, repellentibus, & resolventibus fortioribus quæ partes tenuiores dissipando reliquum puris crassius redderent, & resolutioni obstarent.

In hunc finem laudantur plurimum resolventia mitiora sæpius proposita, interquæ præprimis numerantur myrrha, crocus, aloes cum melle aut lacte permixta ne irritando noceant. Fomenta ex decocto plantarum ophtalmicarum nempe euphrasiæ, fæniculi, chelidonii, florum chamæmeli, & meliloti, seminum fænugræci, vinum rubrum tepidum, aliaque quæ declinanti ophtalmiæ & albugini curandis idonea esse diximus.

Nequè prætermittenda sunt resolventia intérius assumpta qualia sunt imprimis balzama varia de capahu, peruvianum, tolutanum, infusio herbarum vulnerariarum, potus theæ, aliaque diuretica calida quæ tùm aperiendo vasa obstructa, pus resolvere apta sunt, tùm pellendo urinam puris evacuationem per renes promovere.

Verùm si hæc remedia non successerint, pus chirurgicâ operatione educendum est, adapto instrumento acuto simili quoad structuram

## DE MORBIS CAPITIS. 87

vulgari huic instrumento quo utuntur Chirurgi ad paracenthesim, cui gallicum nomen est Trocar, & mole ferè æquali aciculæ quam ocularii ad deprimendam cataractam usurpare solent; illud instrumento genus hoc habet commodi quod stylo suo pungendo corneam aut sclerotidem perforet, & eodem stylo detracto, liberâ & apertâ canulæ cavitate contentum pus evacuet, quod si, ut aliquandò contingit præ visciditate nimia exire nequeat, suctione hauriendum.

In hac autem instituendâ operatione duplici cautione opus est, prima modum quò debet fieri punctura, altera verò pungendum locum spectat, circa primùm acus oblique immittenda ne contenti oculorum humores per aperturam effundantur, secundum quod atrinet si pus sub corneâ lateat, pungenda ea corneæ pars, quæ sclerotidi proxima est, non modò ut præcaucatura iactura aquei humoris qui alioquin diffunderet, sed etiam ut occurratur visionis labi quam excitata indè cicatrix induceret, sin verò pus sub sclerotide contineatur, ipsa sclerotis pungatur juxta partem affectam, neque multum ab ejusmodi punctione pertimescendum, per se enim facile, & citò sanatur, ut in suffusionis, seu cataractæ operatione observare est.

---

## ARTICULUS XIII.

### *De myopia.*

**M**YOPYÆ nomine intelligimus illud oculorum vitium cujus ratione proximiora

objecta distinctè, remotiora verò, imò parum distantia obscurè percipiuntur, eò autem vitio affecti myopes nominari solent, quod objecta ut commodius discernere possint oculis propè admoveant, eaque semiclausis oculis intuantur.

## DIFFERENTIÆ.

Variat hic morbus in variis individuis laborantibus myopyâ, prout diversa est in diversis subjectis oculorum structura; unde alii myopes objecta proximiora, alii minùs proxima clarè & distinctè percipiunt. Alia symptomata, alia idiopathica, alia hæreditaria, alia congenita, alia adventitia.

## CAUSÆ.

Cùm certum sit ex opticae legibus clarè & distinctè videri objecta quando lucis radii debitâ quantitate pupillam ingressi multiplici trans oculorum tunicas & humores refractione tandem in retinam incurrentes ità convergunt ut singuli qui ab uno eodemque objecti visi puncto prodierunt in singula retinæ puncta unâ coeuntes transmittantur, planum est fore confusam visionem duplici de causâ, vel si lucis radii nimii pupillam subeant, vel si iidem radii congregentur solito citius, & antequam ad retinam perveniant, tunc enim ex coitionis puncto emergentes divaricantur, & non eandem, uti par esset, sed varias retinæ partes feriunt, unde maxima oritur visus confusio.

Quæcumque igitur poterunt radiorum coa-

litum promovere & antè retinam, quæcumque pariter efficiunt ut radii uberius in pupillam immittantur, ea omnia pro causis myopiæ habenda sunt.

1<sup>o</sup>. Mutuam radiorum coitionem accelerabit oculorum convexitas nimia, quâ magis convergere, seu congregari radios notum est, auctâ scilicet incidentiæ obliquitate, ut patet ex vitris ustoriis quæ objecta corpora citius aut tardius comburunt prout magis aut minus convexa sunt.

Nimia autem fiet oculorum convexitas vel ex nativâ ejus conformatione, vel ex majori contentorum humorum copiâ, ut accidit iis quibus oculi extrorsum prominent, vel ex solius humoris cristallini convexitate præter solitum adauctâ quam ex majori humorum ad ipsius vasa proventu repetenda esse evidens est, simul ex minori eorum vasorum tensione cujus ratione appellentibus fluidis facilius obsequuntur. Hanc cristallini humoris turgescientiam fieri citra pelluciditatis jacturam supponendum est, alioquin suffusio, seu cataracta excitaretur.

2<sup>o</sup>. Radii luminis solitâ majori quantitate per pupillam transgredientur, si hæc nimiooperè dilatata, & aperta fuerit; hanc dilatationem quam Græci Mydriasis vocant rursus à duplici causâ oriri posse faciliè intelligitur, nempe vel ex vitiatâ conformatione hæreditaria, aut ab ortu contractâ. Sic observamus quotidie parentes eo conformationis vitio laborantes natos gignere quorum oculi lata & magis aperta pupilla conspici patent; vel talem labem à causis produci in ipso matris sinu, vel nimiam aquei humoris

copiâ quâ circulus iridis diducitur imprimis si fibræ illæ radiosæ paralyticæ fiant, atque ita laxatæ appulsui liquorum cedant, vel denique ex nativâ contractione fibrarum radiosarum iridis, quæ pupillæ amplificandæ à naturâ dicantur. Hæ autem fibræ vehementer, & convulsivè constringentur sympathice, vel idiopathice. Prius fit ob dolores vicinarum partium vel ipsiusmet vueæ tunicæ, vel propter cerebri vitium, ut in epileptico insultu, posterius verò si prædictæ fibræ nimio sanguine oppleantur, & supra modum tendantur ut contingit in febribus, vigiliis diuturnioribus, exercitiis immodicis, post conatus vehementiores, ex retento spiritu &c. tunc enim sanguis ad caput proindeque ad oculos copiosius aductus fibras iridis contractiles quasi inflammat, & consequenter abbreviat.

### SIMPTOMATA.

1<sup>o</sup>. Myopes objecta remota imò parum distantia vel nullatenus, vel confuse admodum percipiunt duplici de causa supra assignata. 1<sup>o</sup>. Vel quia radii nimii pupillam ingressi retinam vehementius quam par est succutiant, vel 2<sup>o</sup>. quia iidem radii ab eodem objecti visi puncto emissi minus oblique incidentes, minori refractione opus habent ut occurrant invicem, proindeque coeant antequam ad oculi fundum accedant, quam decussati deinceps ac confusi attingunt.

2<sup>o</sup>. Objecta è contrà oculis proxima distinctè cognoscunt, vel quia radii luminosi minori quantitate pupillam utcumque dilatam subeunt, debitaque fit retinæ succus-

So, vel quia radii luminosi ab objectis proximioribus emissi ob maiorem incidentiæ obliquitatem majori influxu egent, tardiùsque coalescunt, undè fit ut post pulsas in oculorum tunicis, & humoribus consuetas refractiones singula & distincta retinæ puncta impetant.

3<sup>o</sup>. Objecta remotiora in Myopiâ nequeunt maiorem copiam radiorum emittere, vel decussati retinam attingere quin plura ejusdem retinæ puncta moveant, quod fieri nequit, quin eadem objecti visi partes ad plura loca referantur. Hinc illa objecta confuse quidem sed majora & ampliora repræsentari necesse est, quam si pauci radii ab objectis emissi ad unicum dumtaxat retinæ punctum coeuntes transmitterent, quod præcipuè fit si objecta visa lucida sint, aut in luce magnâ & aperta conspiciantur.

4<sup>o</sup>. Ratione oppositâ rectius in luce dubiâ seu in crepusculo visio perficietur, quia debiliori lumine retina debiliùs percellitur, atque hæc visus depravatio Nictalopia solet appellari.

5<sup>o</sup>. Demùm, hinc liquet Myopes expertos semel se objecta remota quæ in certâ quâdam imò mediocri distantia locantur acutè & distinctè videri nequaquam posse, & splendoris vim in luce quam maximè perspicuâ sensum obruere, mechanicè impelli ad ea objecta oculis admovenda, atque eadem palpebris veluti conniventibus intueri, vitandi nimii luminis causâ.

### DIAGNOSIS.

Myopia ex ægri relatu patet. Hanc imminere suspicio est, si imminuatur in dies

objectorum remotiorum visio, similiter an à nimia oculi convexitate, vel à pupillæ dilatatione pendeat haud ægrè conjici potest, siquidem illæ causæ ipsis sensibus eruuntur.

## PROGNOSIS.

Myopia periculo caret quandoquidem exercetur visio objectorum dum modo ea admoveantur oculis, & in certâ distantia conspiciantur, curatu tamen difficilis est, præsertim si pupillæ dilatatio, vel oculorum convexitas sit effectus vitiatæ conformationis quæ vix ac ne vix quidem restitui potest teste experientiâ

## CURATIO.

Diversa remedia usurpanda sunt pro varietate causarum, nam 1<sup>o</sup>. Si oculorum convexitas præternaturalis, vel nimia pupillæ dilatatio ab humorum redundantia pendeat Plethoræ occurrendum diætâ venæ sectione, aliisque sanguinem & humores evacuanti-  
bus. 2<sup>o</sup>. Si fibrarum iridis convulsio pupillæ amplitudinem excitaverit, vel antispasmodica usurpanda sunt qualia in morbis convulsivis, & Epilepsiâ competunt, vel mitigandus anodinis & narcoticis dolor, cui debetur talis convulsio, & denique minuendus sanguinis ad oculos appulsus, ejusdemque ætus compescendus, quod præstabis Phlebotomiâ, refrigerantibus &c. 3<sup>o</sup>. Denique si morbus hæreditarius aut connatus fuerit, vel ex vitiosâ oculorum aut Cristallini humoris conformatione oriundus, neglectis reme-



aliis internis quæ tunc inutilia forent, potissima Medicina est specillorum concavorum usus, quibus radii luminis ab objectis remotioribus emissi nimis divergentes, dispergantur, undè etiam si magis refracti non citrà ut antea, sed in ipsâ ut opus est retinâ coalescentes objecta remotiora perspicuè & distinctè repræsentabunt.

## ARTICULUS XIV.

### *De visu senili myopia contrario.*

Inter plurima quæ senes circumveniunt incommoda debet recenseri potissimum visus debilitas, quæ ipsis adeò familiaris est, ut vix senem unum reperire liceat, in quo non obscuretur nativa oculorum acies, quin imò plurimos ætatis anno circiter quinquagesimo nedùm senes eâ visus imbecillitate affici constanti experienciâ certum fit.

Consistit autem affectus ille senilis in eo vitio oculorum myopiæ planè opposita ratione, cujus distincta sit objectorum remotiorum, confusa verò proximiorum visio.

### DIFFERENTIÆ.

Eadem sunt differentiæ affectus senilis ad myopiæ de quâ præcedenti articulo dictum est, nimirum in hoc morbo objecta remotiora, modò minus remota distinctè percipiuntur pro vario in variis individuis oculorum conformationis vitio.

## CAUSÆ.

Cum visus senilis myopiæ omninò oppug-  
natur hunc à causis planè contrariis produci  
evidens est, nempe vel ex eo quod pauci lu-  
minis radii pupillam penetrent, vel ex eo  
quod sic ex solitæ copię transgrediantur ocu-  
lorum humores, tardiùs tamen coeant, &  
dispersi necdùm uniti dum retinam attingunt,  
varias ejusdem fibrillas succutiant.

Quælibet ergò radiorum luminis coalescen-  
tiam retardabunt, vel sufficientem eorumdem  
ingressum per pupillam præpedient, ea om-  
nia affectum senilem remotè inducere pote-  
runt.

1<sup>o</sup>. coalescentiam radiorum retardabit com-  
planata oculorum convexitas quâ radii minùs  
convergent, tardiùsque proindè uniuntur ut  
docent vitra concava quæ radiis disgregandis  
inserviunt. Hæc autem oculorum concavitas  
major, vel ex nativâ eorum conformatione  
deducenda est, vel ex minori humorum co-  
piâ quâ oculi concidunt & arescunt, ut seni-  
bus contingit, vel deniquè ex solus humoris  
cristallini concavitate præternaturali.

2<sup>o</sup>. Pauci radii pupillam ingredientur, si  
hæc contrista sit, & nimiopechè angustata,  
hujusmodi angustiam inferent plurima. 1<sup>a</sup>.  
Hæreditarium vel congenitum quodpiam vi-  
tium. 2<sup>o</sup>. Minor aquei humoris collectio quâ  
minùs diductæ fibræ iridis circulares fortius  
stringuntur. 3<sup>o</sup>. Fibrarum iridis radiosarum  
resolutio, seu paralyxis cujus ratione contra-  
nitentes ejusdem iridis fibræ circulares in  
contractionem venientes arctant pupillam,  
ejusque foramen minuunt.

## SYMPTOMATA.

1<sup>o</sup>. Objecta proximiora confuse percipiuntur vel 1<sup>o</sup>. quia lucis radii magis divergentes, & ob minorem oculi convexitatem debilius refracti non sat citò concurrent, adeoque ab invicem sejuncti retinæ fibras movebunt, unde ità dispersi, & majus spatium occupantes, majorem objecti visi imaginem impriment, atque tunc objecta oculis proximè adnota juxtà grandiora apparebunt, vel 2<sup>o</sup>. Quia pauciores emittuntur radii, iique dumtaxat qui rectatendunt ab objectis ad oculos, unde eorum quantitas representandis ut decet objectis non sufficiet.

2<sup>o</sup>. Objecta verò magis dissita, melius ac distinctius apprehendi necesse est, tum ob tardiorum radiorum luminosorum, ut solita quantitate emissorum coalescentiam, quia tunc radii magis paralleli, & minùs divergentes eo modo refractione convergunt ut in ipsâ retinæ superficie coeant, & unitâ retinam percellant, tum ob majorem eorundem radiorum quantitatem quæ emitti debet ubi objecta removentur, quia radiis rectis laterales plurimi adjunguntur.

3<sup>o</sup>. Confusa erit objectorum proximorum visio, imprimis si nigra sint, aut parum illuminata quia radii pauciores vibrantur, qui retinam debilius quatiunt, atque hinc est quod senex, & affectu senili laborantes in dubiâ luce serè cæcutiant.

4<sup>o</sup>. E contrario in luce magna potissimum splendente sole acutius cernunt, quia majori umine visus organum vehementius percutitur.

5°. Demum ea propter tali oculorum vitio affecti cum sæpè experti fuerint se objecta remotiora proximioribus melius, faciliusque distinguere ea ut videant quodam veluti instinctu ab oculis removeere solent.

## DIAGNOSIS.

Visus senilis sicut & myopia iteratâ ægri experientiâ innotescit à quâ autem pendeat an ab oculorum planitie, seu convexitate minori an verò à pupillæ angustia, dignoscitur facile oculorum ac pupillæ examine.

## PROGNOSIS.

Hic morbus nihil affert periculi, imò neque visionis exercitium tollit, modò objecta removeantur, verum omni therapeia major est si inveteratum fuerit oculorum vitium, aut à vitiatâ pendeat conformatione, sin minus recens sit, & causam aliquam externam agnoscat, curam admittere potest.

## CURATIO.

In curando senili affectu perpendendum an oculorum vitium hæreditarium sit, vel congenitum, vel ab ætate pendeat, in hoc enim triplici casu remediis parcendum, quorum usus diuturnior visioni plurimum officeret, imò nullo remedii genere opus est, quippè tale oculorum vitium non modò corrigi nequaquam potest, verum etiam topicis quandoque exasperatur.

Sin autem vitium adventitium fuerit ten-

etanda curatio, & varianda prout illius causæ diversæ sunt.

1<sup>o</sup>. Si à convulsione fibrarum iridis circularium ortum ducat præscribenda sunt antiepileptica, aliaque medicamenta quæ convulsionibus sanandis proficua sunt.

2<sup>o</sup>. Si à radiosarum fibrarum iridis paralyfi fiat, cephalica in usum vocentur, & cætera auxilia quæ paralyfi conveniunt, inter quæ potissimum laudantur aquæ thermales tum interiùs epotæ per triduum, tum exteriùs usurpatæ caput nimirum, & præsertim oculos irrigando.

3<sup>o</sup>. Deniquè si ab imminutâ naturali oculorum convexitate sive illa sit in totâ oculi mole, sine in solo cristallino corpore, utendum specillis convexis quorum ope nimis divergentis lucis radii à proximioribus objectis emissi congregantur, itaut citior quàm antea, & in ipsâ proinde retinâ eorum concursus peragatur.

## ARTICULUS IX.

### *De Phlictænis.*

**C**Um apud omnes in confesso sit suffusio-  
nem, seu cataractam ab opaco aliquo  
corpore ultrâ corneam locato pupillæ obver-  
so radiorum laminis transitum inhibente, se-  
quitur eam satis aptè definiri posse oculorum  
vitium ortum à concretione quâpiam ultrâ  
pupillam genitâ naturale visionis exercitium  
labefactatur, vel omninò intercipitur, undè

Gallis mos est corpus ipsum concretum, & opacitate suâ viam radiorum occludens cataractam vocitare.

### DIFFERENTIÆ.

Hujus morbi differentię repetendę sunt vel à vario concretionis incremento & magnitudine, vel ex diversâ concreti humoris naturâ.

1<sup>o</sup>. Pro diverso concretionis augmento nunc recens, nunc maturescens, nunc matura, nunc inveterata dici potest.

Recens seu incipiens, illa est in quâ obnubilatur dumtaxat aliqua pupillę pars & minima est concretio, atque in hâc cataractâ specie festucę, pili, aut varia filamenta lanę carptę haud absimilia nutantibus oculis percipiuntur. Hanc Authores plurimi suffusionem strictè sumptam vocare solent.

Maturescens sub cærulei coloris est, & à concretionem paulò majori dependet quę tamen lucis aditum satis facilem permittit hanc nonnulli aquam nominant, ob cæruleum colorem aquę colori consimilem.

Matura illa dicitur dum concretio adhuc major est albicans, & visionis sensus ferè præcluditur.

Inveterata tandem quandò macula sive alba, vel nigra, sive flava, perfectò opaca est, & ità indurata ut visionem omninò præpediat. hanc veteres propriè cataractam nuncuparunt.

2<sup>o</sup>. Pro variâ concreti humoris naturâ alia glaucoma dicitur, alia cataractę seu suffusionis nomen retinet, glaucoma ab indurato cristallino humore, suffusio verò Græcis Υπο-

chima à pelliculâ quâdam corneæ & cristallino humori interpositâ ortum habet.

Silentio prætermittendum allatam ab Antiquis [ vide Riverium pag. 188. de suffusione qui citat Galenum cataractæ divisionem in veram & spuriam, quandoquidem spuria quam à vaporibus fieri, & in delirio phrenetico, in morituris, & in iis qui hæmorrhagiam passi sunt aliquando contingere afferebant nullam in oculis concretionem agnoscit, proindèque cataractæ nomen non meretur.

## C A U S Æ.

Quamvis recentiores quidam negaverint cataractam esse pelliculam seu membranulam citrà humorem cristallinum genitam eamque à cristallini opacitate semper fieri contendant quod in pluribus cadaveribus quorum oculi cataractâ laborant cristallinum corpus induratum constanter se invenisse asserent, nihilominus eorum sententiæ assentiri non possumus aliorum Neotericorum, ac fide dignissimorum observationibus suffulti qui pelliculam se pluries detexisse intacto humore cristallino testantur, utramque itaque sententiam amplexari æquum est, atque adeò cataractam nunc pelliculam esse, licèt rariùs statuimus, nunc verò & quidem frequentius in cristallini humoris duritie, & opacitate consistere, causæ igitur utriùsque cataractæ seorsim investigandæ sunt &c.

1<sup>o</sup>. Quidem dum cataracta pellicula est inter cristallinum corpus & pupillam posita, hæc duplici modo generari posse concipitur, vel si exterior cristallini lamina quæ pupillam respicit exsivetur, densetur, & à cæteris ejus-



dem cristallini lamellis disjungatur ut fieri solet in estoliatis oculis quorum externæ laminæ à subjectis inferioribus separantur, vel si lymphæ excedans ab extremâ cristallini superficie ibi concreseat, & quamdam veluti pelliculam continuam efformet.

Extrema cristallini lamina densabitur & siccesset, si vasa ex quibus constat humorem contineant spissum, viscidum, & induratum. nullumque inter hunc & vicinos humores circulationis commercium intercedat, hæc vasorum & humorum densitas & arescentia ab externis vel internis causis oriri potest. Internæ sunt viscida sanguinis constitutio qualis est in strumosis solidorum angustia, vel laxitas dativa, vel adventitia, sic experimur quotidie eos quorum oculi multum prominent cæteris frequentius suffusione affici. Externæ verò topicorum resolventium abusus, insolutio diuturna, studium immodicum, & lectio assidua præsertim nocturno tempore, aeris externi caliditas, aut frigiditas nimia prægressi oculorum morbi, puta hypopium, pertinax ophtalmia &c.

Lympha verò à cristallino corpore exudabit, si in hoc hæreat & congeratur, imò hærens & congesta poterit vascula quædam rumpere, & inter pupillam, & extimam cristallini humoris faciem effundi. Hærebit autem & cumulabitur multiplici de causâ. 1°. Vitio ipsius lymphæ si crassa sit & spissa ob vicinam sanguinis diathesim. 2°. Vitio vasorum cristallini corporis, si hæc debiliora, laxiora, aut angustiora sint. 3°. vitio ab externis causis jam enumeratis illato.

29. Si cataracta consistat in ipsâ cristallini

opacitate, quoniam illa opacitas supponit necessario humores inspissatos, quorum partes crassiores strictius unitæ lucis radiorum transitum inhibent, sequitur quæcumque poterunt lympham per cristallinum corpus circumstantem inspissare, ea omnia cataractam remotè inducunt.

Lympha cristallina inspissabitur si prædicto ipsius per propria vasa circuitu hæreat, vel effundatur. Tunc enim defectu motus, & partium accessu, vel ejusdem effusionem promovebunt, præter ea quæ supra recensuimus ad pelliculæ genesim inflicta corpori cristallino vulnera, ictus contusiones &c.

### SIMPTOMATA.

Quæ cataractam comitantur symptomata eadem sunt sive pellicula sit, sive cristallini opacitas &.

1°. Quidem incipiente cataracta, quoniam concretiones minimæ sunt, & insensibiles, nulla ab insipientibus conspicitur pupillæ macula.

2°. Interim tamen quoniam ab iis concretionibus ut ut minimis lucis transitus impeditur per certa pupillæ loca, ita ut radii solares hic cristallinum humorem penetrent, illic verò repellantur sequitur fore ut ægidum objecta perspicient, ea non videant integra; sed fenestris pertusa nunc punctis nigricantibus conspicua quæ pro variâ magnitudine, & figurâ pulices, muscas, phylamenta telæ araneæ aut lanæ carptæ similia representabunt, vel per aerem dispersa, vel objectis visis inhærentia.

3<sup>o</sup>. Ūculis dextrâ , lævâque commotis mutabitur oculorum situs , sed mutato oculorum situ , concretiones in iis factæ locum pariter mutaturæ sunt , variisque proindè lucis respondebunt , quod fieri non potest , quin muscæ , pulices , pili & alia corpora representata ad diversa quoque circumstantium objectorum puncta successivè referantur , hæc ergò corpuscula motis oculis vel in aere volitantia , vel conspecto albo pariete nunc huic , nunc illi parietis parti infixæ videbuntur.

4<sup>o</sup>. Falsæ Marmarigum representatio quam experiuntur ii qui cataractâ afficiuntur dum lucidum aliquod corpus conspiciunt , deducenda est ex eo quod præter radios per loca oculorum à concretionem libera trajectos quibus lucidum corpus repræsentatur plures alii radii luminosi in planas , ac laterales oculorum facies multipliciter impacti , & inde ad retinam reflexi eam feriant , quo fit ut mens lucida corpora plurima in locis in quibus non sunt falsò percipiat , undè marmariges seu oculorum coruscationes.

5<sup>o</sup>. Motis oculis marmariges moveri videbuntur quoniam mutato oculorum concretionum situ , fiet ut radii qui antea ad certa retinæ loca reflectebantur speculorum instar jam nulli reflectantur , undè apparebunt tenebræ in iisdem locis in quibus marmariges prius observabantur , & vice versâ quod sufficit ad excitandam falsam hanc marmarigum apparentiam.

6<sup>o</sup>. Multiplicatis in dies punctulis his radios visuales repellentibus continua fiet lineæ instar concretio , undè si supponatur interjectas partes illibatas esse , & nativam

pelluciditatem retinere viſa objecta variis definita cancellis fenestrarum instar repræſentari neceſſe eſt pro diverſis concretionum terminis.

7°. Crescente adhuc magis oculorum concretionem paucioris lucis radii pupillam ſubire debent, undè offuſcata, & confuſa videntur objecta quaſi trans ſumum, nebulam, aut aranearum telam perciperentur.

8°. Inveterato malo perfectâ fit & totalis opacitas, & pupilla obvelatur, tunc enim præpedito omnino radiorum tranſitu cæcitas inducitur.

9°. Denique varii cataractæ colores à diverſâ concretionis conſiſtentiâ, & humoris concretionem inducentis naturâ repeti poſſunt, hinc macula in matureſcente ſuffuſione ſub cærulea, in maturâ albicans, in inveteratâ alba, vel nigra, vel flava deprehenditur.

## DIAGNOSIS.

Diverſi cataractæ gradus ſequentibus ſignis innotescunt 1. Incipientem cataractam ſeu ſuffuſionem diſtinguit philamentorum aut punctorum nigricantium apparentia, præſertim commotis oculis. 2°. Matureſcentem designant aucta philamentorum quæ oculis observantur moles, & ſubcæruleus pupillæ color. 3°. Matura ex albicante concretionis colore, & præcluſo fermè viſionis ſenſu dignoſcitur. 4°. Demùm inveterata ſeu confirmata cataracta patet ex ejus colore albo, nigro, aut flaveſcente & viſionis abolitione quæ perfectam concretionis pelliculæ opacitatem demonſtrat.

Hanc à leucomate pupillæ foramen occupante quo cum confundi potest facile discernes. 1<sup>o</sup>. Si exterius & suspensâ manu morbidus oculus confricetur, moxque dein subito aperiatur, tunc enim excitato in pupillâ alterno constrictionis & dilatationis motu diversâ apparet cataractæ moles pro diverso pupillæ statu, major nimirum & amplior, dilatatâ pupillâ, minor verò eâdem angustatâ secus autem in leucomate seu albugine immutatam constanter observare est maculæ amplitudinem. 2<sup>o</sup>. In albugine sita est macula in corneâ, at verò in cataractâ profundius latet, & ultrâ pupillam quod ipsissimis intuentium oculis patescit. 3<sup>o</sup>. Tandem ex iis quæ vel albuginem, vel suffusionem præcesserunt utriusque affectus diagnosis facile obtineri poterit.

Causam suffusionis proximam quod spectat dignoscere arduum omninò est, ne dicam impossibile nempè assequi nullo modo licet an pupillæ obnubilatio à pelliculâ ibidem genitâ procedat, an à cristallini corporis densitate sufficiat hâc in re alterutrum ex his vitium conjicere, & cæteras causas ex antecedentibus, & concomitantibus expiscari.

## PROGNOSIS.

Cataracta, à quâcumque causâ pendeat, gravis est morbus, ac multum molestus ob visus læsionem quæ tandem in cæcitatem definit.

Varianda Prognosis pro vario cataractæ tempore, seu gradu, pro ægrorum ætate, ac temperamento, & oculorum statu.

1<sup>o</sup>. Enim si recens sit & incipiens remedium interius assumptis præcaveri potest internâ therapeiâ ; si verò ad maturitatem , ut vulgò aiunt , pervenerit , operatione indiget , neque medicamentis internis cedit. Deniquè ubi inveteravit insanabilis censenda est , & omnem tum medicorum ; tum chirurgicorum operam eludit.

2<sup>o</sup>. Quoniam vasa in senibus amissâ vi elasticâ difficiliùs restituuntur quam in juvenibus , sequitur cataractam senili ætate supervenientem difficiliùs curari posse quam inflorenti , & juvenili ætate , in quâ oculi vegetiores meliùs & acutiùs vident.

3<sup>o</sup>. Plurimum confert morborum curativa ægrorum temperies , ergò si vitiosa sit in cataractâ laborantibus , & à viru scorbutico , aut strumoso foveatur , minor ad futura curationis spes , quam si æger benè constitutus sit , & nullo sanguinis vitio inquinatus.

5<sup>o</sup>. Idem dicendum , paucis mutatis , pro vario statu oculorum , nam malum periculosius est , & minus sanabile , si jam vitiiati sint oculi , si malè sani , si debiles extiterint , aut naturaliter emineant , quàm si integri sint & sani.

## C U R A T I O.

In Curandâ cataractâ advertenda sunt ejus stadia etenim.

1<sup>o</sup>. Si sit incipiens internis medicamentis oppugnanda est , quibus inspissata lymphâ diluatur , & fluidior fiat. Sicque obices in vas lymphaticis geniti referentur. Hanc præstant operam aperientia , & sanguinem dividencia.

Iusculis igitur aperientibus & refrigerantibus initio opus est, dein pulveribus, aut opiatis chalibeatis simul & purgantibus, quæ auxilia si tempestivè usurpentur & sæpè repetantur incipientes oculorum concretiones dissolvere poterunt. Non negligentur interim topica quæ quidem licet parum prosint, quandoque tamen feliciter successisse fidem faciunt plurima authorum observata. Talia sunt fomenta varia, cataplasmata, suffitus, & præsertim collyria identidem instillata oculis, & solventibus parata nempe ex aquis distillatis fœniculi, rutæ, euphrasie, chelidonii, aut alterius plantæ ophtalmicæ, earundem plantarum succo aut decocto, sanguine columbino calente, felle variorum animalium melle permixto, & similibus.

2<sup>o</sup>. Si mature scat nihil moliendum est sed expectandum potius donec cataracta perfectè maturitatis tempus attigerit quo in casu certum habet opacitatis & consistentiæ gradum cuius ratione deprimi possit.

3<sup>o</sup>. Inveteratam seu confirmatam cataractam vim remediorum imò & operationem chirurgicam elude experienciâ notum est, quippè hæc præ nimiam suam duritiem, & partibus vicinis adhæsione acui deprimi nequaquam potest; verum etiam augente concretionem serpit malum ad vitreum humorem, & ad retinam prorsus immedicabile.

4<sup>o</sup> Indè evidens est solam cataractam quam matura dicitur arte chirurgicâ nimirum operatione curari posse quam ocularii instituunt sequenti methodo.

Selectâ itaque oportunâ anni tempestate vernâ scilicet, aut autumnali præmissis venæ sectione, & diætâ convenienti æger in adverso



sedili collocetur loco lucido lumini adverso ,  
 dein deligato oculo sano , caput ægri im-  
 motum detineat minister à posteriori parte  
 constitutus, moxque jubeat chirurgus ut æger  
 ad majorem oculi angulum oculorum diducat,  
 quibus ità peractis ocularius hanc adnatæ  
 partem quæ corneæ proxima est , quæque  
 minori oculi cantho prospicit , aut quædam  
 perforare debet huic operi idoneâ , & manu  
 briolo instructæ , quàm intus demittit obli-  
 quo ductu , donec ejus tuspis suffusionis lo-  
 cum attigerit , & sub pupillâ appareat. Tunc  
 autem hinc & indè , leviter tamen acus ver-  
 tenda est , ut solvantur cataractæ vincula ,  
 moxque deindè sensim infrà regionem pupillæ  
 iteratis succussibus deducenda quibus appre-  
 hensa cataracta ad fundum oculi deprimi pos-  
 sit , ibidemquè insidere , si res ità sit curatio  
 expleta est , si verò sursùm redeat , iterùm  
 eâdem aciculâ magis ac magis concidenda  
 est , à vicinis partibus sejungenda donec oculi  
 fundo adhæreat , quod ubi factum est , eductâ  
 acu ; clausus ægris oculus ovi albumine cum  
 aquâ rosarum conquassato obtegendus est , ac  
 molli fasciâ deligandus , hoc in statu æger in  
 lecto quiescat cubiculo exactè clauso , ne lu-  
 men ipsi noceat , solis jusculis vescatur per  
 aliquot dies vitandæ febris , & inflammatio-  
 nis causâ , aliaque auxilia non negligat , quæ  
 inflammationem oculorum vel arcere si im-  
 mineat , vel si jam facta sit compescere va-  
 leant , ac tandem circâ septimum vel octa-  
 vum diem oculi suis motibus permittendi  
 sunt , & solvenda paulatim apparatus liga-  
 tura , ne nimio lumine visus subitò obruatur.

Cæterùm utcumque successerit operatio

interea contingit sæpè numero , ut post operationem visio minus rectè perficiatur quàm antea , illud autem non ex aquis humoris jacturâ deducendum esse arbitramur , quàm brevi novâ secretionē reparari plurima testantur observata , sed potius ex eò quod crystallinus humor vel è loco suo dimotus , vel ad fundum oculi deductus fuerit operatione chirurgicâ , vel saltem quod anterior ejus pars concreta per operationem discerpta , atque concisa solitam convexitatem amittat , neque proinde radiorum solarium ingressum , ut par est , pati queat , quo in casu specillis convexis opus est , quæ crystallini vicem suppleant , ut objecta visibilia consueto more , hoc est distincti percipiantur.

---

## ARTICULUS XII.

### *De Hypopyo.*

**G**utta serena Græcè amaurosis vulgò definirī solet perfecta visionis abolitio absquē conspicuâ oculorum labe.

Cum eâ perperam nonnulli confundunt **obscuritatem** visus quam Græci amblyopyam nominant , si quidem in priori casu cæcitas est , & visus aboletur , in posteriori verò simplex oculorum habitudo infertur , & maxima fit visionis imminutio. De his tamen duobus affectibus hic differere operæ pretium est , cum inter se solummodò differant causarum eos inducentium intensione , quæcumque autem de guttâ serenâ dicturi sumus paucis

paucis mutatis ambliopiæ explicandæ accommodari faciliè poterunt.

## D I F F E R E N T I Æ.

Cum amaurosis producatùr modò à solo oculorum vitio independenter à vitio cerebri, aut aliarum partium ab oculis distitarum, modò verò aliorum affectuum symptoma sit, & remotarum partium vitia subsequatur, sequitur eam dividi posse in idiopatycam, & symptomaticam, hanc phrenitidi, febribus ardentibus, menstruorum suppressioni &c. supervenire, illam verò absque ullo prævio morbo invadere notum est.

Rursus prout ejus causâ subito agit, vel pedetentim subitanèamque, vel gradariam, ac successivam cæcitatem excitat, alia extemporanea, alia gradaria dici posset.

## C A U S Æ.

Sequitur ex definitione superius allatâ, imò & hâc de re Authores inter se unanimiter consentiunt nullum esse oculi vitium in amaurosi, proindèque vulgò creditur nec immeritò hunc morbum nervorum opticorum paralysem pro causâ agnoscere quæ prout perfecta est vel imperfecta visionem vel omninò inhibet, vel notabiliter tantum imminuit, undè vel amaurosim, vel ambliopiam accersit, causas ergò omnes guttæ serenæ ex illis quæ nervorum opticorum paralysem solent inducere eruendas esse quis non videt? indè enim ut ut radii solares humores oculorum pervadant, & retinam feriant. Quoniam ta.

men hæc impar erit transmittendis impressionibus sensiferis ad cerebrum futurum necessario ut objecta visibilia non percipiantur ab animâ quæ non modificatur nisi impressio in organis externis facta ad emporium propagetur, ut docet Physiologia.

Resolvuntur nervi optici cæterorum instar multiplici de causâ, obstructione nimirum compressione, relaxatione, vel tandem sectione. Quælibet igitur nervos opticos obstruere, comprimere, laxare, vel rodere & scindere poterunt, ea omnia guttam serenam remotè producent.

1º. Obstruentur nervi optici à contento liquido spirituofo; nam quamvis liquidum illud quod aëreum credimus tenuissimum sit, ad hunc tamen consistentiæ gradum perducì posse nihil vetat, quo obturetur penitus ductuum nervosorum cavitas, si lymphaticæ plurimæ sanguinis partes ac fibrosæ concretionis capaces cum illo per cerebri colum secerantur; verum ad hoc opus supponendum est vitium quodpiam prævium in glandulis cerebri, quo major pateat via partibus crassioribus & lymphaticis, imò statuendum vitium illud dumtaxat in eis glandulis à quibus fibrillæ nervorum opticorum medullares sobolescent, cum cæteri cæterorum organorum nervi benè se habeant, quod profectò cum difficile perfici possit, causam hanc non impossibilem quidem, sed raram admodum manifestò arguit, talis autem obstructio, vel in glandulis cerebri corticalibus, vel in nervorum origine, vel in eorumdem progressu, aut retinâ ipsâ concipi potest.

2º. Compressio nervorum opticorum plu-

ribus causis adscribi posse videtur nempe 1°. Tumoribus vicinarum partium à cerebro ad retinam usque progrediendo puta steamati, vel nodis variis, aut frigidis tuberculis in durâ matre cranii basim obvestiente, aut in nervorum involucris obortis. 2°. Nimix carotidum turgescentiæ præsertim verò eorum ramorum qui nervis opticis utrinque accumbentes sanguini ad oculos deducendo inserviunt, & trans primum foramen ossi basilari insculptum unâ cum nervo optico trajiciuntur. 3°. Obstructioni, ac distensionì vasorum sanguineorum fibrillis nerveis intertextorum, quâ fibrillarum fasciculus ex quo nervus opticus conflatur ad minus spatium redigitur. 4°. Ossium depressioni, vel exostosis eorundem in basi calvarix, vel in lateribus foraminis optici ex inveteratâ lucythereâ. 5°. Demùm lucis actioni nimix, quâ impingentes ad retinam radii vel membranam hanc adurunt, vel expansivum sanguinis motum ita perturbant, ut inde inflammata retinâ, obliterated nervorum cavitatem, spiritibus viam penitus occludat, sicut iis accidit qui diutius solem conspiciunt, vel qui è loco obscuro dilatata plurimum pupillâ in lucem subito prodeunt, vel qui tabulatorum conspiciendorum foco soli obvio imprudentes sese exponunt. Has causas præ cæteris guttam serenam frequentius excitare persuasum habemus.

3°. Laxantur nervi optici vel in cerebro, vel extrâ cerebrum in suo progressu, aut in retinâ ipsâ, utrobique laxitas repetenda est à redundante sero quo imbuuntur fibrillæ nervæ; & molliores fiunt, minusque aptæ im-

pressionibus sensiferis transmittendis. Exundat autem serum ob lentiores sanguinis & lymphæ circuitum, vel ob diathesim humorum nimis aquosam.

4<sup>o</sup>. Solvuntur nervi optici vel ab instrumentis pungentibus & secantibus, ut ex vulnere accidit, vel ab humoribus corrosivis ut in abscessibus in viciniâ latentibus contingit.

### SIMPTOMATA.

1<sup>o</sup>. Nervorum quorumcumque resolutio, seu Paralysis pro variis causis à quibus oritur, nunc subitò & confestim, nunc verò sensim, & successivè producitur, ut suo loco inferius exponetur dum de morbis capitis internis ad quos hæc affectio vulgò revocari solet idem igitur esto judicium de guttâ serenâ quæ pendet à nervorum opticorum paralyfi, quam nunc subitanè esse nunc verò gradatam ac successivam quotidianâ docemur experientiâ.

2<sup>o</sup>. Si gutta serena gradatim quodam veluti progressu ægrum afficiat, inter initia festuæ, muscæ, puncta quædam nigricantia vel filamenta lanæ carptæ similia per aërem sparsa videbuntur, qualia in glauco mate incipiente oculis obversari supra diximus, ex eo quod non omnes, & singulæ statim nervi optici fibrillæ ex æquo vitientur, sed quædam præ aliis dumtaxat impares fiant solitis objectorum externorum impressionibus ad cerebrum transmittendis.

5<sup>o</sup>. Interim tamen ubi gutta serena aliquandiu invasit, quoniam omnes fibræ nervi optici notabiliter læduntur licet inæqualiter

## DE MORBIS CAPITIS. 525

visio minus rectè perficitur, & ambliopia sive hebetudo visus excitatur, quia deficiente debitâ retinæ tensione, consuetus radiorum visibilium ad eam membranam impingentium motus paulatim retunditur, neque proindè solito more cerebro communicari potest.

4<sup>o</sup>. Sin autem ex adverso gutta serena de repente invaserit, vel si utcumque successivè procedat, intendatur causarum vehementia, perfecta fiet singularum nervi optici fibrillarum paralytis, ut cæcitas omnimoda inducitur, in quâ amaurosim consistere diximus.

5<sup>o</sup>. Deniquè summa pupillæ dilatatio, seu mydriasis guttam serenam comitatur quia mûsculus orbicularis pupillæ constrictor resolvitur, dum fibræ carneæ, ac radiolæ ejusdem pupillæ dilatationi dicatæ suum contractionis nisum exerunt, atque adeò quandò oculus sanus clausus est pupilla manet in eodem statu, nec contrahitur, nec dilatatur.

## DIAGNOSIS.

Amaurosis sola cæcitate posset cum glaucomate inveterato confundi, eam itaque non distingues cæcitate, quæ ab aliis causis produci quam à nervorum opticorum paralyti, sed potius naturali oculorum statu, cum abolitâ visione, undè evidens sit coeteras abesse causas quibus cæcitas induci porest, adeoque visum aboleri ob retinæ vel nervorum opticorum paralytim, quæ nullam conspicuam oculis labem inferre potis est præter mydriasim, seu majorem pupillæ dilatationem: quæ aliundè symptoma est guttæ serenæ pathognomonicum.



Causæ difficilior multò, nec nisi conjecturis tantum innotescunt nimirum ex iis quæ morbum vel comitantur, vel præcesserunt.

## PROGNOSIS.

Uterque morbus (amaurosis & ambliopia) incommodus est & gravis, neutiquam vero per se saltè quoad vitam periculosus.

Ambliopia seu visus obscuritas quæ imperfectam supponit paralysem curari facilius potest guttâ serenâ quæ cæcitate stipatur, quæque proinde paralysem retinæ perfectam agnoscit, hæc si recens sit aut juvenili ætate contingat, si à causâ quâpiam fugaci dependeat, nempe à nimia vasorum plenitudine; si causis externis ortum debeat, putà diuturniori solis conspectui, minus resistit remediis quàm si inveterata fuerit, aut senibus superveniat, vel à causis internis præcipuè verò continuo & pertinaciter agentibus producat, quæ sit ab exostosis, aut tuberculis veneris, extincto ope hydrargirosis viri veneris, feliciter persanatur. Dum uterque oculus prognosis pejor, quàm si unus tantum oculus afficiatur, gradaria magis periculosa subitâ, symptomatica prognosim sequitur morborum à quibus producit.

## CURATIO.

Amaurosis pro variis causis diversam requirit medendi methodum ac.

1°. Quidem si februm continuarum, violentarum comes sit, venæ sectionibus, diaphoreticis, & refrigerantibus indiget, aliisque

quibus auxiliis orgasmus febrilis compeſci po-  
teſt.

2<sup>o</sup>. Si à menſium ſuppreſſione oriatur , ve-  
næ ſectio revulſiva è talo , aperientia , & em-  
menagoga multum profunt , iis enim vacuato  
per conſuetas vias ſanguine , ac depletis ce-  
rebrî vaſis , tollitur retinæ infarctus.

3<sup>o</sup>. Si luem veneream latere maxima ſuſ-  
picio ſit , corpus quam primùm fieri poterit  
unguento mercuriali inungendum , neglectis  
coeteris auxiliis quæ morbum hoc in caſu  
ſæpè exaſperant.

4<sup>o</sup>. Si a cauſis externis dependeat V. G.  
ab inſolatione nimia , vel diuturniori corpo-  
ris cujuſdam lucidi aſpectu , illæ omni arte  
removendæ ſunt , ut remedia deinceps adhi-  
benda feliciùs ſuccedant.

5<sup>o</sup>. Si ob vulnus oculis inflictum nervi op-  
tici ſecti fuerint inſanabilis morbus eſt , to-  
taque therapeia in vulneris curatione con-  
ſiſtit.

6<sup>o</sup>. Si à ruptione vaſorum ſanguiferorum  
nervi optici , videndum nùm turgeant , vaſa  
hæc inæqualitèr , & infarciatur ob ſanguinis  
rareſcentiam nimiam , vel ob ejuſdem craſſi-  
tiem , & lentorem , in primo caſu cura com-  
petit eadem quæ ſolet adhiberi in guttâ ſe-  
renâ febris continuis ſuperveniente , in  
poſteriori verò caſu utendum remediis mox  
proponendis ad nervorum optidorum com-  
preſſionem , aut laxitatem tollendam ido-  
neis.

Ultimò tandem dum gutta ſerenâ pendet à  
laxatis vel compreſſis nervis opticis , quæ  
duæ cauſæ omnium frequentiffimæ ſunt , ſe-  
quenti methodo procedendum.

1<sup>o</sup>. Instituatur victus ratio attenuans & exsiccans, nempe vitetur aer crassus, frigidus, ac nebulosus, utendum alimentis boni succi, & coctu facilibus, exercitia moderata sint, ne quid nimis in somno, & vigiliâ, libera fervetur alvus, vehementes denique animi motus sedulo declinandi.

2<sup>o</sup>. Si adsint signa plethoræ, & calida sit ægri temperies, aut juvenilis ætas, venæ sectione quædam sanguinis quantitas est educenda, scilicet ut depletis vasis humores liberius circulentur, & melius tutiusque agant apta medicamina. Præstat juxta nonnullorum sententiam præ cæteris venam tali aperire ad revellendum sanguinem è capite, aut venam frontis ad derivandum, ita docente SPIGELIO. Secus autem si nulla redundantis sanguinis indicia sint, & frigidum aliundè seu pituitosum sit ægri temperamentum, aut senilis ætas, à phlebotomiâ abstinendum.

3<sup>o</sup>. Præmissâ venæ sectione plus minusvè repetita pro ægri statu, temperamento & ætate, cathartica in usum vocanda sunt ut primæ viæ mudentur cruditatibus si quæ sint, ut sanguis crassus dividatur, & serum luxurians ad intestinales glandulas uberius amandetur. His anteposenda vel saltem admiscenda emetica quæ simplicibus catharticis magis evacuant, & sanguinem potentiùs atterunt, quibus remediis si resistat stomachus, & alimenta malè digeri indicium sit, cardiacis & stomachum roborantibus subindè assumptis opus est ad juvandam ciborum actionem ut nux muschata, cinnamomum, vetus theriaca &c.

4<sup>o</sup>. Corrigenda dein sanguinis crassities

aperientibus & incidentibus initio mitioribus, postea fortioribus quare præscripto cathartico juscula exhibeantur aperientia, postmodum opiata chalibeata & purgans, deinde juscula viperina, ptisana sudorifica, aliaque hujus generis quæ non modò vasorum impedimenta referant sanguinem dividendo, verum etiam eorum laxitatem tollunt, serum luxurians foras evacuando. Ad hæc caput & præsertim oculi exterius irriganda sunt aquis thermalibus quales sunt bellilucanæ quibus humores in nervis opticis hærentes exagitantur, solvantur, serum assumitur, cerebrum roboratur, nervique laxiores exsiccantur, ac pristinum tonum recuperant, eos etiam bibere per triduum quandoque utile est ad primas vias penitus everrendas.

5°. Authores plurimi in praxi exercitatisimi multum hoc in casu conferre asserunt, nec sine fundamento vesicatoria, cauteria, setacea, & cucurbitulas scarificatas occipiti admotas, cum hæc omnia magnam feri copiam educant, quin imò derivatoriâ evacuatione nimium humorum ad oculos affluxum præcavent. pari fere modo agunt masticatoria, herrina, & sternutatoriâ quæ idcirco usurpari debent. His autem omnibus quæ bene multa sunt, præferri debet tabacum imprimis, si æger hujus usui non assuerit, atque vel mandare oportet, vel ejus fumum fistula haurire, vel illius pulverem totis naribus attrahere.

6°. Demum quoad topica varia nempe collyria & suffitus de quibus mentio fit apud Authores verisimile est quanta sit eorum vis vix quidquam posse in guttâ serena, cum nequeant retinæ aut nervis opticis immediate

applicari, totamque interjectam oculi molem pervadere debeant, antequàm ad partem affectam perducantur: præterea docet experientia eorum usum semper irritum esse in morbo quandoque nocivum.

---

## CAPUT II.

### *De morbis aurium.*

**S**icut oculi librorum lectione conferunt ad mentem erudiendam, scientiasque acquirendas, ita & aures sono recipiendo dicatæ mentem instruunt & informant auditis aliorum hominum vocibus, sermone, documentis, quamobrem cum hæc organa eidem operi, velut junctis viribus inserviant non abs erit expositis semel oculorum vitiis, vitia aurium pervestigare, quod quinque sequentibus articulis perficere conabimur.

---

## ARTICULUS I.

### *De surditate & gravi auditu.*

**S**urdos vocat vulgus, non modò eos qui audiendi sensu omninò carent, sed etiam surdaistros qui aures habent hebetiores; præstat tamen utroque maximè distinguere, atque ideò placuit Medicis nec immeritò surditatem, & gravem auditum tanquam duos affectus considerare, interim quoniam uterque

morbus pendet ab iisdem causis intensius, aut debilius agentibus, eandemque remedia expostulat, utrumque idcirco ne semel dicta repetantur in hoc eodem articulo comprehendere juvat.

Surditas itaque propriè dicta est ea auditus abolitio, quâ affecti nullatenus audiunt loquentes tametsi altâ voce clamantes, vel si audiant, prolatas voces non intelligunt, sed inanem quemnam percipiunt sonum, atque confusum, cujus varietates, & differentias distinguere nullomodo possunt. Hæc auditus abolitio *Cophosis* græcè dicitur, per auditum difficilem quem Græci *Barucoyam* vocant, Latini verò gravitatem auditus intelligimus hujus functionis imminutionem maximam in quâ ægri loquentes ægrè audiunt, nec nisi quando vociferantur, vel quando juxta aures ipsos alloquuntur.

## DIFFERENTIÆ.

Cum surditas interdum sit per se à vitiis partium auditus sensui naturaliter excitando fervientium oriundus independenter à morbo quodam prægresso, interdum verò aliorum affectuum symptoma sit putà februm continuarum, malignarum &c. sequitur hanc in idiopathicam & symptomaticam distinguendam. Rursus prout vitium organi à parentibus transmittitur in prolem, vel in utero aut aliquantò post nativitatem infertur, triplex surditas statui potest hæreditaria scilicet, connata, vel adventitia; similes admitti debent differentiæ auditus gravis.

CAUSÆ.

Ut accuratè procedat causarum enumeratio, ac ne labes quædam prætermittatur quæ auditus exercitio nocere possit, videndum imprimis quænam ad auditum naturaliter perficiendum concurrant, eo namque perspecto facillè erit intelligere quæcumque functionem hanc labefactare apta sunt, ejusque exercitium naturale vel minuere, vel penitus cohibere, sicque surditatem, vel auditus gravitatem inducere.

Verùm ad naturale sensus auditus exercitium plura desiderari docet organi ad hoc opus à naturâ dicatæ fabrica insigni constructa artificio atque pluribus machinamentis unâ conspirantibus conflata, nimirum 1<sup>o</sup>. requiritur conveniens partium auris externæ dispositio quâ radii sonori à corpore sonoro emissi congregentur 2<sup>o</sup>. Debita amplitudo meatus auditorii, cujus ratione iidem radii sonori hujus meatus cavitatem permeent, & timpani membranam attingant. 3<sup>o</sup>. Requisita membranæ timpani tensio, quâ motus aëris externi vibratorius alteri aëris in timpani cavitæte collecto communicetur. 4<sup>o</sup>. Proindè præsentia cujusdam aëris in cavitæte timpani quod motum hunc vibratorium recipiat, 5<sup>o</sup>. Communicatio motus aëris interni per fenestram utramque ovalem, & rotundam aëri in variis labyrinthi cavitatibus contento nempe in schallâ superiore, & inferiore cochleæ, vel in ductibus semi-circularibus. 6<sup>o</sup>. Nervorum acousticorum motio. 7<sup>o</sup>. Tandem ejusdem motionis nervis impressæ ad sensorium commune



## DE MORBIS CAPITIS. 111

**mune** propagatio. Hæc si ritè consentiant corporum sonorum impressiones percipi eo modo, quo par est. Sin minùs ex his alterutrum deficiat, auditus sensationem malè exerceri consequens est.

Hinc patet surditatem à multiplici vitio produci posse 1<sup>o</sup>. si pars auris externæ cartilaginea, ac præsertim concha deficiat. 2<sup>o</sup>. Si meatus auditorius obturatus sit, & radiorum sonorum aditum non permittat. 3<sup>o</sup>. Si desit membrana tympani, aut præternaturam læsa sit. 4<sup>o</sup>. Si cavitas tympani aëre non repleatur, sed potius aliquâ aliâ materiâ vibrationem obtundente. 5<sup>o</sup>. Si in utrâque fenestrâ, vel in schalâ superiore aut inferiore cochleæ, vel in ductibus semi-circularibus aliquod obturaculum sit, quod communicationem motus aëri in labyrintho incluso præpediat. 6<sup>o</sup>. Si nervi auditorii suscipiendis radiorum sonorum impressionibus impares sint. 7<sup>o</sup>. deniquè si motis nervis acausticis impressa ad cerebrum propagari nullo modo possit.

Singula autem hæc vitia jam ordine percurramus ut inde surditatis causæ remotæ patefiant, ac. 1<sup>o</sup>. Pars auris cartilaginea vel concha deficiet, vel ex pravâ conformatione, vel ex auriculæ amputatione, quæ duæ causæ rarò admodum contingunt.

2<sup>o</sup>. Meatum auditorium plurima obturare poterunt, & radiis sonoris aditum præcludere, nempe corpora viscida & oleosa præ nimiam crassitie ac visciditate parietibus hujus ductus inhærentium ut V. G. olea varia ad compescendum aurium dolorem in alvearium introducta quibus nonnulli diutius abutuntur, ingressus aquæ, in eundem meatum audito-

rium, ut accidit urinatoribus qui se aquis immergunt, vel iis quorum caput aquis thermalibus irrigatur, similiter infecta aut animalcula quæ aliquandò in aures irrepunt, aliavè id genus, externa corpora, sed præcipuè humor ille sebaceus, & ceruminosus qui naturâ suâ viscidus præ morâ diuturniore, vel crassitie nimia ita parietibus totius alvearii adhærescit, ut viam transeuntibus radiis sonoris penitus occludat. Hic autem humor stagnabit nimium, vel ob ægrorum incuriam qui non utuntur auris scalpio, vel ob frigiditatem nimiam aëris externi, si pars ossea quæ tympano proxima est, tumeat, & exostosis acciatur. Exostoses igitur in parte illius canalos ossæ abortivæ possunt remotè surditatem parere meatum auditorium obturando, potest sanies aut pus in meatu auditorio interno innatum surditatem advocare illum pariter obturando.

3<sup>o</sup>. Causæ omnes quibus poterit laxari membrana tympani surditatem vel auditus gravitatem remotè inferent, quatenus impediant ne motus aëris externi vibratorius interno aëri communicetur. Hæc autem laxitas vel effuso sero in cavitationem tympani internam membranæ hujus faciem subeunti, vel partibus aquæ per meatum auditorium aures ingressis, & extimam ejusdem membranæ superficiem penetrantibus, vel aëri externo humidiori tribuenda est. Quod defectum hujus membranæ, hunc per se surditatem advocare non posse certum est, si quidem experienciâ constat, ruptam fuisse, perforatam, ac discissam in variis animalibus absquè ullo auditus vitio. Non dissimendum tamen remotè quan-

dòque surditatem producere posse cum eâ sublatâ aut discissâ aurium sordes tympani cavitatem adeant, atquè in eâ congeſtæ ſoni propagationem inſubeant, ut jam dicturi ſumus.

40. Ad hoc ut radiorum ſonororum impreſſio ad internam auram tranſmittatur neceſſe eſt ut in tympani cavitare contineatur aer quem innatum vocitant, purus & ab omni inquinamento liber. Ille autem ſordibus inquinabitur duplici potiſſimum de cauſâ 1<sup>o</sup>. Si membrana Tympani deficiat, ſi rupta, ſi pertuſa, aut dilacerata fuerit, tunc enim humor ceruminofus, craſſus & viſcidus ex alveario in Tympani cavitatem migrare poterit eam ſucceſſu temporis oppleturus. 2<sup>o</sup>. Si tuba euſtachiana cujus ope aer externus cum Tympani cavo communicat, & quæ proinde acri innato reſcicendo ſimul, & expurgando deſtinatur, obſtructa fuerit, aut compreſſa, ita ut renovare acrem innatum amplius nequeat, quæcumque ergò Tympani membranam rumpere, dilacerare pertundere, quæcumque pariter acris aditum ad cavitatem Tympani per tubam euſtachianam præpedire poterunt, ea omnia ſurditatem remotè illatura eſſe evidens eſt, Tympani obſtructionem pariendo.

Deficiet membrana Tympani ſi ipſamet inflammata exulceretur, aut in abſceſſum degeneret, vel ſi corrodatur à pure latente in alveario aut cavitare Tympani ob partium vicinarum ulcera, abſceſſus, cariem; ſic ſurditatem prægreſſis aurium doloribus ſupervenire ſolemne eſt, rumpetur & perforabitur vel ab iſdem cauſis enumeratis in aliquâ

tantum membranæ parte agentibus, vel à causâ quâdam externa pnta instrumento acuto in alvearium violenter adacto, vel inflicto vulnere &c. Tandem dilacerabitur vel exterius nempè à pure ut dictum est, vel ab humore ceruminoso acriori, vel interius abs- tagnantibus liquidis in proprio vasorum sinu contentis quæ acredinem contraxerunt.

Tuba Eustachiana obstruetur ab humore quo naturaliter irroratur interna ejus superficies, videlicet si ille humor viscidus evaserit, & à sanguine simili labe inquinato sobolescat. Comprimetur verò si latera hujus ductus, aut partes vicinæ tumeant nimirum si tubæ substantia, posteriores palati partes ejusdem tubæ fini proximæ inflammantur, vel si pars ejus ossea quæ tympanum respicit exostosis patiatur.

Præterea, utcumquæ tuba eustachiana & membrana Tympani benè constituta sint obstruetur tympanum à liquidis in ejus cavitatem præternaturam effusis nempè sanguine, aut pure, si sanguifera ex quibus componitur periostræum totam tympani cavitatem, & ossicula obducens inflammata, & ultra modum dilatata rumpantur, vel si pus in partibus vicinioribus collectum Cystidis apertione diffuens in tympani cavitatem, sibi viam faciat.

5<sup>o</sup>. Ambæ fenestræ ovalis & rotunda quibus patet aditus à tympano ad varias labyrinthi partes occludantur penitus ab iis quæ in tympani cavitatem continentur, quidquid ergo poterit surditatem accersere tympani cavitatem obturando poterit similiter eodem nomine inter surditatis causas remotas annumerari, quatenus fenestras tympani claudet.

Insuper vestibulum canales tres semicirculares, atque scala utraque cochleæ obstrui poterunt ab humoribus extrâ vasa effusis, & acris innati locum occupantibus quemadmodum suprà dictum est de tympano.

69. Nervi acustici suscipiendis radiorum sonorum impressionibus inepti evadent, si Paralitici fiant, adeoque causæ omnes quæ guttam serenam inducere dictum est, nervos opticos labefactando poterunt similiter surditatem inferre laxando, obstruendo, vel premendo, vel secundo nervos auditorios, præsertim verò partem mollem quæ per labyrinthum dispergitur, & quæ potissimum, ac præcipuum auditus est instrumentum, eas igitur hic enumerare supævacaneum foret, sufficiat itaque dixisse causas quibus debetur eorum nervorum laxitas, aut compressio esse frequentiores cæteris quibus iidem nervi aut scinduntur, aut obstruuntur.

Nota obstructionem nervorum acusticorum difficilem esse ut videre est ubi de guttâ serenâ, sectionem verò eorundem omnium difficillimam quia nervus undequaque partibus offeisis cingitur. Neque proinde fieri posse nisi vel à pure, vel à sanie quod rarum est.

70. Demùm quamvis motus objectorum sonorum vibratorius, organo auditus benè constituto imprimatur, nulla tamen vel levis sonorum ideâ excitabitur; si motus ille vel non propagetur ad sensorium commune, vel plurimum obtundatur, ut patet ex notâ sensationem externarum naturâ, talis autem motus communicationem præpedient, vel notabiliter imminuent nervorum acusticorum in cerebro vitia nempe major, aut minor eq-

rum laxitas, obstructio, compressio in origine, vel in prægressu, sic apoplectici, epileptici surdi sunt, sic pariter comatosi, carotici, lethargici, aliique barucoyâ afficiuntur. Verum hanc auditus privationem, vel imminutionem quæ secum adjuncta habet aliorum sensuum tum externorum, tum internorum vitia surditatis nomine appellare non solet medicorum vulgus, sed illam dumtaxat, quæ à partium auditus organum afficientium vitio dependet, qua propter ea vitia, eorumque causas remotas de industriâ prætermittimus, quæ quidem aliundè erui poterunt ex soporosis affectuum æthiologia.

### SIMPTOMATA.

1<sup>o</sup>. Surditas interdum continua est, interdum per intervalla crescit, & decrescit, prout ejus causâ continuo præsens est, vel sub indè intenditur, aut remittitur, prius accidit quando surditas à pravâ organi conformatione, vel à tumore quopiam, vel ab accustici nervi resolutione, aut consimili aliâ causâ continuo agente. Posterius verò quando pendet à laxitate membranæ tympani, aut quâlibet aliâ causâ fugaci quæ desinere, ac denuò recurrere apta est, pro diverso vitæ regimine, variâ cæli temperiè humidiores, aut sicciores &c. sic surdos tempestas serenâ, & siccâ exquiritus, austrinâ verò ac nebulosâ obtusius audire compertum est.

2<sup>o</sup>. In omni surditate, à quâcumque causâ pendeat turbato sanguinis, humoris ceruminosi, aliorumvè liquorum aures irrorantium circuitu lærent ea liquida in suis concepta-

culis , proindèque vasorum tunicæ præter naturam distenduntur , & molestam sensationem excitant , nihil mirum ergò si surditas dolore aurium stipetur nunc gravativo, & obscuro , si liquida lentè aggerantur & minori copiâ , nunc verò pungitivo , & acuto , si eadem liquida ubertim congesta magnam & subitanèam vim vasorum tunicis inferant, quâ distractos violenter nervos acousticos dolorificum in animâ sensum parituros esse consequens est. Rursus alteruter ille dolor vel in partibus externis aurium , vel internis percipitur , prout diversæ illæ partes dolorificè distrahuntur, dolorem autem sæpè surditatem præcedere , ejusque causam esse cuilibet notum est.

3<sup>o</sup>. Surditas non numquàm fit ab inflammatione aurium , vel eandem accersit , ut ut res se habeat , quoniam inflammatis auribus , membranâ tympani V. G. inflammatione affectâ , vasâ illius arteriosa fortiter simul & inæqualiter pulsant , futurum necessario ut commoto aëre in tympani , aut labyrinthi cavitate contento , falsa excitetur soni perceptio ad partem auris internam referenda , quæ tinnitus aurium solet appellari.

4<sup>o</sup> Surdi à natiuitate muti sunt & elingues, non quod ut aliquibus placet , affectis auribus , organa loquelæ inservientia afficiantur , ob sympathiam nervorum quintæ conjugationis qui tum per aures , tum per linguam disseminantur. Omnes enim surdi etiam ex adventitiâ causâ deberent eâ ratione obmutescere , sed potiori jure quia cum nequeant voces singulis rebus arbitrio hominum alligatas ediscere , easdem articulatim , distinctèque pronunciare minimè possunt , sed so-



lūm gestu, nutuque ideas suas aliis commu-  
nicant.

5<sup>a</sup>. Demūm quoniam ex consuetudine lo-  
quendi promptior est linguæ motus ad diver-  
sas voces proferendas, sequitur ratione op-  
positâ fore ut surdi etiam ex adventitiâ causâ  
ob loquendi insolentiam, voces obliviscan-  
tur, & ad loquendum tardi successu tempo-  
ris stupidi, ac penè elingues evadant.

## DIAGNOSIS;

Surditas ex relatu ægrorum, & modo quo  
ad interrogata respondent, evidens est, idio-  
pathicam à symptomaticâ facile erit distin-  
guere ex iis quæ præcesserunt, an hæredi-  
taria sit, vel connata, vel adventitia ab as-  
tantibus, vel à parentibus per cunctandum.

Verūm non ità facile hujus morbi causæ  
innotescunt, cū etenim multà ad auditus  
exercitium machinamenta concurrant, quorum  
pars magna in thecâ ossæâ reconditur, sequi-  
tur surditatis causas non modò multiplices  
esse, sed valdè obscuras, nec nisi conjecturis  
admodum dubiis obtineri posse, si auriculæ  
externæ amputationem excipias, vel alvearii  
obstructionem à causâ aliquâ externâ, &  
manifestâ, illas tamen divinari operæ pretium  
est, ut convenientia præsidia adhibeantur.

10. Itaque vitium meatus auditorii judica-  
tur si extraneum aliquod corpus in concham  
irrepsisse asserat æger, si tumor in parte au-  
ris externâ appareat; si dolor ad exteriora  
referatur, si demūm materia quædam crassa,  
viscida, sanguinea, ichorosa, aut purulenta  
jugiter ex alveario exterius profluat. Præser-

im verò si topica remedia feliciter successe-  
rint, quæ quidem ultima conjectura nullum  
arguit in interiore organo vitium. Similiter  
membranam tympani ruptam discissam, vel  
laxatam fuisse probabiliter colligitur ex signis  
inflammationis, ulceris, ruptis abscessis, vel  
ex eo quod causa aliqua externa præcesserit  
puta aquæi latius introductio, vulnus, so-  
nus vehementior, qualis est fragor à tormento  
bellico excitatus, &c.

2<sup>o</sup>. Mediam aurem, vel internam affici  
significant tum dolor internus aurium sine tu-  
more ullo conspicuo, tum absentia signorum  
quæ auris externæ labem demonstrant.

3<sup>o</sup>. Vitiatum cerebrum surditatem produ-  
cere non levis est suspicio, ex eo quod tunc  
ille affectus vel cum aliorum sensuum læsio-  
ne conjungatur, vel prægresso alicui morbo  
supervenerit.

4<sup>o</sup>. Sanguinem causam esse surditatis ex  
dolor aurium acutissimo, frigidum aliquem  
humorem V. G. lympham, serum effusum,  
aut cerumen ex tumore frigido & absentia  
doloris: pus denique ex prægressis inflamma-  
tionis signis conjicere licet.

5<sup>o</sup>. Tandem vitiosam aurium conforma-  
tionem in culpâ declarat vitium parentum  
hæreditarium.

## PROGNOSIS.

Surditas vitæ societati maximè noxia est,  
& summam affert ægris molestiam, quia cum  
nequeant aliorum scire consilia, neque ipsis  
sua aperire, tristes, morosi, inquieti fiunt,  
imò si surdi omnino sint, rerum voces penitus  
obliti, loquendi usum amittunt. Hinc surdi-

tas gravis & molestus est morbus, difficilèquè sanabilis.

Gravitas verò auditus non ità curatu difficilis est, ob minorem causæ morbificæ vehementiam. Hanc tamen quandoquè in surditatem abire experientia docet, auctâ causæ efficaciam præsertim si initio negligatur, vel intrâ breve temporis spatium non resolvatur.

Idiopathica & symptomatica variam habent Prognosim pro diversis circumstantiis; nam  
1<sup>o</sup>. Idiopathica surditas si continua, inveterata, congenita, vel hæreditaria fuerit insanabilis censetur, secùs verò si recens sit, adventitia, vel subindè desinat & recurrat, remediis aliquandò cedit.

2<sup>o</sup>. Symptomatica pariter nunc sublato morbo primario à quo pendet, tollitur, sic sæpè numero observamus surditatem vel gravitatem auditus, febribus continuis, aut malignis supervenientem remittente febre sensim decrescere, ac tandem eâ cessante curari, atquè hinc est quod plerumque salutaris sit, & boni ominis, quoniam humores ab internis partibus ad externas metastasi delati interiora capitis ab infarctu liberant; nunc verò contumax est, & remediis major quod vitium cerebri consequatur, & nervi acoustici, ob similem metastasim, resolutionem promoveat, quæ resolutio, seu paralyxis nulli cedit therapie, atquè indè est, cur surditas à vitio cerebri oriunda difficilius curam admittat eâ quæ aurium vitio dependet, sed potius medicamentorum omnium actionem constantè eludet. Utraque tùm symptomatica, tùm idiopathica gravior est, vel levior

proût à variis causis producitur. Sic surditas quæ à causâ externâ fit , putâ ab insectorum illapsu , humoris ceruminosi crassitie &c. Curatur facilius eâ quo causâ internam agnoscit , major quoque spes est curationis , si auris externa , quam si interna , vel media auris afficiatur. Deniquè inter causas etiam internas aliæ aliis sunt vehementiores , sic ulcus , vel abscessus in internâ , vel mediâ aure latitans difficilius curatur quam Tympani laxitas præternaturalis , quæ ab exortosi oritur , vel lymphæ vitio à syphillitide contracto , adhibitâ hidrargiosi discutitur.

## C U R A T I O .

Varianda surditatis therapeia tùm pro varietate causarum à quibus pendet , tùm pro variâ sede causæ morbificæ , atque idcirco attendat Medicus ad ea quæ surditatem præcesserunt , ægrum interroget ut probè morbi causam detegat , quâ semel cognitâ , vel malum immedicabile pronunciare , vel debita possit asserre præsidia , quibus vel ægritudo persanetur , vel saltèm ejus progressus præcaveatur.

1<sup>o</sup>. Itaque si interna vel media auris afficiatur sola profunt interna medicamina quæ causis variis debellandis convenient , at verò externâ aure affectâ topica feliciter quandoquè adhibentur.

2<sup>o</sup>. Si surditas à vitio cerebri pendeat & illius symptoma sit , cerebro occurrendum est remediis proponendis dum de internis capitis affectibus.

3<sup>o</sup>. si vitiosa sit aurium conformatio & sur-

ditas congenita, vel hæreditaria, nullis opus est medicamentis in quibus præscribendis oleum, & operam perderes.

4°. Si luem veneream in causâ esse, & surditatem vel ab exostosis, vel à vitiosâ lymphæ crassitie oriri suspicio sit, corpus frictionibus mercurialibus solitâ methodo inungendum.

5°. Si à tumore quopiam duro & frigido surditas producat, tum topicis resolvendus erit tumor, si externus sit, tum internis remediis nempè aperientibus, & sanguinem dividantibus prava humorum diathesis corrigenda.

6°. Sin autem tumor calidus sit & inflammatorius præscribenda erunt ea omnia quæ dolori aurium de quibus infra dicturi sumus.

7°. Si ab effluente pure vel intrâ aurem latente fiat surditas proderunt ea quæ infra quoquè de aurium ulcere & abscessu proponemus.

8°. Si ruptura membranæ tympani, vel ejusdem defectus surditatis causâ sit malum immedicabile est, quia vix ac ne vix quidem sanari possunt, nec quidpiam apponi quod hujus membranæ vicem suppleat, & tympani obstructionem præcaveat; verum si laxata tantum sit, præmissâ diætâ exsiccante, & internâ therapeiâ topicis solventibus utendum est, qualia sunt imprimis balzamu sulphuris cum spiritu vini mixtum, vel tinctura myrrhæ quorum guttæ aliquot vel auribus instillandæ, vel imbibendæ gossipio, quod dein in alvearii cavum immitti debet.

9°. Surditas à nervorum acousticorum à paralyfi topica nulla, sed eandem prorsus  
exigit

exigit curandi methodum, ac cæteræ paralyseos species, proindeque repetita cathartica, vel cathartica emetica, juscula aperientia, ptisanæ ex plantis cephalicis, juscula viperina, opiata chalibeata, aquæ thermæ, ptisana sudorifica & exsiccans, aliaque hujus generis mirè competunt.

10°. Si surditas oriatur ab obstructionibus alvearii, videndum statim quænam sit causa obstruens, nam si quid immixtum fuerit in aurem, arte quàm primùm fieri potest eximendum est, nempe vel auriscalpio, vel suctione, vel forcipe; si insecta in aure irrepserint ea vel extrorsum allicienda sunt dulcibus, aliisque quibus oblectantur, vel enecanda ingratissimis, seu acerbis & amaris; si aqua illapsa fuerit, æger inclinato capite supra aurem affectam aliquandiu decumbat ut illa pondere, & fluiditatis motu excludatur, viâ ex hoc situ procliviori facta. Si denique obstructatur alvearium à nimia ceruminosi humoris visciditate, subindè tergenda auris cavitas specillo auriculario, ne viscidus ille humor diuturniori morâ adhuc crassior & viscidior evadat, imò potius emollientibus & diluentibus topicis in aurem inductis attenuandus, nempe lacte muliebri, aquis thermalibus, aquâ fraxini &c. Ac tandem si adsint signa crassæ sanguinis constitutionis, internis medicamentis ad sanguinem dividendum idoneis uti expedit.

Verùm cum omnis ferè surditas humorum hærentiam, atque collectionem in vasis aurium supponat, sequitur in quâcumque surditatis specie habendam esse rationem status sanguinis, ægrorum temperamenti, sympto-

matum, & causæ morbificæ, nam.

1<sup>o</sup>. Si adsit Plethora, si febris accendatur; si temperies ægri calida sit, si urgeat dolor intensus qui sanguinis hærentiam, aut inflammationem significat venam secare oportet semel aut pluries pro rei exigentiâ, ut inde depletis vasis non modò liberior reddatur erioris circuitus, sed etiam cætera medicamenta deinceps adhibenda feliciùs succedant, æstus humorum victu refrigeranti & diluentibus attemperandus, dolor narcoticis compescendus, imò si ad exteriora vergeat, cataplasmata anodina, & emollentia conveniunt, ut cataplasmata de micâ panis, vel ex pulpâ radiorum altheæ & ciliorum, oleo liliorum &c. oleum amigdalorum dulcium vel seminum papaveris expressione eductum & similia quæ meatui auditorio laxando paria sunt, deindè mitigato dolore purgantia lenia præscribantur, & causâ surditatem antecedens removeatur.

2<sup>o</sup>. Secùs verò si æger temperamenti frigidi sit, & pituitosi, si nullum dolorem sentiat, ac tandem si causa morbi frigida sit, qualis plerumque observatur præsertim in iis qui fluxionibus obnoxii sunt, tunc omisâ venæ sectione purgantia sæpè repetita profunt tum ad vasa deplenda ut jam suprà dictum est, tum ut derivatione ad alias partes factâ humores minùs confluant ad aures easque minùs oppleant, tum demùm ut saburra primarum viarum quæ morbum fovere potest, foras everratur.

Purgato corpore ad aperientia confugiendum est quæ nativam sanguini fluxitatem restituendo, valent crasim humorum vitiatam corrigere, & impedimenta aurium referare.



hic autem ea recensere supervacaneum est.

Victus ratio quæ in priori casu debet esse refrigerans & diluens, nunc instituatur calefaciens, attenuans, & exsiccans: abstinendum sedulò à cibis crassis, & coctu difficilibus; vitetur ac frigidus, ventus imprimis pluviosus, adeoque aures adversus aëris injurias muniantur.

Quoniam verò surditatem quandòque per se & absque remediis brevi evanescere certum est, sponte motâ peculiari aliquâ evacuatione, idcirco practici naturæ documentis edocti sternatatoria, masticatoria, & cauteria, nec non vesicetori summopere commendant quatenus evacuant magnam serî quantitatem: cæteris autem paribus masticatoria, dum pendet surditas à tubæ eustacianæ vitio, quia tum os validè irritando, & sympathicum spiritum fluxum promovendo: tum verò partibus suis acribus summè volatilibus textum humorum in hâc tubâ hærentium penetrando eos concidere, tumoresque indè enatos discutere apta sunt.

Aquæ thermæ quibus caput irrigatur maximè proficuæ sunt, iis non modò resolvuntur tumores externi si qui sint, & sanguis per exteriora capitis circulans fluxilior redditur, sed præterea insensibilis transpiratio juvatur, quæ sæpè suppressa fluxiones varias & præsertim aurium inducere potis est ut desidiosus evenit, qui depectendis capillis parum solliciti sordidum habent capillitium, & furfuribus squalidum. interim tamen eas surditati nocere experientia docet, nimirum si illa sit inveterata, si à causâ calidâ dependeat, & præcipuè si ægri post factam capitis lotio-

nem frigidus aëri sese imprudentes exponat.

Topica quod spectat ea nullius ferè momenti sunt, quando surditas ab auris internæ vitio producitur, verum ubi vitatur auris externa, non negligenda, plurima autem inferri solent inter quæ præcipua sunt olea varia amygdalarum dulcium, amararum, nucleorum ceraforum, persicorum, rutæ, salviæ, majoranæ, rosmarini, baccarum lauri, nardi, cinnamomi, caryophyllorum, & fella variorum animalium, perdicum, tanri, leporis &c. moschum sanguis lupi junioris, succus hæderæ, veratrum album in spiritu vini infusum, ova [ ita asserit ZECHIUS citante RIVERO, formicarum, castoreum, & similia, item decocta herbarum rutæ, salviæ, lavendulæ, pulegii, origani, majoranæ, &c. quæ omnia seorsim spectata topica, vel instillanda auribus, vel per infundibulum sub formâ vaporis excipienda sunt, vel spongiant gossipio iis imbuto in alvearium immittenda.

Triplex autem in topicorum medicamentorum usu cautio adhibenda est. 1<sup>o</sup>. Scilicet ut quidquid in aurem infunditur semper antequam tepescat, ne frigore suâ cerumen inspissando alvearium obstruat. 2<sup>o</sup>. Ut subinde aures abstergantur ne oleosæ topicorum partes alvearii parietibus tenaciter inhærendo ejus viam occludant, & surditatem augeant, quem in finem paucâ quantitate immittenda sunt, imò ipsis spirituosæ admiscenda quorum partes tenuissimæ sunt minus tenaces, & altius penetrant. 3<sup>o</sup>. Ut aure topico repletæ gossipium muschatum superaddatur, quod topicum inclusum intus contineat.

## ARTICULUS II.

*De Sonitu Aurium*

**P**Er sonitum aurium vulgò intelligitur molestæ & importunæ soni alicujus sensatio absque ullâ objectorum sonorum impressione auribus illatæ, Græcis echos, Latinis verò sonitas, sibilus tinnitus aurium, vel à quibusdani abauditis vocari solet.

## DIFFERENTIÆ.

Triplex autem afferri potest sonitus aurium differentia à partibus affectis, sonitus duratione, & percepti soni diversitate repetenda.

1<sup>a</sup>. A parte affectâ quandoque enim tinnitus aurium prægressum aliquem morbum consequitur puta febrem cephalalgiam, hæmorrhagiam, quandoque verò à solo auri vicio producitur prior symptomaticus est, posterior idiopathicus.

2<sup>a</sup>. A continuitatis duratione alius est continuus, alius intermittens, interdum enim per dies aliquot, imò per menses & annos continentes durat, interdum verò subito oritur, & subito cessat, & subindè per intervalla recurrit.

3<sup>a</sup>. Denique à percepto sono nam prout excitatus inrâ aurem sonus, nunc defluentis aquæ susurrum refert, nunc murmurantis maris fremitum, nunc catapultæ, tympani,

aut collebentis domus fragorem, nunc acutum tintinabuli sonum, nunc venti reboantis sibilum, sonitus, strepitus, sibilus, vel tinnitus aurium appellari potest.

## C A U S Æ.

Constat ex notæ auditus sensationis naturâ motum vibratorium aëris externi à corpore aliquo sonoro emissi ideò præcisè sonos in animâ excitare, quod nervos acousticos per labyrintheos aurium plexus quatiat, & consequente spiritus aëreos in cerebrum repeilat, quorum nixui, & renixui sensationes deberi demonstravimus dissertatione in lucem editâ de sensationibus externis, ad hunc autem nixum & renixum spirituum quatuor potissimum desiderari certum est in auditu sensatione nimirum 1<sup>o</sup>. ut radii sonori in tympani membranam sufficienti vi impingant, eamque percutiendo flectant. 2<sup>o</sup>. Ut flexa membrana tympani aërem internum in ejus cavo reconditum commoveat, similemque ipsi motum vibratorium impertiar. 3<sup>o</sup>. Ut susceptus aëris tympani motus ad innatum labyrinthi spiritum transmittatur. 4<sup>o</sup>. Ut motio ab aëre labyrintheo nervis auditoriis impressa ad cerebri fibras propagetur spirituum refluxu superatâ influentium contranitentia. Sonitum itaque aurium vel ex quatuor illis causis, vel ex harum alter-utrâ deducendum evidens est.

Quoniam verò morbosus aurium sonitus fit independenter ab ullâ objectorum sonorum impressione [ aures enim intrâ se ipsas sonant, neque exauditum ab ægis sonum cæteri astantium percipiunt ] planum est radios sono-

ros ab objectis emissos morboſo ſonitui exci-  
tando nullatenus concurrere, ſuperest ergo  
ut ſtatuamus vel cauſam aliquam latere in  
auribus, quæ motus vibratorii vicem ſup-  
pleat, & à quâ connatus tympani & laby-  
rinthi aër commoveatur, vel ſuccuti à cauſâ  
aliquâ pariter intus latente nervos acouſticos  
in cerebro pñri vehementiâ quâ ſuccuterentur  
ſi objecta ſonora aures ferirent.

Nihil autem poteſt commovere aërem in  
tympano, labyrintho, aut in utroque con-  
cluſum, vel nervos acouſticos ſuccutere in  
cerebro præter vehementiorem ſolito oſcilla-  
torium motum arteriarum quibus conſtat  
membrana tympani, perioſteum tympani cā-  
vitatem & oſticula obducens, membranæ  
veſtibus, canales ſemicirculares, & co-  
chleam interius obveſtiens, ac denique nervi  
ipſimet auditorii, nam 1<sup>o</sup>. Ut cumque inclu-  
ſus aër motu fluiditatis continuo agitatus,  
motus ille excitando ſono non ſufficit, alio-  
quin continuus eſſet aurium ſonitus neque  
2<sup>o</sup>. Pus vel ſanies efferveſcentiâ ſuâ ut non-  
nullis placuit, id præſtare poſſunt, quando-  
quidem aures obturando, vel nervos compri-  
mendo ſurditatem potiùs inferrent. 3<sup>o</sup>. deni-  
que neque à vaporibus, aut flatibus in aure  
genitis, vel à diverſis partibus ad aurem  
transmiſſis hæc aëris commotio, nervorumvè  
ſuccuſſio oriri poteſt, ut antiquioribus viſum  
eſt, cum nec vapores nec flatuſ in auribus  
generari, nec ab ſtomacho, liene, hepate,  
cerebro, aliſque viſceribus ſuſum, deorſum  
ad aures transferri nequaquam poſſe antopſiâ  
anatomicâ demonſtretur: igitur concluden-  
dum ſoli validiori arteriarum oſcillationi t.i-

buendam esse illam aëris aut nervorum acousti-  
corum succussionem comparem succussioni  
illi quæ fieret ab impingentibus radiis sono-  
ris, proindeque haud abssimili planè modò  
fieri morbosum aurium sonitum quo objecto-  
rum nutantium representatio in vertigine,  
quam fortiori arteriarum retinæ vibrationi  
adscribendam esse docet hujus affectus æthio-  
logia. Quidquid itaque poterit validiorem ar-  
teriarum prædictarum partium pulsatione  
producere, poterit id omne innatum aërem  
impetendo, vel nervos acousticos quatiendo  
morbosum aurium sonitum ciere, absque ullâ  
sonorum objectorum imprellione auribus il-  
latâ.

Verùm arteriæ validiùs solitò pulsare ne-  
queunt, nisi sanguine plus æquo infarciantur,  
quod fit duplici de causâ, tum auctâ san-  
guinis quantitatè quæ in prædictas arterias  
irruit, tum præpeditò motu sanguinis qui  
ab iisdem arteriis regreditur.

Augetur copia sanguinis ad prædictas par-  
tes impulsæ 1<sup>o</sup>. si ipse uberiùs affluat ad par-  
tes superiores, sic se res habet in vomitu ve-  
hementi ob violentam musculorum contrac-  
tionem, quâ expressus cruor ad interiora tru-  
ditur, præsertim verò ad caput, vel ex ru-  
bore faciei vomitus tempore manifestum fit.

2<sup>o</sup>. Si sanguinis via per collaterales vicinas-  
que arterias præclusa sit, sic inflammatis par-  
tibus aurium vicinis, nempe tonsillis, pa-  
rotidibus, faucibus &c. sanguis ad aures di-  
vertitur, easque pariter inflammatione cor-  
ripit. Sic quoque constrictis faucibus in af-  
fectu hysterico sanguis ad aures derivatur: sic  
demum infarcto in epilepsiâ cerebro sanguis

per cæteros collaterares carotidum ramos ad aures impellitur, vel nervos ipsosmet acousticos in cerebro opplet, atque hinc est quod redeuntes ad se epileptici tinnitum in auribus percipiant, aut vice versa, cur sæpè idem aurium tinnitus epilepsiam antecedit, & præfagiât.

3°. Si suppressa fuerit quædam evacuatio notabilis, tunc enim redundans humor sanguinis ad caput delati copiam non parum auget; undè oppletæ arteriæ membranæ tympani, aut aliarum enumeratorum auris partium fortiter pulsare debent. Si retentâ insensibili transpiratione ex frigore præposterè suscepto, quandoque tinnitum aurium supervenire compertum est.

Regressus sanguinis ab auribus inhibetur multiplici ratione, videlicet, si venæ per quas ille revehitur obstruantur à sanguine quem ipsæ continent crassiori, & viscidiori, ut in affectione hypocondriacâ struimus &c. vel nimium & inæqualiter æstuante, ut in februm paroxymis, aut exacerbationibus.

Sanguinem spissiores reddunt & crassiores ingluvies acida, aeris externi frigiditas, sommolentia, vita deses & sedentaria, mæror, viru venereum, strumosum, aliaque.

Eundem verò sanguinem ferveraciunt cibi acres, purgantia mochilica, aer æstivus & calidior, immoderata exercicia, vigiliæ diu protractæ, suppressa aliqua evacuatio, vehementia animi pathemata, ut ira gaudium, & similia ex sex rebus non naturalibus deprompta. Hæc ergò omnia quateribus obstructioni arteriarum ansam præbent, atque fortiores earum pulsationes promovent pro causis tinnitus remotis habenda sunt.



Huic vênarum infarctui plurimum conferrunt nativa vel adventitia partium laxitas, vel angustia, sic ii quibus prava aurium dispositio congenita est vel hæreditaria præ cæteris tinnitu aurium afficiuntur. Sic pariter convalescentes, vel hæmorrogiam passi quibus inanita vasa sunt, & vires exhaustæ dum surgunt è lecto, & membra contrahant, sonitum percipiunt intra aures, quia laxata & angustata membrana tympani, cæterarumque partium ad aures pertingentium vasa sanguifera ab irruente sanguine ingurgitantur.

2<sup>o</sup>. Comprimuntur à causis internis & externis, internæ sunt 1<sup>o</sup>. Tumores aurium calidi aut frigidi, sic sæpè tinnitus comes est aurium doloris qui ab inflammatione oritur, sic quoque obstructis in surditate & gravi auditu aurium lymphæ ductibus vasa sanguinea comprimuntur, & surditas cum tinnitu complicatur. 2<sup>o</sup>. Ulcera ex prægressâ inflammatione, vel abscessu rupto intra aures enata quorum labia op callescunt, sic diuturniori puris per aures effluxu tinnitus aurium, ac tandem surditas succedit. 3<sup>o</sup>. Exostosis ossium auditus organi viru venereo inducta.

Inter causas externas compressionis recenseri debent ictus capitis vehemens, valida percussio circâ aures ex impuctâ alapâ, ingens aliquis fragor, qualis est tonitru, tormenti bellici &c. quæ quidem vehementi aeris allisu in membranam tympani eam ultra tonum extendunt, & itâ laxant, ut deinceps sanguis in illâ hæreat, & fortiores illius dilatationes ciear.

3<sup>o</sup>. Tandem venæ sanguini ab auribus revchendo dicatæ constringuntur convulsivâ si-

brarum tendinearum quibus multipliciter intersecantur crispaturâ ortâ ex influxu aliquo spirituum sympathico qualem advocant causæ irritantes ut materia purulenta, aut saniosa ex ulcere dimanans, infecta in alvearium introducta tympani membranam fodicantia, humoris quo tympani & labyrinthi cavitas irrigatur acrimonia.

Quæ autem dicta sunt hætenus non debent intelligi de omni validiori arteriarum pulsatione, secus enim in omni febre in quâ arteriæ pulsant validius, tinnirent aures quod est præter experientiam, sed tantum de pulsatione illâ quæ ab infarctis arteriis pendet, & cujus ope sublato inter vasa sanguinea & nervea æquilibrium, hæc ab illis angustantur, proindeque superatâ spirituum influentium resistentiâ refluxus promovetur ad cerebrum: imò motus quem pulsantes arteriæ nervis auditoris imprimunt, tum vehementiâ æqualis, tum celeritate supponendus est motui quem radii sonori ab objectis emissii iisdem nervis communicant, ad varios sonos excitandos.

Præter causas jam enumeratas duo tinnitum aurium advocare poterunt, nempe primum motus acris in tympano reclusi adauctus, tum deinde exquisitior sensus, seu tensio solito major organi auditorii absque ullâ suppositâ vehementi arteriarum dilatatione.

10. Intendetur motus innatus acris si tuba eustachiana obstructa sit, nullaque pateat via ad quam ille possit se recipere dum ab oscillationibus membranæ tympani, & periostei arteriis succutitur. Tunc enim vis succussi aeris in tympano coerciti quæ tota mo-

veudo acri labyrintheo impenditur sufficiet ad pulsantes alicujus corporis sensationem excitandam, atquè hinc est quod multiplicatâ radiorum sonorum reflexione, proindeque adaucto eorum impetu bombum aliquem intrâ aures percipiamus ut accidit quandò cochlea seu concava manus auri externæ admovetur.

2<sup>o</sup>. Similiter si organa ad auditum concurrentia magis tendantur, & exquisitiùs sentiant planum est sonori alicujus corporis sensum inducendum fore sine adauctâ arteriarum vibratione, quemadmodùm etenim partes inflammatæ à corporibus etiam leviter impingentibus dolorificè sentiunt, ità & quoque membrana tympani, & nervi acoustici majori tensione prædita & inflammata, vel à moderato sono vehementer succutiuntur, undè sonus dolorificus futurus est, imò forsàn à sola innati acris motione sufficiens fiet succussio si non ad auctum saltem, ad obscurum aliquem sonum intrâ aures excitandum.

## SIMPTOMATA.

10. Ex jam dictis evincitur sive vasa sanguinea in tympani membranâ, sive in aure mediâ, sive in internâ aure, sive demùm in nervorum auditoriorum progressu, vel origine affecta fuerint perindè esse ad sonitum efficiendum: namque ex pulsatione illâ arteriarum vehementiori idem sequitur spirituum motus in cerebro qualis contingeret ab emissis radiis sonoris ad aures allidentibus, undè pulsantis alicujus corporis perceptio nascitur.

2<sup>o</sup>. Sonitus non ad objecta externa sed ad  
aurem

aurem refertur, vel quia editus in aure sonus diversus est à sono ab externis corporibus excitari solito, vel quia corpora externa tunc temporis nullatenus sonare aliunde notum est nempè cæterorum astantium relatu qui se talem sonum non audire asseverant, undè non secus ac vertiginosi objectorum nutantium perceptioni non assentiuntur, sed potius illius vitium corrigunt reflectendo objecta quæ nutantia apparent esse immota, ità & sonitu laborantes cum probè sciant nulla ex circumvicinis corporibus sonum edere causam hujus perceptionis non ad objecta externa, sed ad auditus organum refundunt vi reflexionis quâ rem ità esse judicant.

3<sup>o</sup>. Quoniam causâ tinnitus aurium nunc continuo præsens est; & continenter agit, nunc vicibus interpolatis discutitur, & recurrit, sequitur nunc continuum fore tinnitum pro diversâ causæ naturâ sic V. G. Fernelius cum ulcus ab inflammatione vel abscessu multo pure manavit, nisi id coalescat, perpetuum sonitum, aut strepitum relinquit, ob callorum ulceri supervenientium pertinaciam. Ex adverso in febribus intermittentibus, vel exacerbantibus sonitus Paroxysmi aut exacerbationis tempore excitatus, cessante orgasmo cessat, & deinceps recurrente recurrit quia in priori casu perstat obex in vasis sanguiferis: in posteriori verò per intervalla discutitur, & generatur.

4<sup>o</sup>. Hæc arteriarum vibratio ut varia est, & acrem variè impellit, aut nervos acousticos variè succutit, ità & varios sonitus edit, scilicet prout illæ arteriæ magis minus-vè pulsant, celerius-vè, aut tardius innumeri pro-

pemodum sonorum modi emergunt, qui sequuntur diversos pulsationum vehementiæ aut celeritatis gradus eorumque rationem compositam.

5°. Infarctus arteriarum nunc levis est, & à causâ sensim agente dependet: nunc vero notabilis & causam vim subitaneam inferentem agnoscit. Si primum sonitus nullo dolore stipatur, quia nulla aut minima admodum fiet fibrillarum nervearum distractio. Si secundum aderit dolor quia vasorum fibrillæ ita distraherentur à collecto sanguine, ut immineat solutionis periculum, in quo doloris ratio sita est, ille autem dolor erit pulsatorius; quoniam singulis cordis contractionibus seu arteriæ pulsibus sanguis de novo, appellens novam infert vasorum parietibus distractionem.

6°. Crescente arteriarum infarctu, earumque expansione, vel ipsæmet disrumpuntur, vel sanguis ad vasa vicina collateralia derivans ea opplet, ac tandem perrumpit, quoquo modo res accadat, sanguinem effundendum esse consequens est, unde si sedes morbi sit in membranâ tympani ruptis illius vasis sanguiferis quâ parte alveario prospiciunt, aurium hæmorrhagia subsequitur.

7°. Demum cum surditas & gravis auditus ut dictum est præcedente articulo, ut plurimum oriantur à turbato sanguinis per aures circuitu, planum est sonitum aurium in quo idem circuitus præpeditur facilè in surditatem, vel auditus gravitatem degenerare, vel ex obstructâ alvearii, tympani, aut labyrinthi cavitate ab effuso sanguine, vel ex laxiorifactâ tympani membranâ, vel ex ner-

vorum acousticorum compressione , atque hinc est cur sonitus aurium surditatem **pre-**cedere soleat , eamque præfagiat.

## D I A G N O S I S.

Sonitus aurium , ejusque species ex ægrorum quærelâ innotescunt. Causæ verò antecedentes conjecturis tantum detegi possunt nempè.

1<sup>o</sup>. Sonitum à prævio aliarum partium vitio pendere suspicandum ex præcedentibus dolore & gravitate , tonsillarum , vel parotidum inflammatione , vel quopiam alio partium ab auribus distillarum vel ipsis circumvicinarum affectu quo cessante sonitus cessat , quo redeunte recrudesceit , atque tunc symptomaticum esse tinnitum , ac per consensum fieri obvium est.

2<sup>o</sup>. Idiopathicum verò sonitum & à solo auris vitio ortum indicant tum aliorum morborum absentia , tum sonitus continuus.

3<sup>o</sup>. Vitium hæreditarium esse dignoscitur ex eo quod parentes vel eo morbo , vel surditate affecti fuerint , quod quidem transmissam labem à parentibus in prolem abundè significat..

4<sup>o</sup>. A debilitate organi auditus , & laxitate membranæ tympani tinnitum oriri arguitur ex defectu virium , & prægressis causis membranam tympani laxantibus , putà aquâ in alvearium introductâ , vehementi fragore , percussione validâ , hæmorrhagiâ. &c.

5<sup>o</sup>. Causam tinnitus antecedentem esse frigidam seu quod idem est , humorem lymphaticum tinnitui occasionem præbuisse con-

jicitur ex doloris absentia, frigidâ temperie, ægrorum solatio, ex admotis medicamentis calidis, ac tandem ex eo quod ingentes ferat sonos sine ullo incommodo.

6°. Ratione oppositâ tinnitus à solo sanguine, seu à causâ calidâ produci declarant febris præsentia temperamentum ægri calidum, caloris sensus in capite; causæ prægressæ calefacientes, felix topicorum, frigidorum successus, ac denique molestia quâ æger vel levissimo sono afficitur.

7°. Tandem inflammatio aurium, ulcus, abscessus, vel exostosis propriis horum morborum signis eruuntur.

## PROGNOSIS.

Tinnitus in genere per se nihil affert periculi, imò nequè auditionem lædit, molestus tamèn omninò morbus est, & incommodus ob insolitum illum sonum quem ægri intrâ aures percipiunt, symptomaticus eandem habet, ac morbus cujus est symptoma, prognosim.

Quod idiopathicum spectat 1°. Continuus curatu difficilior est intermittente quia causam altius radicatam supponit. 2°. Inveteratus recenti non ità cedit remediis, imò auctâ causæ morbificæ vehementiâ & vasorum infarctu sæpè in surditatem abit. 3°. excitatus ingens intrâ aurem sonitus qualis est tormenti bellici, aut collabentis domus majorem in aure labem, majoremque vasorum extensionem significat quam ille in quo levis admodum sonus percipitur defluentis lymphæ murmuri similis. 4°. Faciliùs discutitur cæ-



teris paribus dùm à calidâ quam dùm à frigidâ causâ dependet, facilius enim est attemperare sanguinis æstus, quam aurium obstructions referare. 5°. Demùm tinnitus à causâ quâpiam externâ & manifestâ oriundus, eâ sublatâ tollitur, secus verò quandò à causâ intus latente producitur, vel fovetur.

## C U R A T I O.

Varia pro causarum varietate est instituenda curandi methodus.

1°. In sympathico tinnitu qui ab aure secundario affectû producitur remedia competunt cæteris affectibus à quibus pendet, communia.

Idio pathicus specificis variis auxiliis oppugnandus est, ac 1°. Quidem si fiat à causâ externâ, illa quam primum fieri poterit removeatur, quo factò sonitus ut plurimum cessare absque medicaminum operâ certum est.

2°. Si ab aurium ulcere aures intromissis topicis abstergendæ, & demulcenda sanguinis acrimonia remediis infra proponendis, dùm de aurium ulceris curatione.

3°. Si a debilitate virium ortum ducat, restaurantia, & vires refocillantia præscribenda sunt, qualia convalescentibus profunt spirituosâ nempe, cardiaca, & nutrientia.

4°. Si ab exossi ossium organa auditus constituentium tinnitus excitetur sola hydragirolis efficax medicina est, & certum curationis spem pollicetur.

5°. Si causa tinnitus frigida sit, quoniam illa supponit obstructions in vasis aurium

lymphaticis præmissâ diætâ attenuante , & calefaciente adhibeantur interiùs aperientia , & lympham dividientia , eâque admoveantur discutientia topica qualia in surditate , & gravi auditu à simili causâ productis prodesse diximus articulo præcedenti , spirituosâ nempe & resolventia , ut infusio rutæ in spiritu vini alkoolifato , pulpa colocyntydis in vino cocta , olea chamæmeli , castorei , tinctura myrrhæ , decocta plantarum aromaticarum resolventium rutæ , origani , centaurei minoris , roris marini , calaminthi , &c. quæ instillando sunt auribus , dein gossipio moschato ut in surditatis curatione dictum est obturandis.

6°. Idem dicendum si causa calida sit atque eâdem therapeiâ utendum est ac dum surditas à sanguine æstuante originem ducit , scilicet præmissis venæ sectione , diætâ refrigerante , ac diluente , & purgantibus mitioribus in usum vocanda sunt demulcentia , refrigerantia , & sanguinem temperantia , nec-non topica refrigerantia , & laxantia , præsertim verò oleum amigdalorum dulcium , decoctum violarum , nymphæ , althææ , succus lactucæ , postulacæ , imò juxta *Riverii* exercitissimum placitum succus hyosciami , vel papaveris albi proficinis est , hujus enim ope fermentativus humorum motus compescitur , & dolor aurium sæpè tinnitus comes mitigatur in quo ultimo casu , cæteris præstat opium dissolutum , cunctè tamen in aures immittendum , ne ait *Riverius* aures hebetentur.

---

## ARTICULUS III.

### *De dolore Aurium.*

**Q**Uoniam dolor in genere nihil aliud est quam tristes ac molestæ sensatio orta ex vehementi spirituum refluxu ad cerebrum cum imminente partium dolentium solutionis periculo, quæ ad partem aliquam extrâ cerebrum constitutam referri solet sequitur statim definiendum esse aurium dolorem tristem ac molestam animæ sensationem, quæ ad aures refertur, Græcò Othalagia nuncupatur.

### D I F F E R E N T I Æ.

Variæ ac multiplices vulgò statuuntur genericæ doloris differentiæ pro variâ ejus causâ, nempe alius dicitur dolor pungitivus, alius gravativus, divulsivus, pulsatorius, deurens, &c. prout sensationem dolorificam sequitur judicium rei pungentis, gravantis, divellentis, pulsantis, deurentis, &c. quod cum de singulis partibus dolore affectis verum sit patet totuplicia ea distincta admitti posse aurium doloris genera.

Nunc aurium externus dolor dicitur, nunc verò internus, prout partes internas vel externas occupat.

### C A U S Æ.

In eruendis doloris aurium causis de partibus

auris cartilagineæ dolore, cujus theoria ad chirurgiam pertinet, parum solliciti sumus, atque solum hic aurium dolorem explicare satagimus qui ab alvearii, vel tympani, vel labyrinthi vitio procedit. Verum ex illis partibus, illæ solummodò dolori subjiciuntur quæ naturâ suâ membranæ, & sensibiles sunt, nempe tunicæ quæ earum cavitates intus convestiunt. In his igitur collocanda est doloris aurium sedes, proindequè investigandum à quibus causis prædictæ tunicæ doloris sensum experiuntur.

In definitione autem doloris jamjam superius traditâ hunc oriri innuimus à validiori quàm par est spirituum refluxu ad cerebrum, quo anima de dolorificâ impressione commo-nefacta impendentem metuit continui solutionem, & eâ ratione contristatur, rursus igitur inquirendæ sunt causæ quibus talis refluxus ab auribus promovetur.

Refluxum promovet vehementiorem ab auribus ad cerebrum major corporum omnium sensiferorum actio impressa nervis, quibus aurium tunicæ suprâ enumeratæ contextuntur, atque motiorem hanc imprimunt causæ variæ tum externæ tum internæ, inter externas recensenda sunt ventus frigidior, balneum aquæ frigidæ, vel immersio in aquam frigidam, ictus, casus, compressio valida, immixta fortè in aures, vel illapsa corpora externa, dura, scindentia, acuta, &c. Internæ verò causæ sunt ea omnia quæ sanguinis hærentiæ & collectioni ansam præbere possunt quibus brevitatis ergò super sedere visum est, ut potè quæ ab undè fuerunt exposita articulo superiore de tinnitu.

talía autem sunt interni aurium, vel partium circumvicinarum, parotidum, V. G. tumores inflammatorii, abscessus, exulceratio, tubæ eustachianæ obstructio, ingens sanguinis fervor, aliaque vitia quibus sanguis vel uberius ad aures irruit, vel ab iisdem ægrè regreditur.

Mittimus causas antecedentes cæteras doloris aurium quæ ejusdem generis sunt ac causæ quæ tinnitum pariunt. Hoc unico discrimine quod in tinnitu remissius, in hoc verò morbo fortius agant & circuitum sanguinis magis præpediant.

## SIMPTOMATA.

1<sup>o</sup>. Ex jam dictis patet ratio doloris verum id semper supponendum est hærentiam nimirum humorum qui dolorem pariunt, non modò validam sed subitanæ vim inferre, quâ impendentis solutionis periculi idea excitatur atque hinc sequitur. 1<sup>o</sup>. Dolorem omnem à causâ internâ inductum à stagnante fieri sanguine. 2<sup>o</sup>. Errasse turpiter veteres, & cum his recentiores nonnullos qui factam continui solutionem velut causam doloris proximam agnoscunt. Nam hæc opinio hoc unico argumento refellenda est, quod acerbissimus dolor ex punctura tendinis excitatus, licet auctâ solutione continui, nimirum facta ejusdem tendinis per transversim sectione evanescat.

2<sup>o</sup>. Pro variâ collecti sanguinis quantitate, major vel minor aderit dolor, si enim 1<sup>o</sup>. Sanguis paucâ copiâ hæreat minori illatâ febrilis nerveis distractione, minor & levis do-

lor, si è contrà. 2<sup>o</sup>. Abundanter collectus eadem fibras nerveas summoperè distrahat intolerabilis indè ac vehemens dolor exsurget, facto in priori casu levissimo spirituum refluxu in posteriori verò vehementiori.

3<sup>o</sup>. Diversâ naturâ à diverso causæ dolorificæ agendi modo pendet, nam si illa in unico dumtaxat fibrillæ nerveæ puncto sensum punctiōis inferet, ut contingit quando aliquod instrumentum acutum in carnes adigitur, vel dum congesti humores in unicam dumtaxat obstructorum vasorum partem agunt. Dolor acutus seu punctorius, si corpus externum dolorificum ac grave pondere suo premat, vel si humores nimiooperè cumulati partem aggravando refluxum promoveant, gravativus. Si sanguis stagnans præternaturalis acrimoniæ particeps sit, & calorem summum partibus affectis impertiat, âcris ac deurens. Deniquè si arteriæ majores notabiliter infarciuntur ità ut singulis cordis impulsibus aucta hærentis sanguinis copia obicem trajicere nequeat, dilatatis prætermodum quâlibèt cordis contractione, arteriis, pulsantis alicujus corporis idea exhibetur, & pulsatorius dolor futurus est.

4<sup>o</sup>. Caloris sensus quo gaudent naturaliter corporis humani partes à duplici motu oritur, nempe tum à motu solidorum oscillatorio, tum ab effervescentiâ liquidorum, sed in dolore aurium, vasa earumdem sanguifera copiosiori sanguine turgida oscillant validius, & sanguis in eis aggestus vehementius effervesceat, ergò ægri dolore aurium affecti molestum caloris sensum intrâ aures percipient.

5<sup>o</sup>. In summo ac diuturno aurium dolore,

Expe febris accenditur quod tum à sistematìs nervosi concussione quâ sanguis ad cor uberiorius impellitur, tum à præpedito sanguinis circuitu deducendum venit.

6°. Inflammatis auribus sanguis ad vasa collateralia divertitur, proindèque ad facièm copiosius appellens, vasa ejus superficialia expandit, hinc rubicundus faciei color, præsertim quandò impedimentum in auribus genitum notabile est.

7°. Ingraveſcente inflammatione rupta vasa sanguifera sanguinem contentum elabi sinunt in partium substantiam. Atque hæc inflammatio systrophica solet appellari, mox dein rupta vasa in se retracta, atque contracta sanguinem ab exitu cohibent, & aliquando retinent, atque tandèm hic sanguis morans, & mota vitali defraudatus à vicinis ac circumjacentibus arteriis validius oscillantibus in liquamen purulentum convertitur cum extremis vasorum ruptorum laciniis intimè permiscendum, liquamen illud putridum nunc pus sincerum, nunc verò saniem constituit, atque si interna alvearii superficies, aut membrana tympani doloris sedes sit, vel si ruptâ hâccè membranâ sanguis aut pus in tympano collectum in alvearium vim sibi faciat, nunc sanguis per aures, nunc purulenta materies, nunc saniosa dilabetur.

8°. Demùm auctæ doloris & infarctus aurium vehementiâ sanguis ad cerebrum uberiorius devectus, diversa in hoc viscere impedimenta pariturus est quibus vel distractis vasis vel ultra totum deductis, vel tensis prætermodum floris cerebri, vel obrutâ totâ hujus mole, vel deniquè eâdem inæqualiter



compressi, cephalalgia, vel delirium, vel sopor, vel convulsionones, vel motus convulsivi supervenient.

## DIAGNOSIS.

Dolor aurium, & varia ejus natura solâ ægrorum quærelâ dignoscitur.

Si tumor exterius appareat, si dolor topici cedat medicamentis, vel compressione exasperetur, aut leniatur aurium dolorem externum esse; secus verò si nullus conspiciatur tumor, si nullum illata compressio externa ægris levamen, aut acerbitatem doloris auferat, tandem si topica remedia nihil juvent, dolorem internum esse, & à latente intus vitio sobolescere indicatur.

Quod ad causas attinet, quoniam illæ multiplices esse possunt non ita patet earum diagnosi, interim tamèn eas sin minus certis argumentis, saltèm conjecturis probabilibus eruere expedit, ut convenientia cuique præsidia adhibeantur.

Causam externam esse ex relatu ægri, & auris inspectione patet, exploranda itaque auris, & videndum nùm immissa fuerint corpora quædam extranea, interrogandus quoque æger, vel ab illo sciscitandum an vulnus aliquod infictum fuerit, aut facta contusio, an præcesserit ictus, casus, capitis in aquam frigidam immersio &c. Sin autem ægri nihil ex his præcessisse asseverent causam internam esse conjiciendum.

Dolorem aurium à causâ frigidâ ortum exindè deduces quod dolor sit gravativus, ac mediocri calore superetur quod calefacientia dolore

dorem mitigent, frigida verò intendant, ac deniquè quod causæ refrigerantes prægressæ fuerint, ut cœli temperies frigida, frigus præposterè susceptum, aut alia similis calida verò causa signis oppositis indicatur. Nempè

1<sup>o</sup>. Præviâ causarum calefacientium actione, qualia sunt exercitia vehementiora, vigiliæ pertinaces &c. 2<sup>o</sup>. Dolore acuto cum adjuncto mordacis caloris sensu. 3<sup>o</sup>. Allato refrigerantium ope solatio.

Inflammationem aurium designant acutus dolor & pulsativus ingens calor, & rubedo intensa si tumor ad exteriora vergat, febris aliaque symptomata febrem concomitantia, qualia sunt deliria, convulsiones &c.

Deniquè vulnus ex sanguinis per aures effluvio, ulcus verò ex pure, & sanie dimanantibus innotescit.

## PROGNOSIS.

Aurium dolor in genere morbus est gravis ac molestus præsertim si aurium interiora afficiantur quia auditum lædit, imò plerumque duret, surditatem advocat. Hunc insuper periculosum experiuntur illi, quibus ob dolorem cerebrum compatitur, tunc enim febris, cephalalgia, delirium, sopor, spasmus, aliaque morbosa symptomata inferuntur periculi plena; externus interno, cœteris paribus facilius curatur, tum quia in illo externa remedia admoveri possunt, quæ sanguinem in partibus externis stagnantem resolvere possunt, neutiquàm verò referare impedimenta in internâ aure genita, tum quia internus vitiata supponit humorum crasim quæ curam reddit difficiliorem.

Qui à materiâ frigidâ ortum ducit chronicus ac diuturnus , qui à causâ calidâ nempe ab inflammatione acutus & periculosior censendus est ; in primo casu senes junioribus , in postremo verò juvenes senibus magis periclitari exindè est , quod sanguis in ætate juvenili magis quam in senili effervescat , & vasa senum minùs elastica sint & rigidiora quam juvenum vasa : deniquè si dolor aurium ab ulcere, abscessu, vel exostosi originem trahat , prognosim habet cum his morbis communem.

### CURATIO.

Genericæ quæ in cæteris quibuscumlibet doloribus ad implendæ sese offerunt indicationes , eadem in dolore aurium observandæ ea propter cohibendus est nimius ad partem dolentem appulsus , ut inflammatio , si quæ sit , tollatur, vel impendens præcaveatur. 2<sup>o</sup>. Laxanda pars affecta ut impressionibus dolorificis suscipiendis minùs comparata sit. 3<sup>o</sup>. Solvenda sunt impedimenta vasorum sanguiferorum quibus dolor originem suam attestatur. 4<sup>o</sup>. Demùm causæ antecedentis ratio habenda est.

Primæ indicationi satisfacit diæta revellentibus , & evacuantibus diæta sit tenuis , vel mediocris pro doloris vehementia , hujus ope non modò minor chili copia gignitur , proindeque imminutâ quantitate humorum hi ad aures minùs confluunt ; verum etiam genitus chilis ritè coctus nullam sanguini labem infert. Revellentia & evacuantia sanguinem alio determinant , ejusque impetum ad aures retundunt , talia sunt cauteria , setacea , cu-

curbitulæ, venæ sectiones, & cathartica.

Secunda indicatio laxare partem dolentem expedit tum internis tum externis medicamentis, externis si dolor externus sit, nempe topicis, anodinis, emollientibus, imò & narcoticis interiùs assumptis quibus advocato sopore vasa defectu spirituum collabescunt.

Tertia indicatio vasorum sanguineorum obices referant topica resolventia instillata auribus, & interna medicamina aperientia & sanguinem dividantia.

Quarta tandem indicatio pro causæ antecedentis diversitate variat: undè non eadem in dolore aurium, sed multiplex cura adhibenda est. Itaque si illapsa fuerint in aurem externam, aut vi immissa corpora quædam extranea ut lapilli, ceraforum nuclei, aliaque id genus ea omni operâ quamprimum extrahenda suspensâ, solertique manu, ne altius adigantur, si vermes aurem repleant, oleosis & amaris execandi. Si tumor exteriùs promineat, debitâ methodo tractandus est juxta Chirurgiæ leges, si aures ulcere aut abscessu laborent, therapeiâ utendum in sequentibus proponendâ, si exostosis dolorem pariat, inunctiones ex mercurio proderunt, uno verbo diversis totidem causis doloriferis totidem præstat diversa auxilia opponere. Verùm cum causa doloris aurium frequentissima sit inflammatio, eadem competit dolori aurium curatio quæ in sequenti articulo proponetur.

## ARTICULUS IV.

### *De inflammatione Aurium.*

**Q**uemadmodum cæteræ totiùs corporis partes ità & auditus organum nunc in partibus externis, nunc verò in internis dumtaxat inflammationem petitur cujus theoriam hic explanare supervacaneum foret. Quippè quæ ex jam dictis de ophtalmiâ erui facile potest, statuere satis sit inflammationem aurium esse calidum tumorem fluxione ortum intenso dolore & calore stipatum, imò & rubore si tumor externus sit, vel si ab internis aurium partibus ad externas prætendatur.

### DIFFERENTIÆ.

Differentiæ hujus inflammationis desumendæ sunt vel ex illius sede, vel ex doloris vehementiâ, sub primo respectu, aurium inflammatio alia interna est, alia externa, hujus æthiologiam & curationem ad tractatum chirurgicum revocamus, sub altero respectu alia levis est inflammatio, alia gravis in priore mitescunt symptomata, in posteriore verò sæviunt.

### CAUSÆ.

In triplici potissimum parte aurium tumor earum inflammatorius excitari potest. 1o. nempe in alveario. 2o. In tympani membranâ, vel in tunicâ tympani cavum vestiente.

3<sup>o</sup>. Dénúm in tunicâ quâ labyrinthus obducitur. Singulæ enim illæ partes membranacæ plurimis vasorum sanguiferorum furculis irriguæ sunt, neque potest cruor in illis hære & congeri, quin symptomata adferat inflammationi essentialia nimirum calorem, dolorem &c. ut patet ex traditâ superius ophtalmiæ theoriâ; subitanea ergò sanguinis mora atque collectio pro causâ inflammationis proximâ habenda est; ob ex verò pro causâ conjunctâ, deniquè multiplices numerari possunt causæ remotæ & antecedentes obstructio, compressio, & constrictio ductuum sanguiferorum aurium, & ea quæcumque obstruere, comprimere, atque constringere eadem vasa poterunt, ut sunt crassities sanguinis, vel nimia ejus rarefcentia, vicini tumores, vasorum sanguineorum debilitas, vel angustia, frigiditas aeris externi, contusio, exulceratio &c.

### SIMPTOMATA.

1<sup>o</sup>. Cum in omni inflammatione adsit necessario tumor, dolor, calor, & rubor, plarium est inflammatas aures iisdem symptomatibus morboſis affici; verum tamen cum partes affectæ intus latent, solus doloris & coloris sensus percipitur, dolor autem pro majori vel minori infarctu, vel pro diverso modo quo sanguis collectus vasorum tunicas distrahit, vel major, vel minor est, vel diversæ naturæ pungens, gravans, tensivus, &c.

2<sup>o</sup>. Crescente infarctu sanguis ad vasa vicina uberius divertens ea opplebit. Proindeque nihil mirum si quandoquæ interna aurium inflammatio ad externas earundem partes propagetur.

3<sup>o</sup>. Patet ex causis tinnitus articulo secundo allatis illius morbi causam esse validiorem solito arteriarum oscillationem, sed in inflammatione aurium vasa earum arteriosa debent ex obice fortius oscillare, ergò tinnitus individuus inflammationis comes futurus est.

4<sup>o</sup>. Inflammatæ aures à sanguine stagnante & effervescente nimium tenduntur quod fieri nequit quin vel levi de causâ dolorificè afficiantur, hinc ægri sonos perferre vix poterunt sinè aliquo doloris sensu.

5<sup>o</sup>. Si inflammatio aurium systrophica sit, seu quod idem est, si vasa aurium sanguine turgida aperiantur & sanguis extrâ valetur suppuratio fiet quæ abscessu aut ulcere stipabitur prout pus in vasis ruptis genitum, vel in cystide continebitur, vel effundetur.

6<sup>o</sup>. Idem pus in cavitatibus aurium collectum & morâ inspissatum non modò obtundet objecterum sonorum impressiones, verum etiam impediet quominus motus nervis acusticis imprimatur, undè surditas, vel auditus gravitas.

7<sup>o</sup>. Obstructis partibus à corde remotis præpediri & in ipso corde circuitum sanguini necesse est, hinc stimulus contractionis augetur, & frequentius cor contrahitur, obstructioni quoque cordis non parum confert dolor ingens partis inflammatæ, quo sistema nervorum concutitur, & sanguis vehementius ad cor urgetur ut patet ex febris theoriâ.

8<sup>o</sup>. Sævientè dolore vel augeri in summo gradu cordis infarctum necesse, undè cor præ nimia sanguinis stagnantis copiâ suis motibus edendis impar erit, vel spiritus ad fibras cordis sympathicè & affatim influentes ipsius



spasmus inducent ; quoquomodo res sit ,  
 syncopem ad futuram esse vel leviter atten-  
 denti perspicuum est. Ab eâdem causâ repeti-  
 debet extremorum frigiditas.

9<sup>o</sup>. Deniquè cum inflammatis auribus san-  
 guis per vasa collateralia ad cerebrum irruat ,  
 validiores arteriarum fibræ medullaribus cir-  
 cumjectarum pulsationes efficiet quibus spi-  
 ritus animales ad sese mutuò allidentes, ideas  
 objectorum absentium tanquam præsentium  
 excitabunt , undè delirium. Eadem pulsatio-  
 nes arteriarum cerebri , si inæquales sint ,  
 inæquales influxus parient. liquidi spirituosi ,  
 proindeque motus artuum spasmodici orien-  
 tur.

### DIAGNOSIS.

Ex jam allatis symptomatis inflammatio  
 dignoscitur nempe ex intenso dolore , & co-  
 lore , & succedente partium externarum tu-  
 more , febre , delirio , syncope &c. cæterum  
 causæ remotæ & antecedentes ex iis quæ  
 præcessere satis facillè deduci possunt.

### PROGNOSIS.

Inflammationem aurium duplici nomine  
 periculosam esse manifestum est. 1<sup>o</sup>. Ratione  
 sui , quia symptomata quandoque gravia in-  
 ducit. 2<sup>o</sup>. Ratione partis affectæ quæ intus  
 latet quia convenientia remedia ipsi applicari  
 commodè nequeunt.

Magis tamen vel minus periculosa est. 1<sup>o</sup>.  
 Pro varietate symptomatum , sic ubi dolor  
 lenis est , & febris abest , minus gravis est  
 inflammatio , ubi verò dolor ingravescit , &

febris deurit, gravior: gravissima denique ubi his adjunguntur delirium, convulsiones, syncopè, extremorum frigiditas, &c.

2<sup>o</sup>. Juvenili ætate prætervida liquida sæto alicubi obice, præcipiti vi, ac vehementi solida impetunt, explicant, discindunt; ætate puerili molliora vasa parvam offerunt liquidis stagnantibus, & effervescentibus resistentiam, facile cedunt, expanduntur, pariter & rumpuntur, hinc major utrobique inflammationis gradus, & pejora symptomata; ætate demum senili tum liquida moventur segnius, tum rigidiora solida magis renituntur, unde lentior inflammationis progressus, & symptomata mitiora, ergò juvenes ac pueros, cæteris paribus, in majori versari discrimine quam senes consequens est.

3<sup>o</sup>. Si partes internæ aurium dumtaxat inflammatione afficiantur factâ veluti metastasi ad cerebrum urgentius periculum imminet quam si inflammatio ad exteriora vergat, satius tamen est sanguinem derivari ad externas partes quam ad internas, in quibus præcipuas animæ, & vitæ functiones multum labefaciât.

4<sup>o</sup>. tandem in inflammatione nunc hæret simpliciter sanguis nunc per vasa rupta effunditur, prior inflammatio simplici resolutionis viâ curari potest; posterior autem suppuratione semper stipatur, quam in partibus omnibus internis periculosam esse constat speciatim in aurium interioribus gravem omnino in subsequenti articulo planum fiet, ergò rursus inflammatio aurium systrophica, phlogodea periculosior futura est, nonnumquam tamen internum aurium tumorem in suppura-

tum abire cum bonis ægri rebus docet experientia, quia facta suppuratione dolor, cæteraquæ symptomata compescuntur, interim oportet ut rupto abscessu pus exterius fluere possit & eliminari alioquin pejora mala accerferet.

### CURATIO.

Inflammatiō aurium eādē methodo curanda est ac cœteri quicumque tumores inflammatorii ideoque.

1<sup>o</sup>. Præscriptâ diætâ, phlebotomia plus minusvè repetenda ex brachio, pede, jugulo, pro vehementiâ doloris, cœterorumque symptomatum præcipuè verò febris in eundem scopum cucurbitulæ scarificatæ admoveri solent, vel hirudines quibus magna sanguinis pars educitur, sicque factâ derivatione solvitur vasorum obstructio, id ita testante *Zacuti* luscitano ac tandem in hoc casu nullum prodesse arteriæ temporalis sectionem docet celeberrimus *Riverius*.

2<sup>o</sup>. Removendæ sunt causæ externæ quæ huic occasionem dedere, atque æger in lecto continendus est, cubiculo benè clauso ne gravis aliquis strepitus tenerioribus auribus obstrepat, easque offendat.

3<sup>o</sup>. Æstus febrilis attemperetur julepis refrigerantibus, & anodinis, emulsionibus quibus narcotica adjicere oportet ad sedandum dolorem si urgeat.

4<sup>o</sup>. Alvinæ fæces enematis emollientibus & refrigerantibus ipso morbi initio evacuantur, deindè mitigatâ morbi vehementiâ, & temperato sanguinis orgasmo cachochilia pri-

marum viarum eliminanda est lenioribus catharticiis, aut mediocribus multâ aquâ dilutis quæ aliundè magnam feri quantitatem ad intestinales glandulas determinando vasâ aurium ab infarctu liberant.

5<sup>o</sup>. Vitiosa sanguinis crasis corrigenda est si crassa sit remediis incidentibus & attenuantibus ut jusculis ex pullis, carne vitulinâ cremoribus variis orizæ, hordei, secalis, cæterisque sanguinem demulcentibus inter quæ lacticia primas tenent.

Quod autem attinet ad externa remedia sive topica sæviente dolore anodina, & laxantia adhibeantur qualia sunt olea varia violarum, nymphææ, amigdalarum dulcium, seminum papaveris albi &c. lis imbuto gossipio in alvearium immittenda, vel auribus instillanda, lac muliebre recens mulsum, suffumigia ex foliis solani, hyosciami &c. Ast verò renittente dolore olea leviter resolventia competunt, videlicet oleum chamamelinum, anethinum, laterinum, item aqua frasinii, aliaque benè multa.

Si tumor ad exteriora vergat admotis topicis tentanda ejus resolutio, sin minus irrita fuerint topica resolventia, maturantibus opus est quibus suppuratio promoveatur, nempe cataplasma de mica panis, vel ex radicibus liliorum, oleo rosacco, foliis acetosæ &c. quo factio pus educendum est, & vulnus abstergendum sequenti articulo proponendis medicamentis.

## ARTICULUS V.

*De ulcere Aurium.*

**Q**Uando ruptis vulneratisque aurium vasis materies purulenta aut saniosa gignitur quæ per alvearium foras dimanat, tunc aures exulcerari dicuntur, undè ulcus aurium definiendum esse evidens est factum in vasis aurium sanguiferis continui solutionem quæ puris pro fluvio stipatur. 1<sup>o</sup>. Etenim vasa sanguifera aperienda sunt, & rumpenda alioquin non posset generari pus. 2<sup>o</sup>. Debet effluere pus aut sanies, ut ulcus distinguatur ab exundantibus sero & lymphâ quæ liquida ab auribus profluunt ex ruptione lymphaticorum vel dilatatione simplici absque inflammatione & dolore præcedentibus, vel secretoriorum laxitate.

## DIFFERENTIÆ.

Ulceris aurium differentię repeti possunt vel ex ejus sede, vel ex causâ à quâ produci-  
tur, vel deniquè ex propriâ ulceris naturâ.

1<sup>o</sup>. Ratione sedis ulcus externum vel internum est, prout alvearium vel internæ aurium partes laborant.

2<sup>o</sup>. Ratione causæ aliud à rupto abscessu, aliud verò à prægressâ inflammatione originem ducit.

3<sup>o</sup>. Ratione ulceris & geniti puris naturæ multiplex statui potest recens, inveteratum,

& superficialium, vel profundum, simplex  
 saniosum, virulentum fistulosum. &c.

### C A U S Æ.

Ex jam allatis differentiis patet ulcus aurium vel à rupto abscessu, vel à præviâ inflammatione sobolescere, in priori casu cuiuslibet manifestum est discissâ cystide in quâ pus antea coercitum latebat, quâ datâ portâ faciliori, proindeque per alvearium ductum foras effluxurum. In secundo vero liquet ex notâ ulcerum theoriâ sanguinem in vasis ruptis morantem atque congestum à validiori vasorum circumvicinorum integrorum, ac turgescientium diastole pressum, quassatumque, denique cum extremis vasorum ruptorum laciniis mixtum in liquamen purulentum facefcere, ruptura igitur abscessus, vel prægressa inflammatio systrophica aurium pro duplici causâ ulceris earumdem proximâ habenda est.

1<sup>o</sup>. Rumpitur genitus in aure abscessus vel per se si extenuata paulatim cystidis involucra ab irruente pure, vel erodente tandem solvantur, vel à causâ aliquâ externâ putâ ictu, casu, corpore quodam extraneo, rigido in aures adactò. &c.

2<sup>o</sup>. Inflammationem systrophicam promovebunt causæ articulo superiori propositæ vehementer agentes, & vasorum tunicas dirumpentes, quas hic repetere inutile esset, sed præsertim vulnera inflictâ ab instrumentis acutis, vicina ossium caries, imò, & præternaturalis humorum quibus partes aurium membranæ obliniuntur, congestio & acrimonia.

### SIMPTOMATA.

## S I M P T O M A T A.

1<sup>o</sup>. Evidens est ex jam dictis sive ruptus abscessus fuerit, sive prævia inflammatio in suppuratum versâ sit, pus per aurium cavitatem diffluxurum, quod nunc albicans erit legitimum, benè coctum, nunc foetidum, virulentum, saniosum pro breviori, aut diuturniori ejus morâ in auribus, pro diversâ sanguinis crasi, ac tandem variâ ulceris profunditate.

2<sup>o</sup>. Quoniam in profundo aurium ulcere major quam in superficiario puris quantitas continetur patet in hoc parciorem, in illo verò copiosorem materiæ purulentæ effluxum futurum esse.

3<sup>o</sup>. cum partium exulceratarum labia quæ suppurationem continuò patiuntur, inflammentur, vel saltèm phlogosi afficiantur, cum insuper in internis ulceribus quæ detergi commodè nequent pus diutius coercitum majorem acredinem contrahat, & vasa ulcerum labiis intertexta mole suâ premat difficiliorem sanguinis circuitum magis ac magis efficiet, sequitur distendenda fore, & distrahenda ab hærente sanguine, vel à pure erodente lacinanda, ac multipliciter divellenda ulcerum labia, undè aurium dolor major, minor, pungens, lacinans, pruriginosus &c. pro diversâ puris acrimoniâ, varioque inflammationis gradu, pruritum quoquè aurium oriri probabile est ab alvearii tunicæ irritatione quam pus diffluendo infert. Atque inde est cur ægri eo morbo laborantes ad scalpendas aures tam frequenter mechanicè impellantur.



4<sup>o</sup>. Imò quandòque ruptis carniū fac-  
crescentium quæ teneræ sunt vasculis sangui-  
feris, cruor unà cum pure permixtus foras di-  
manat, & pus rubore suo tingit, & sangui-  
no'entum reddit.

5<sup>o</sup>. Ulcus aurium fistulatum evadet si ul-  
cus altè lateat, quia cum non pateat via pu-  
ri exiturienti varios istud aget cuniculos, at-  
que in hoc casu diutius retentum, tandiū  
congeritur donec suâ quantitate objecta per-  
fringat repagula, & in alvearii cavum irrum-  
pat, moxque brevi temporis intervallo denuò  
coacervabitur, denuòque ubertim diffun-  
detur.

6<sup>o</sup>. Compressis à stagnante sanguine labris  
ulceris, lymphæ accumulabitur, quæ vel dif-  
flatis tenuioribus suis particulis inspissata in  
calla obdurefcit, quibus multiplicatis, ac  
proindè crescente impedimento ulcus serpit  
ad vicinas partes ac tandè ossis petrosi caries  
ducetur, vel fungosas carnes eadem lymphæ  
congesta dilatando vasa pariet, quibus obtu-  
rato auditus organo, surditas fiet.

7<sup>o</sup>. Denique vertigo, capitis dolor, cæ-  
teraque cerebri, & partium vicinarum vitia  
quæ ulceri aurium supervenire possunt ex ube-  
riore sanguinis ad illas partes affluxu seu ap-  
pulsu repeti debent ad quos divertere facilè  
concepitur supposito semel in auribus obice.

### DIAGNOSIS.

Ulcus aurium manifestò indicat puris aut  
saniei profluvium an autem profluens mate-  
ria purulenta verè sit ex præcedentibus, do-  
lore aurium, & inflammatione dignoscitur,

## DE MORBIS CAPITIS. 171

quæ quidem morboſa accidentia adveniente pure aut ſanie, vel diſcutiuntur penitus, vel ſaltem paulatim remittunt.

Ulcus externum ab interno diſtingues ex prægreſſæ inflammationis præcognito loco, minori auditus vitio, & mitioribus ſymptomatis.

Ex puris naturâ mundum vel ſordidum ac phagædenicum ex magnâ puris emiſſi copiâ profundum, ex minori ejuſdem quantitate ſuperficiarium, deniquè ex vetuſtate ulceris, & puris diſſluentis virulentia atque corroſione ulcus aurium fiſtuloſum eſſe conjicitur an ab abſceſſu rupto, an autem ab inflammatione in ſuppuratum abeunte pendeat, innoteſcit facile ex eo quod in primo caſu ruptâ cyſtide pus conſeſtim ac copioſè irruat, in altero autem paulatim dilabatur, & eâ proportionem quâ in partis inflammatae labiis generatur.

## PROGNOSIS.

Ulcus aurium in genere periculoſum eſt, tum quia quandoquè cerebrum afficit, tum quod vix ipſi remedia topica applicari poſſint quibus abtergatur, & ad cicatricem perducat, atque adeo fungoſæ ſuccreſcant carnes, quibus obturato auditu organo, non modo ſurditas, ſed fiſtuloſi ſacci, exoſtoſes, cæteraque vitia inferuntur.

Varianda tamen eſt prognofis pro variis circumſtantiis. 1<sup>o</sup>. Pro variâ ulceris ſede, ſi ulcus alvearii ulcere tympani, hoc autem labyrinthi ulcere minus periculi portendit. 2<sup>o</sup>. Pro ratione cauſæ ſic ulcus aurium ab abſceſſu rupto oriundum faciliùs multò curatur,

quam si post inflammationem superveniat, nam idem dicendum de ulcere aurium quod de cæteris corporis ulceribus quæ facilius aut difficilius curari pro duplici causâ docent exempla pthilicorum, & eorum qui vomicâ pulmonum afficiuntur. 3<sup>a</sup>. Demum pro naturâ ulceris, & puris effusi, sic ubi ulcus inveteratum est, profundum, saniosum, fistulosum, latetque, pus aut sanies acris & corrosivâ emittitur, pejus est, curam difficilius admittit quam si ulcus sit recens superficialiarium, ac pus sincerum, legitimum, albicans, nequè corrosivum suggerat.

## C U R A T I O.

Ut Inflammatis sic exulceratis auribus duplex competit therapeia interna una, externa altera, interna eadem est quæ in cæteris quibuscumque partium ulceribus internis adhiberi solet, atque illa tota consistit in demulcendâ sanguinis & humorum acrimoniâ simul & tollendis impedimentis aurium quibus ulcus originem debet ac tandem in corrigendâ constitutione sanguinis vitiatâ quæ causa est ulceris antecedens & aliquandò fovens.

Præmissis itaque præmittendis videlicet diætâ humectante, ac demulcente, venæ sectione si opus sit, ac præsertim catharticis mitioribus, & enematis emollientibus, leviterque purgantibus, sunt usurpanda statim ea omnia quæ sanguinem ac lympham diluere ac edulcorare valent, qualia sunt juscula ex pullo juniori ex cancris fluviatilibus, cremores varii, ptisanæ demulcentes, ac

lacticinia quæ cœteris omnibus præstant ; utatur itaque æger lacte vel asinino , vel vaccino cum infusione herbarum vulnerariarum partibus æqualibus mixto & ebutirato semel , vel bis in die , vel si stomachus ferat solo lacte vescatur. Ad hæc balsama varia lacti admiscantur putà balzamum verum de capahu aut peruvianum ad guttas aliquot cum sirupo capillorum veneris non modo ad abstergenda ulcerum labra sed etiam ad conciliandum sanguini motum , & impedimenta labrorum ulceris quæ ab induratâ lymphâ pendent , referenda , imò si ægri bonâ sint corporis habitudine , si pituitosum habeant temperamentum , vel satis pingues , obesi , plethorici sint , ptisana sudorifica multum proderit , & bochetum ex ptisanæ residuo confectum ad exsiccandum ulcus & cicatricem maturandam.

Insuper maximè attendere oportet ad sanguinis crasim quæ si fervidior sit diluentibus ac refrigerantibus attemperanda , si crassa , ac viscida levioribus aperientibus , sed imprimis martis præparatis paulatim incidenda , si viru venereo coinquinata frictionibus ex mercuriali unguento depuranda.

Externa therapeia eo vergere debet. 1<sup>o</sup>. Ut puris descensus seu per aurem effluxus faciliatur quod fit , jubendo ut æger suprâ aurem affectam decumbat , nam eo pacto materia purulenta proprio pondere commodius diffuens , minorem intrâ aures moram contrahat & cicatrici locum dabit.

2<sup>o</sup>. Ut calla si quæ sint quæ cicatrici officiant , solvantur quod perficietur detergentibus quibus admiscantur æs viride , unguen-

tum ægyptiacum, apostolorum. &c.

30. Ut ulcus probè detergatur, & purulenta materies eluatur, hoc autem præstabit hidromel tepidum, decoctum hordei, vél rosaceum, myrrha, thus, succi variorum plantarum, cyclaminis, centaurei minoris, absinthii, marrubii, decoctum foliorum agrimoniae, plantaginis absinthii, hederæ, radicis gentianæ, decoctum pariter foliorum betonicæ in vino calente, fella variorum animalium.

4°. Ut deterſo ulcere ac probè mundata cicatrix debita promoveatur ope epuloticorum ſeu cicatrisantium qualia ſunt ſarcocolota, laudanum, ariſtolochia rotunda, alumen uſtum, vinum tepidum in quo ferri fruſtula candentia infundi ſolent, aquæ bellilucanæ, æs viride, unguentum Apoſtolorum, ægyptiacum, pompholix, tutia, ceruſa multirariam intermixta & auribus inſtillata, item ſuffumigia ex galbano, maſtiche, gummi juniperi, aliſque per infundibulum in aurem immiſſis feliciter quandoque ſuccedunt, ſi autem ulcus ſiſtuloſum ſit, & callis durioribus undequaſue obſitum, quod tum ex inveterato ulcere, tum ex continuo ſaniei putridæ fluxu conſicitur, detergentibus fortioribus cum admixtis eſcharroticis potiffimum ex ære viridi conſectis & cliſtere auriculari injectis opus eſt, quo melius & potentius abſtergatur, & fungoſis carnibus, Gallis-vè occurratur.

---

## CAPUT III.

### *De morbis Narium.*

**C**onstat nares duplici potissimum usu. Mancipari, nempe tum recipiendis corpusculis odoriferis, tum transitui acris per lacunar faucium ad trachealem fistulam alternatim, & inspiratione introducendi, & expiratione ejiciendi. Possent itaque sub eo respectu vitia narium ad duo statim genera reduci scilicet ad ea in quibus vitiatur respiratio, & ad ea in quibus olfactio labefactatur, interim ne scrupulosius agere videamur acceptum in describendis hujusmodi morbis ordinem sequemur. Atque caput istud in sex articulos dividere juvat in quorum. 1<sup>o</sup>. De Coryzâ, in 2<sup>o</sup>. de hæmorrhagiâ narium, in 3<sup>o</sup>. De sarcomate & polypo, in 4<sup>o</sup>. de fælore narium, in 5<sup>o</sup>. De ulcere & ozænâ, in 6<sup>o</sup>. Demum de sternutatione acturi sumus, omissis de industriâ narium vulneribus, quorum historia ad Chirurgiæ tractatum pertinet.

---

## ARTICULUS I.

### *De Coryzâ.*

**C**oryzâ quam gravedinem latini dixerunt, est catharri species, seu fluxio quodammodo gravitatis sensu in naribus, ac præcipuè circa

frontem stipata cum succedente humoris principio tenuis, dein verò crassiusculi distillatione.

### DIFFERENTIÆ.

Dividi potest hic affectus ratione causarum à quibus dependet in recentem, & inveteratum, calidum & frigidum, pituitosum, acrem, verum harum differentiarum ratio clarius patebit ex causis jam enumerandis.

### CAUSÆ.

Turpiter errarunt veteres dum statuerunt copiosum humorem in anticis cerebri ventriculis cumulatam illud molè suâ premere, & gravaxe deindeque trans ossis cribrosi foramina in narium cavitate immitti, cum neque ullam patere viam à prædictis ventriculis ad nares neque quidquam utcumque tenue per ossis ethmoidei foramina trajici posse autopsia doceat, quapropter hujus morbi sedem non in cerebro, sed in membranâ illâ mucosâ quæ pituitoria nuncupatur reponendam esse cum neotericis arbitramur.

Compertum est membranam hanc pituitariam quâ non modò obvestiuntur binæ & exterius patulæ narium cavitates, sed & aliæ intus latentes sinuum nomine vulgò cognitæ, imò & ossium spongiosorum cavernulæ, quæ cum narium cavitatibus communicant plurimis acinis glandulosis multifariam intersectis componi mucoso cuidam viscidoque humori secernendo à naturâ destinatis qui præterla-



bentis aëris impetu respirando sensim diffatur, vel emungendo rejicitur, quandiu debitâ quantitate atque proportionè à sanguine separatur. At si inverso causarum naturalium ordine mucosum illud liquidum in prædictis glandulis nimiooperè congeratur, fluxionem producet similem illi quam in catharro pulmonari solet excitare bronchiorum, vel ductus trachealis glandularum obstructio, nimiaque repletio.

Quæcumque itaque muco in membranæ pituitariæ glandulis, vel earundem ductibus excretoriis retinendo, ac congerendo paria sunt, inter remotas corysæ causas recenseri meritò possunt.

Cumulabitur autem mucus narium in earum glandulis triplici potissimum de causâ, nimirum si uberius solito ad illas confluat, si crassior ac sæculentior consuetum nequeat iter facere, & per ductus excretorios in narium cavitatem immitti. Deniquè si iidem ductus excretorii impervii sunt, & secretum liquidum non excipiunt. 1<sup>o</sup>. Mucus narium uberius confluet ad glandulas membranæ pituitariæ, 1<sup>o</sup>. Ob nimiam vasorum plenitudinem, seu plethoram, sic helluones qui nimiam ciborum copiâ se ingurgitant, fluxionibus præ cæteris magis obnoxios esse certum est. 2<sup>o</sup>. Ob celeriores humorum circuitum, quo fit ut munus ad colatorium frequentius appellat, sic ex vehementioribus exercitiis, ex abusu vini, liquorum ardentium, ciborum acrium, & piperatorum, ex irâ indomitâ, nimio ardore solis, vigiliis diu protractis, aliisque ob suppressam aliquam evacuationem consuetam puta insensibilis transpirationis,

menstruorum, sudoris, &c. sic eas qui frigido aëri sese imprudentes objiciunt, præsertim incalescente corpore, qui nudos pedes in aquam frigidam mergunt, qui in aquâ frigidâ præposterè balneantur, qui de pectendis capillis parum solliciti sunt, vel mulieres quibus ex obstructione uteri menstrua supprimuntur, corysâ non rarò affici observamus.

1°. Mucus narium non poterit subire ductus glandularum excretorios, & foras ut par est expurgari præ nimia crassitie 1°. Si talis suggeratur à sanguine ipso crassiori, & viscidiori. Sanguinem crassum efficient alimenta ejusdem indolis crassa, cruda, frigida, coctu difficilia, humida cœli temperies quæ fiante austro viget, vita sedentaria, somnus longior &c. 2°. Si à frigidiorè aëre externo inspirationis tempore narium sinus subeunte coaguletur, vel ex repentinis aëris mutationibus autumnali tempore quandoque contingit, vel ab aquâ frigidâ naribus attractâ, ut urinatoribus accidit.

3°. Deniquè ductus membranæ pituitariæ excretorii impares evadent recipiendo mucum narium in glandulis secreto, si vel premanetur exterius, vel interius obstruantur; comprimuntur distentis præternaturam ejusdem membranæ sanguiferis vasis, sic inflammatae nares corysâ persæpè pariunt. Obstruuntur verò causis omnibus quibus glandularum obstructionem fieri in præcedentibus affectibus dictum est, inter quas præcipuè sunt frigidus aër mucum inspissans, vel nimia ejusdem caliditas quâ diffatis partibus muci tenuioribus, superstites crassiores adunantur. Hac ultimâ ratione agunt liquores spirituosii, ut

aqua reginæ Hungariæ , vel aromata sæpius naribus admota , aut inspirata , nimia ad ignem accessio , applicatio diuturna &c. harum causarum actionem non parum juvat vitiosa membranæ pituitariæ dispositio videlicet glandularum , & ductuum excretoriorum laxitas aut angustia sive congenita fuerit.

## SYMPTOMATA.

Ex jam dictis patet in gravedine mucosum narium excrementum in glandulis vel ductibus earum excretoriis coacervari quod fieri non potest quin vicina vasa sanguifera comprimantur , & inturbetur sanguinis circuitus hinc.

1<sup>o</sup>. Excitatur sensus gravitatis in cavitate narium & sinibus cum illâ communicantibus qui vel in naso , vel circa supercilia potissimum persentitur.

2<sup>o</sup>. Initio fluxionis oppletis glandulis aut obstructis ductibus earum excretoriis mucus narium vel nullatenus excernetur , vel tenuiores dumtaxat ejus partes ob viæ angustiam elabuntur , hinc vel nullus , vel paucus morbi principio mucus rejicitur & dilutus admodum , imò verò nasus quandoque tumet exterius si vitium sit in ipsis naribus , vel si intus lateat , & sinus afficiantur , internus & gravativus dolor ingravescit , deinde sensim dilatatis & laxatis ductibus excretoriis , mucus morâ crassior factus per viam patentiore quâ datâ portâ erumpit , & copiosius emungendo educitur , atque tunc obfactus aboletur , vel prætermodum minuitur. Quoniam corpusculorum odoriferorum ad nares

impingentium actio non parùm retunditur à sulphureo, & viscidiorè mucò exundante quò membrana pituitaria præcipuum obfactus sensorium obtegatur & munitur.

3°. Factâ in narium glandulis mucì conges-  
tione, compressa, uti dictum est, vasa san-  
guifera liberum cruoris aditum non permit-  
tent, undè crescente eorum vasorum angus-  
tiâ inflammatorius tumor suborietur calore,  
dolore &c. stipatus.

4°. Quin imò ruptis quandòque vasis san-  
guineis pus in sauciatis iisdem vasis generabi-  
tur, vel mucus contractâ morâ nimîâ acrior  
factus & corrosivus membranam pituitariam  
exedet eamque exulcerabit. Hoc in casu ex  
molestâ & assidua nervorum irritatione fre-  
quens aderit, & morbosa sternutatio.

5°. Infarctis naribus sanguis per vasa col-  
lateralia ob viam faciliorem uberius ad caput  
determinabitur, & cephalagiam, seu capitis  
gravitatem inducet.

6°. Sin vetò retentus mucus in sanguine  
viam sibi faciat in salivales glandulas ob pecu-  
liarem eorum dispositionem, copiosior expui-  
tio futura est.

7°. Deniquè auctâ sanguinis ad caput ir-  
ruentis vehementiâ, cerebrum plectora obru-  
tum vix poterit spirituum acreorum secretio-  
ni vacare.

## DIAGNOSIS.

Coryza facilè patet ex symptomatis inde-  
finitione suprâ recensitis nempe ex nimîâ mu-  
ci excretionè, fluxuque involuntario, nec  
non sensu gravativo narium, & præcipuè cir-  
cà frontem, causæ ex antecedentibus, &  
concomitantibus erui facilè possunt.

## PROGNOSIS.

## P R O G N O S I S.

Quandòquidem coryza per se & absque remediis citò discutitur, catharri species est omnium levissima, præsertim si recens sit, si à causâ quâpiam externâ ortum ducat, neque inflammationem adjunctam habeat, secus verò si vitiosa sit sanguinis diathesis si affectus contumax sit, si inflammatione, aut ulcere stipetur periculosa censenda est.

## C U R A T I O.

Quamvis ut jam innuimus coryza ut plurimum spontè evanescat, nec morbus sit interim tamen quandòque diù durat, & medicam opem requirit, atque tunc habitâ ratione causæ & symptomatum varianda est curatio.

1<sup>a</sup>. Si gravedo ab inspissato muco narium, crassaque humorum constitutione pendeat, præmissâ venæ sectione purgantia mediocra adhibenda sunt, imò & quandòque emetico-cathartica ut cruditates primarum viarum eliminenter, sanguis attenuetur, & humores ad intestina divertantur, dein remediis utendum est quæ viscidam sanguinis crasim corrigere valent, & eam diluere, ac dividere nempe aperientibus ac imprimis chalibeatis, atque iis maximè insistendum est, si æger fluxionibus obnoxius sit. Toto morbi decursu æger in lecto calido continendus est, ne aer externus frigiditate suâ impedimentum narium augeat, & diætam servare debet calefacientem & attenuatum.

2<sup>a</sup>. Si coryza à præservido sanguine &

acriori producat, si adsit plethora si adsint vel factæ vel futuræ inflammationis signa, tunc præscriptâ prius diætâ refrigerante, ac demulcente, & iteratâ phlebotomiâ, emulsiões, julepi, & ptisanæ refrigerantes utilia sunt ad compescendum sanguinis orgasmum, narcotica ad mitigandum dolorem, & purgantia lenia ad catharsim leviter movendam, quibus præmissis juscula ex pullis gallinaceis, & cancris fluviatilibus, cremores hordei, orysæ, amigdalata, & lacticia ad temperandum, ac demulcendum sanguinem prode-runt.

Cæterum in utroque casu si pervicax fluxio sit, & sæpè recurrat, masticatoria sæpè in usum vocanda sunt quibus factâ revulsione humores parcius ad nares confluant, sicque vasa minus turgida restituto elatere ab infarctu liberantur; idem præstare cauteria in co-rysa habituali docet experientia.

Deniquè plerique authorum SENNERTUS RIVERIUS topica suadent sub errhini aut vaporis formâ attrahenda, in hunc finem laudant majoranæ succum, vel exceptum odorem thuris, nigellæ, cumini, aliorumque supra ignitas prunas combustorum, vel fumum decocti majoranæ, chamæmeli, meliloti, zisimbrii &c. verum hæc parvi momenti sunt. His omnibus præstat pulvis nicotianæ naribus haustus, dum initio fluxionis mucus non exernitur, nam irritatâ membranâ pituitoriâ emunguntur nares, & infarctus reseratur, abstinendum tamen ab usu tabaci quodò nimis est muci acrioris effluxus sternutatio frequens, aut imminētis ulceris signa adsunt.

---

---

## ARTICULUS II.

### *De hæmorrhagiâ Narium.*

**H**æmorrhagia narium strictè usurpata nihil aliud significat quam profluvium sanguinis per nares ex solutis, ruptisque earundem vasis sanguiferis oriundum, hæmorrhagia verò in genere juxtà vocis æthimon vulgò accipitur pro eruptione copiosa sanguinis quacumque corporis oriatur.

Quocircà cautè advertendum est an cruor erumpens è vasis ipsissimè narium prodeat, an verò è palato, imis faucibus &c. per lacunar ad nares ascendat, nam in hoc ultimo casu sanguinis fluxum utcumque per nares fiat hæmorrhagiæ nomine non esse donandum. mox invaluit apud rerum medicarum scriptores.

### DIFFERENTIÆ.

Hæmorrhagiæ narium duplicem speciem practici passim referunt unam criticam, symptomaticam alteram, critica illa est quæ fit cum bonis ægri rebus, atque indè salutaris appellatur. Symptomatica verò morbum exasperat, & noxia est, seu morbosa, priorem morbos acutos persæpè solvere, posteriorem verò chronicis seu diuturnis affectibus frequentius supervenire experientiâ certum est.

Ratione causæ hæmorrhagiam parientis multiplex statui potest ejus differentia, alia enim



ruptioni, alia erosioni vasorum sanguineorum natales debet, alia ab externâ, alia ab internâ causâ pendet, interdum sanguis è naribus, interdum è sinubus cum cavitate narium communicantibus emergit. Deniquè pro majori, vel minori ruptionis gradu sanguis copiosius modò parcius effunditur, verum non solent hæ differentiæ propriis nominibus designari.

### CAUSÆ.

Rejectâ circâ modum quo sanguis è suis vasis erumpit, veterum sententia qui causam hæmorrhagiæ seu effusionis sanguinis quadruplicem agnoscebant, rixim nempe seu ruptionem vasorum, diabrosim sive erosionem, anastomosim sive apertionem vasorum eo in loco in quo invicem arteriæ cum venis inosculantur, diapedesim tandem sive transcolationem sanguinis formâ sudoris per patentiora vasorum prætermodum extensorum spiracula emissi diapedesim enim fieri non posse probat tumor varicosus qui utcumque increverit sanguinea genuinum, & purum nusquàm fundit, idem dictum volumus de aneurismate, rejectâ inquam veterum sententiâ, asserimus contentum in propriis sanguinem effundi nequaquàm posse nisi factâ solutione tunicarum vasa efformantium quæ sanguini intus coercendo, ac retinendo ex instituto officio à naturâ dicantur. Hanc autem continui solutionem cum Medicorum vulgo adscribimus causis rumpentibus vel erodentibus, undè ruptionem vel rosionem vasorum sanguineorum causam esse hæmorrhagiæ narium proximam arbitramur.

1<sup>o</sup>. Rumpentur & aperientur vasa narium sanguifera, vel à causis internis, vel ab externis, internæ sunt ea omnia quæ sanguinis moram accersere & congestionem in prædictis membranæ pituitariæ valis, plethoræque narium producere valent. Hujusmodi sunt 1<sup>o</sup>. Plethora vera universalis, sic hæmorrhagia narium supervenit iis qui cibis se ingurgitant, vel otiosis qui vitam vivunt desidem, & sedentariam. 2<sup>o</sup>. Plethora totius corporis apparens, sic sanguinem è naribus fundunt febrientes, cachochimici, temulenti, crapulæ dediti, ad iram proni, aut ii qui nimio solis ardori sese objiciunt. 3<sup>o</sup>. Narium, aut vicinarum partium inflammatio quæ vasorum tunicæ nimiooperè distenduntur ut cæteris tumoribus phlogodæis solemne est. 4<sup>o</sup>. Vehementiora corporis exercitia præsertim demisso capite, quibus sanguis velocius ad superiora urgetur, proindeque ad nares copiosius appellit. 5<sup>o</sup>. Demùm consuetæ quælibet evacuationes suppressæ, sic obstructis infimi ventris visceribus, sic retentis catamaniis, cohibitæ insensibili transpiratione, difficili variolarum, aut morbillorum eruptioni &c. Hæmorrhogiam narium supervenire hæud infrequens est. Harum rutem omnium causarum actioni aliundè favet vasorum imbecillitas nativa, vel adventitia.

Inter externas vasorum ruptionis causas plurima numerari possunt nempe contusio, ictus, casus ex alto, saltus vehemens, sanguisugæ in narium cavitatem inductæ, instrumenta quælibet pungentia, scindentia, aut alio quovis modo nares sauciantia &c.

Erodentur similiter vasa sanguifera interiora

vel exterius. 1<sup>o</sup>. Ab humoribus nares irrorantibus & acrioribus præsertim verò muconarium ; iste autem vel remorando in suis conceptaculis acrimoniam contrahet extricatis partibus salinis rigidioribus , vel quia à sanguine paris indolis salibus onusto ortum ducit , quælibet igitur falsiorem sanguinem , acrioremve reddere poterunt , ea inter causas hæmorrhagiæ narium remotas recensenda veniunt , quatenus vasa exedendo aperiunt , eundem effectum præstabit purulenta sanies ac putrida quæ vel in ozænâ seu ulcere narium inveterato per plagæ vascula dilabitur , vel ex sacco lacrymali ad nares defertur quando liberum est ab obstructione ejusdem sacci emissarium.

2<sup>o</sup>. Exterius vasa narium erodentur ab erbinis , vel sternutatoriis acrioribus , sic insufflatus euphorbii pulvis , sic arsenici fumus inspiratione attractus , aliaque hujus generis corrosiva hæmorrhogiam quandoque pariunt.

### SIMPTOMATA.

1<sup>o</sup>. Sanguis è naribus profluens nunc crassus est sæculentus , nigricans sic cœnosis ductibus apertis prodeat , nunc tenuis , floridus , spumofus , & colore rutilans si ex arteriis ruptis elabatur , atque in hoc casu cum impetu , & quasi subsultim foras erumpit , rursus modò serofus , dilutus , albidus & lymphaticus , modò verò spissus & viscidus ; pro diversâ totius humorum molis diathesi nunc crassa , nunc dissoluta.

2<sup>o</sup>. Si causa hæmorrhagiæ continenter agat , si vas aliquod insigne narium disruptum fue-

rit imprimis verò arteriosum, si sanguis acrior sit, dissolutus & minus onustus partibus balsamicis cicatrici obducenda idoneis, sanguinem absque ullâ intermissione ubertim effluxurum fore consequens est; secus autem si vena exiguissima aperiatur, si sanguis balsamicus sit & laudabilis consistentiæ levior erit hæmorrhagia, vel si causa morbifica per intervalla egerit, sanguinis profluvium subinde recurret.

3<sup>o</sup>. Facies decolor tum à nimio sanguinis dispendio, & vasorum depletione repeti debet tum quandoque [ ut mulierculosis & pavidis accidit ] ex summo timore quo perterrentur ægri dum sanguinem multum profundunt.

4<sup>o</sup>. Depletis vasis hæmorrhagiâ largiori & diuturniori, naturalis sanguinis quantitas minuitur, & cordis vigor enervatur quod fieri nequit quin sanguis arterias parcius subeat, inde parva dilatatio, seu pulsus languidus.

5<sup>o</sup>. Arteriæ à paucio sanguine parum dilatatæ parum constringentur restituto elatere tunicarum, & modicam sanguinis copiam ad cerebrum transmittent, sed ex minori sanguinis ad caput appulsu liquidum spirituosum paucâ quantitate secretum parcius quoque influet ad partes musculolâs quas proinde sufficienti vi decurtare, seu contrahere non poterit, ergo prostratio virium adfutura.

6<sup>o</sup>. Virium imbecillitatem sequitur artutum tremor quia ob debiles musculorum contractiones sublata partes sustineri constanter nequeunt, sed potius vim contractivam instanti subsequenti superant, donec tertio instanti renovato influxu pondus membri rur-

sus vincatur, sicquè vicibus interpolatis nunc musculorum contractio membrorum gravitate, nunc verò hæc contractione musculorum superior est, undè successiva artuum elevatio & depressio in quâ tremoris ratio consistit.

7<sup>o</sup>. Sanguis segnitur propulsus debili cordis & arteriarum. Systole hærebit magis, minusve inæqualiter in diversis corporis partibus, variaque inferet symptomata morbosa ab inæquali arteriarum oscillatione deducenda; hinc aurium tinnitus, pulsatio temporum, hæbetudo visus, seu caligo oculorum, marmariges oculis obversantes &c.

8<sup>o</sup>. Iisdem causis sed vehementius agentibus interrupto circuitu vel sanguis non appellet ad cordis substantiam, unde cessante stimulo fibræ carneæ cordis alternis suis contractionibus perficiendis impares futuræ sunt, vel idem sanguis deficiet in cerebello, neque proindè poterit subministrare spiritus acreos quos immediatam esse motus cordis causam docuimus alibi in dissertatione de febribus nuperrimè in hoc lyceo propugnata; hinc ergò nascentur syncope, animi deliquium, asphixia, frigus extremorum, ac sudor gelidus, quæ quidem ex retardato fluidorum, solidorumque motu oriuntur.

9<sup>o</sup>. Deniquè magna & ingens hæmorrhagia diuturna, & habitualis atque identidem recurrens sæpè in cachæxiam vel hydropem degenerat, idque exindè fit quod sanguis, cæterique humores defectu sufficientis motus incrassescant & apti evadant, vasis præcipuè viscerum abdominalium obstruendis.

## D I A G N O S I S.

Hæmorrhagia narium per se patet, quamquam enim aliquandò sanguis ex ore, facibus, pulmone, vel stomacho per lacunar ad nares possit ascendere, indeque foras ejici, nihil ominis tamen hunc ex ipsis naribus profluere evidens est, si absque ullâ tussi, aut vomitione erumpat.

Arterias aut venas narium apertas esse deducitur uti suprà innuimus ex sanguinis effusi colore consistentiâ & modò quo effunditur rursus è naribus ipsis provenire sanguinem judicatur, si nullus præcesserit internus dolor, si exterius adhibita topica astringentia nullo negotio fluxum cohibeant, ac deniquè si hæmorrhagia à prægressâ nasi contusione, aut consimili aliâ causâ externâ ortum ducat, secus verò signis contrariis sanguinem è sinibus oriri indicium est.

An à ruptione vasorum, an ab eorumdem rosione pendeat, ex signis constitutionis sanguinis, causis antecedentibus & subsequenti- bus obtinebitur. An causæ ruptionis aut rosionis externæ sint, vel internæ dignoscetur sciscitando ab ægris nura præcesserint contusio, ictus, casus, an alterius cujuslibet externæ causæ actio, necnè.

Utrum rumpantur vasa ob simplicem plethoram colligi potest ex ejus signis, rubore faciei catameniorum suppressione, aut alterius cujusvis evacuationis solitæ, vitæ ratione, nempe vitâ deside atque ab exercitui liberâ, & abusu ciborum præsertim esculentorum.

Porrò criticam esse narium hæmorrhagiam

exindè argues quod fiat cum ægri levamine ;  
 symptomaticam autem ac morbosam quod  
 pulsus langueat , paleſcat facies , vires proſ-  
 ternantur , cæteraque ſymptomata ingraveſ-  
 cant.

Deniquè vas aliquod inſigne ſanguiferum  
 aperiri conjectari poteſt ex copioſo ſanguine  
 exiliente , parvum verò ex paucò ſtillante  
 ſanguine.

### P R O G N O S I S.

Tota vitæ ratio poſita eſt in circulatione  
 humorum , atque hæc tunicarum in quibus  
 conſtant ſolida integritatem ſupponit , cujus  
 ratione liquida ab effluxu arcentur , ergò ra-  
 tione oppoſitâ hæmorrhagia quæ proximè fit à  
 vaſorum ſanguiferorum ſolutione , morbus eſt  
 in genere circulationis , & vitæ legibus ad-  
 verſus.

Varianda tamen hæmorrhagiæ narium prog-  
 noſis pro diverſâ hujus ſede , ſymptomatum  
 vehementiâ , & cauſis eam producentibus.  
 ſic.

1°. Symptomatica multùm portendit peri-  
 culi propter gravia quæ infert ſymptomata.  
 critica verò ſeu ſalutaris naturæ conamen eſt  
 venæ ſectiōnis vicem ſupplens , quâ depletis  
 vaſis ſanguiferis , & ſublâtâ plethora facilior  
 redditur circuitus ; indèque naturales func-  
 tionum exercitium redintegratur utrumque  
 docet conſtans experientia , quâ periculofam  
 eſſe hæmorrhagiam in chronicis affectibus ,  
 ſecùs verò febres ardentes , phrenetidem ,  
 inflammationem cerebri , alioſque morbos  
 acutos ſolvere compertum eſt.

2°. Difficiliùs curatur hæmorrhagia narium



quæ ab internâ causâ pendet, & vitiosam sequitur sanguinis diathesim, quam ea quæ fit ab externâ aliquâ causâ independenter ab ullâ humorum labe; similiter periculosior est inveterata recenti, aut illa quæ à rosione vaporum quam quæ ab eorundem disruptione producitur.

3°. Si sanguis ex naribus ipsis immediate prodeat, topica hunc sistere poterunt, sin autem ex partibus magis dislitis, nempe ex narium sinubus, difficilior erit therapeia ob inanem topicorum successum.

4°. Dùm aperta narium vasa majora sunt arteriosa & sanguinem copiosius eructant, prognosis mala instituenda est, tùm quod vix cohiberi possit nimius sanguinis fluxus, tùm quod vires prosteruantur, & syncope imminet. Contrariis rationibus minus, aderit periculi si vasa minora, & venosa disrupta sanguinem parcius profundant.

5°. Hæmorrhagia quæ habitualis est, & frequenter recurrit viscerum obstructions indicat & in cachæxiâ taben, vel hidropem degenerare solet, quæ mala cum difficile admodum sanentur hæmorrhagiam quoque reddunt vix sanabilem; inde est quod ii qui pituitoso frigidoque temperamento donantur ob nimium sanguinis lentorem, ejus profluvium per nares ægius ferant biliosis & sanguineâ temperie prædictis, in quibus humores fluxiliores sunt, & ad circulandum aptiores.

6°. Præsens impendet periculum si multum debilitentur vires, imò si superveniant syncope, lypothimia, singultus, deliria, convulsiones si pallida sit ac livida facies cum

pulsu languido, gelido sudore, & extremorum frigiditate, mors in procinctu est: sin ex adverso hæc absint morbosa symptomata, præsertim si vires constiterint, nihil periculi hæmorrhagia portendit.

7<sup>o</sup>. Deniquè si narium hæmorrhagia à suppressis orta catamæniis cohibeatur, malum, quia aucta indè quantitate sanguinis, metuumdum maximè ne in parte aliquâ internâ fluxio fiat, proindequè sanguinem status menstruorum recursibus per nares egeri salutiferum est, id ità testante experientiâ, atque ità docente hippocrate aphorismo 33. lectione quinta mulieri, inquit, menstruis deficientibus è narribus sanguinem fluere, bonum.

### CURATIO.

In curandâ narium hæmorrhagiâ videndum statim à quâ causâ producat, atquè attentò animo perpendenda illius symptomata.

Si causa externa sit cessante ejus actione brevi per se & absque ullo Medici auxilio fluxus sanguinis evanescet, restituto vasorum elatere, & coalescentibus eorum labris, non secus ac evenit in levi cutis incisione quæ facta prius aliquandiu è parte sectâ cruoris expressione, solo naturæ molimine persanatur. Idem seu potius nihil agendum est, si tenue aliquod vas sanguiferum ruptum fuerit, & paucus sanguis exeat.

Similiter committendum arbitrio naturæ cruentum illud narium stillicidium quod criticè superveniens multum levaminis nihil verò damni secum affert, ut enim cæteras criticas evacuationes cohibere pestiferum est,  
sic

fic & sanguinem è naribus fluentem sistere.

Si retenta menstrua purgamina hæmorrhagiam remotè patiant, si ne fluat sanguis, finito verò profluvio, tolle plethoram, & menses revoca venæ sectione è malleolo, cæterisque auxiliis in mensium supprossione suo loco proponendis.

Si hæmorrhagia symptomatica sit, si ut ut critica in principio diutiùs perseveret cum virium lapsu si habitualis fuerit, si vitiosam sanguinis constitutionem agnoscat, deniquè multus sanguis effundatur, tunc utilissimum est Medicinæ præsidium, quo circà tribus præcipuis indicationibus satisfaciendum quarum. Prima est ut sanguis ad nares profluens revellatur, & aliò derivetur. Secunda ut vasorum apertorum coitio promoveatur. tertia demùm ut corrigantur sanguinis vitia quæ obices in vasis narium sanguiferis produxere.

1<sup>o</sup>. Primæ indicationi conducit venæ sectio quæ plethoram tollit, liberiores reddit circuitum, vasorum elaterem restituit, præpeditque nimium appulsum sanguinis nimirum hunc determinando uberius ad venam sectam. Quemadmodum enim fluxum sanguinis criticum vel modicum ipsa sanat natura simplici vasorum depletione, ità Medicus naturæ opifex hæmorrhagiæ hæmorrhagiâ mederi debet, nequè audienda hâc in re ut multis aliis stulta plebecula cui crudele, & inhumanum videtur sanguinem mittere iis qui immodicam sanguinis jacturam patiuntur, contrarium demonstrante quotidianâ experientiâ quâ constat nullum esse medicamen sistendo sanguini aptius, præsentius nullum Phlebotomiâ, tum in talo tum in brachio inf-

titutâ , pluries iterandâ & largâ manu , nisi obftet nimia virium imbecillitas , imò usque ad animi deliquium , quia tunc vasa narium à corde remotiora sanguine debilius appellente minùs oppressa , atque distracta constringuntur faciliùs & coalescunt , quo quidem auxilio contumacem olim hæmorrhagiam in Episcopo Lodovenſi sanatam fuisse apud *Riverium* legitur. Parvi autem referre an vena pedis , aut brachii quæ parti affectæ directè respondet , aperiatur nec-ne , neotericos edocuerè detectæ circulationis leges.

2<sup>o</sup>. Alteri scopo satisfit pluribus auxiliis sed potissimùm astringentibus interiùs & exterius usurpatis , ab externis inchoando si hæmorrhagia levis sit , quæ ut plurimùm sistendo sanguini sufficiunt , secùs verò interna in usum advocanda sunt.

Principio igitur admovenda ea quæ per se profluvio sanguinis restringendo paria sunt , quæ quidem duplici modo agunt , nempe alia inspissando , & figendo sanguini effluxuro viam occludunt , alia verò vel in aperta vasa simpliciter inducta vel hiantibus eorundem labiis admota obturaculum pariunt quo liquoris sanguinei effluxus inhibetur.

Prioris generis sunt acetum quo spongiola imbuitur , & in nares immissa aliquandiu detinetur ejusdem vapor ex ferro candente emissus , & infundibulo naribus exceptus , gossipium tenue atramento perfusum ex quo penicillum conficitur in nares demittendum , alumen , vel vitriolum cæruleum in aquâ dissolutum , & naribus attractum &c.

Posterioris quoque generis plurima recen-

sentur videlicet pilileporini, linamentum, tela araneorum, gossipium, aliaque ex quibus turundæ fiunt naribus obturandis idoneæ, item terrea quælibet quæ sanguinem manantem absorbendo in extremis vasorum ruptorum labiis in iis hærent; & sanguinis fluxum sistunt, ut testarum ovorum cineres, gypsum, bolus armena, sanguis draconis, chalcitis, terra sigillata &c. his adjungi possunt ea quæ sanguinem refrigerando, & inspissando hæmorrhagiam quandoque sanant, dum nempe fovetur ab æstu humorum immodico, ut V. G. aqua frigida inspirata, balneum frigidum, pedum refrigeratio &c. vel ea quæ sanguinem dividendo obstructions narium referant ut thus, aloës & similia, vel pulverata simpliciter & naribus insufflata vel succo plantaginis, vel ovi albumine excepta.

Præter topica enumerata interna conveniunt astringentia idcirco exhibeantur ægris julepi, vel opiatæ astringentes confectæ ex corallo rubro præparato, oculis cancerorum fluviatilium, bolo armena, terra sigillata, spodio, rheo torrefacto, radicibus consolidæ majoris, bistortæ, pentaphilli, sanguine draconis, lapide sanguineo trochiscis de Karabé, aliisque vel cum aquis astringentibus, vel cum conservis absorbentibus variis, porro spica nardi in alkool redacta & ad 31. interius usurpata pro specifico habetur, sed imprimis succus menthæ vel urticæ depuratus ad 3111, interjectis quâlibet horâ jusculis, hauriendus. Horum etiam vegetabilium folia contusa, & in nares immissa multum conducere sistendo sanguini notum est. Hæc autem interna astringentia omnia aperien-

tium vices gerendo, vasorum quibus hæmorrhagia debetur infarctum tollunt, & fluida circuitui obeundo aptiora reddunt.

In hunc quoque finem laudantur narcotica quæ mira præstant astringentibus mixta. His enim æquabiliore factâ circulatione sanguis minori impetu ad vasa rupta appellit, unde facilius multò labra eorum coalescunt.

3<sup>o</sup>. Corrigendo sanguini varia auxilia competunt; prout varia sunt ejusdem vitia, si crassa viscidaque fuerit ejus diathesis juvant aperientia, & diætâ calefaciens, si calida, institutâ victus ratione refrigerante, emulsiones, juscula refrigerantia, serum lactis, balneum aquæ tepidæ &c. profunt; si acris & dissoluta cæteris neglectis ad incrassantia confugiendum est demulcendi sanguinis causâ & præsertim lacticinia præscribenda.

Deniquè quæcumque hæmorrhagiæ causa sit, præmissis universalibus, nempe venæ sectionibus convenienti regimine, & topicis evacuandæ sunt primæ viæ purgantibus, iisque potissimum quæ astringente vi pollent, ut sunt tamarindi pingues, rhabarbarum, myrobolani citrini, aliaque inter quæ ypecacuanha primum locum obtinet.

## ARTICULUS III.

### *De polypo narium*

**Q**Uandòque nasi cavitatem occupat tumor, seu caruncula quædam lubrica tenuibus suspensa pediculis ut plurimum mollis, alba, vel subrubra, interdum tamen li-

cet rarius dura, acrenitens fusci, vel nigri coloris modo foris extra nares propendens, modo descendens in palati cavum quæ cum polypi formam quadantennis referat, ut potè quæ in modum piscis pluribus adnata radicibus, veluti totidem pedibus, dein in molem ampliam rotandam & oblongam excrescit, ramosque quam plures emittit. Polypus narium solet à Medicis appellari, vel ut aliis placuit hæmorrhoids ob similitudinem cum varicosis ani tumoribus.

## DIFFERENTIÆ.

Variae ac multiplices sunt polypi narium differentiâ repetendæ 1°. A colore tumoris undè albus, vel subniger polypus est, aliquandù verò fuscus, niger, aut lividus, 2°. Ab ejusdem consistentiâ hinc mollis est vel durus, ac schirrosus. 3°. A situ alius enim vel ad exteriora narium prorigitur quasi pendulus vel saltem diductis narium pinnis simplici visu patet, & externus dicitur, alius verò in supernâ nasi parte latent introspecti nullâ arte potest, vel per lacunas faucium ad imas fauces descendit, & internus nuncupatur. 4°. Ab excrescentiæ naturâ, alius simplex est, alius malignus, cancrusus, vel carcinomatosus. Simplex dum sola adest polyposa concretio, absquè ullo gravi symptomate, malignus verò dum gravibus stipatur symptomatibus, & præsertim dolore. Cancrusus demùm quando exulceratur, & partes vicinas ulcerum phagædenicorum more depascitur. 5°. Ratione morbi durationis dividi posset in recentem & inveteratum.



## CAUSÆ.

Cum ex cognitâ polypi sede certum sit hunc tumorem adnasci membranæ pituitariæ nasi cavitatem interiùs obvestienti quam innumeris constructam esse vesiculosis acinis, lymphatico cuidam humori secernendo comparatis cum aliundè polyposa hæc caruncula tumor sit frigidus sensim increescens, & à tuberculo quopiam glanduloso originem habens, sequitur polypum narium in prædictæ membranæ glandularum intumescentiâ consistere, hproindèque à mucosi humoris in iis secreti cærentiâ atque collectione immediatè oriri ut aulibèt attendenti perspicuum est, neque, liter possent tum crescere hujusmodi glandulæ nisi à contento liquido earum parietes extendente, tum excitari frigidus tumor nisi ab humore frigido, ac lentè motu, qualis est mucus ille narium lymphaticus, quod aliundè probatur ex eo quod extirpatus polypus nullam aut levem pariat hæmorrhagiam, idque procul dubio quia vascula sanguinea glandularum affectarum, pressa & quasi obliterated parvam sanguinis copiam excipiunt ut in hæmorrhoidibus. quidlibèt ergò mucum narium in glandulis membranæ pituitariæ secretum cohibere, ejusque congestionem producere poterit, id omne polypum remotè pariturum esse consequens est. Hascè autem causas omnes hic enumerare superfluum prorsùs foret, cum expositæ satis superque fuerint superiùs art. De Coryzâ.

Verùm quamquam mucus in polypo narium æquè ac in coryzâ hæreat, & cumuletur

in membrana pituitaria glandulis, non eadem tamen est in utroque affectu hærentia, & congestio, majus enim in polypo supponendum est vitium vel ob majorem infarctus gradum, vel ob debiliorem glandularum texturam, quorum ratione fit ut hæ à liquidis appellentibus magis expendantur: insuper in gravedine tota quam latè patet membrana pituitaria afficitur, secus verò in polypo ea dumtaxat ejus membranæ pars quæ summam nasi partem occupat, unde impedimento hac in parte genito, humorum hærentium actio fortior est, & majorem tumorem generat, quam ubi dispergitur per universas membranæ glandulas.

Hic obiter exponendum super est cur polypus in supernis dumtaxat non autem in cæteris cavitatis narium partibus, aut sinibus cum his communicantibus producat, cujus rei ratio petitur ex eo quod juxta nasi radicem strictior via sit, proindèque membrana pituitaria hoc in loco præterfluentis acris actioni magis exponatur quam reliquæ ejusdem membranæ partes.

## S I M P T O M A T A.

1<sup>o</sup>. Mucus narium collectus in glandulis membranæ pituitariæ mole suâ, & quantitate distendet earum latera, & partis tumorem inferet.

2<sup>o</sup>. Tumor ille frigidus est, quia ab humore lymphatico exoritur frigido, & rarefcentiæ nescio.

3<sup>o</sup>. Sensim crescet, quia paulatim colligitur, & consequenter minimâ vi, & gradario veluti progressu glandulas dilatat.

4°. Glandulæ membranæ pituitariæ inflari nequeunt, quin excrescentiam efficiant rotundam & glandulæ figuræ haud affimilem. hic tumor initio apparet sub specie glandulosis cujusdam tuberculi.

5°. Crescente glandulâ, vicina vasa lymphatica comprimuntur, atque contentus humor præpedito circuitu inspissatus, vasa hæc glandulæ appensa, & tumefacta totidem veluti tumoris radices seu pediculos exhibebit, ut in cancro mammarum quotidie observare est.

6°. Prout una glandula, vel plures infarciuntur, unum aut multiplicem polypum futurum esse evidens est, vel pluribus, aut paucioribus pediolis alligatum.

7°. Glandula quæ polypi primaria sedes est externam habet superficiem æqualem ac perpolitam, ergo polypus increscens similem obtinebit, & servabit pertinaciter superficiem.

8°. Basis quâ tumor summis narium partibus adnærescit, est stricta quia fluidum in glandulâ collectum vim suam præcipuè exerit in ambitum glandulæ quam idcirco sursum & ad latera extendit, quod quidem fieri nequit quin pars illa quæ glandulæ quasi principium est, & quæ cæteris valis adhæret stringatur, in extremitate igitur polypus latior esse debet, angusta remanente ejusdem basi.

9°. Polypi mollities repetenda tum ab humore congesto lymphatico quo expansæ præternaturam vasorum tunicæ imbibuntur, ac laxantur, tum à mucositate per cæteras membranæ pituitariæ glandulas quæ liberæ sunt, secreto & polypi superficiem externam madesfaciente, hinc quoque fit ut polyposa ex-

crescentia tantoperè extendatur, nam infinita penè vascula exilissima ex quibus glandulæ obstructæ involucra compinguntur, luxiore facilius expanduntur à contentis liquidis & nunc nasum elevant, nunc ramos plures emittunt, quorum alii extrà nares foris extant, alii ad fauces terminantur pro oblatiis resistentiis, & modò quo tabernaculum excrescit.

10<sup>o</sup>. Quamvis polypus ut plurimum mollis sit, hunc tamen quandoque indurescere certum est, quod ab ipsiusmet humoris lymphatici duritie repetendum.

11<sup>o</sup>. Pro diverso obicis gradu, diversâque humorum hærentium naturâ variat polypi color, sic vulgò albidus est quia à solo lymphæ aggestu fit, vel subruleus & carneus, quia dilatatis vasis lymphaticis, compressa sanguifera deinceps pari modò ab hærente sanguine dilatantur, majoremque sanguinis copiam recipiunt. Fuscus, niger, aut lividus color magnum supponit in sanguiferis vasis expansionis gradum quæ oscillationibus suis naturaliter perficiendis imparia hærentem sanguinem nullo modò quatiunt, undè hic defectu motus nigrescit, & simili colore polypum inficit.

12<sup>o</sup>. Si Polypus nasum penitus obstruat, ita ut aër non possit trachealem fistulam ingredi per faucium lacunas, respirationem non nisi ore hiantè & patulo exerceri posse evidens est, imò quoniam hoc in casu aër expirationis tempore inter loquendum pulsus ad solidas nasi partes clauso lacunaris faucium itinere in se reflectere cogitur ob collisionem quam in palato patitur. Sonum quemdam

edet gravem ranarum coaxationi similem. Si carnea moles ad imas fauces producta pharyngis, vel laringis rimam obturaverit, aderit deglutiendi aut respirandi difficultas major, vel minor pro diverso excreſcentiæ volumine denique ſi polipus utramque oppleat narium cavitatem, & aditum aëri præcludat, non poterunt corpuscula odorifera unâ cum aëre elevata, atque permixta membranam pituitariam impetere, undè ſequetur olfactus abolitio, vel ſaltem imminutio maxima.

13. Ex jam ſuprà dictis facile patet cur polypus indolens ſit, præſertim initio, nec niſi dum ad magnam molem affurgit moleſtam quandam ponderis ſenſationem in cavo narium excitare ſoleat, quandoque tamen more cancroſi tumoris, inhibito ſanguinis circuitu dolet, inflammatur, exulceratur, fætet, ſaniem fundit, cariem advocat, in carcinoma vertitur, cœteraque cancroſi ſymptomata invehit.

## DIAGNOSIS.

Polypus ex ſymptomatis ſuprà enumeratis velut totidem ſignis dijudicatur præcipuè verò ex moleſtâ ponderis ſenſatione in cavitate narium, & ex respirandi difficultate quam ægri occluſo ore patiuntur, & quæ concretum aliquod corpus, ſeu obturaculum in naribus arguit ſpiritus viam præcludens; imò ſimplici viſu quandoque innotefcit ſi ad certam molem exercuerit, tunc enim diductis nari- bus, & reſupinato ægri capite inſpicientibus apparet tumor ſummis narium partibus inhærens albus, vel ſubruber, mollis, æqualis,

alternis inspirationis , & expirationis motibus obtemperans , ità ut nunc intropulsus ad fauces subtrahat se & occultetur , nunc verò ad extremas narium partes accedens conspiciendum se præbeat. Causæ antecedentes & remotæ vel ab ægro vel ab astantibus inquirendæ sunt.

## PROGNOSIS.

Hic tumor in principio levis est, in decursu molestus , & incommodus , rarò periculosus , nisi inflammationem afferat , aut in cancrum degeneret , semper chronicus est affectus , & contumax , & quamquam medicamentis exarverit , vel extirpatus fuerit ferro brevi tempore denuò pullulascit.

Interim varia instituenda prognosis pro diversâ polypi specie 1<sup>o</sup>. Itaque cum in polypo albo sola lymphæ hæreat : in subrubro non solum lymphæ sed & aliquantisper sanguis : in fusco tandem , nigro, aut livido , solida amisso elatere magnâ quantitate sanguinis oppleantur , sequitur fore ut albus subrubro , iste autem nigricante , aut livido minus periculi portendat.

2<sup>o</sup>. Durus & renitens periculosior est molli polypo , & sarcomati simili , tum quia in illo impedimentum majus est, tum quia concretio difficilior solvitur, tum demùm quia concretæ materiæ salia majorem molem adeptæ ubi in motum aguntur vasa destrüunt , & carcinoma producant quod monente *Celso* attingi non debet.

3<sup>o</sup>. Internus polypus qui ad fauces descendit peior est externo qui ad labia propendit ;

hic enim topicorum actioni magis patet, faciliusque abscinditur, simili ratione pro diversâ polypi adhærentiæ; diversâque operandi facilitate prognostis varia.

4<sup>o</sup>. Simplex importunus morbus est, malignus, cancrusus insanabilis.

5<sup>o</sup>. Denique recenti polypo medelam afferre non ita arduum est ac inveterato, quia in illo facilius, in hoc verò difficilius corriguntur, humorum vitia, solidaque pristinum, ac naturalem situm recuperant.

### CURATIO.

Remedia in polypi curatione usurpanda alia pharmaciâ, alia Chirurgia suppeditat, quæ quidem utraque suo modo conferunt.

1<sup>o</sup>. Cum hic tumor viscidam supponat sanguinis & lymphæ diathesim omni opere intendendum est ut dividantur humores, nativæque restituatur eorum fluxilitas; hinc enim referatæ glandulæ, & ab infarctu liberæ pristinam magnitudinem suam recuperabunt, aut saltem majorem inde non acquirant, tumorisque progressus inhibebitur, quem in finem præmissis universalibus nempe venæ sectione diætâ attenuante, exsiccante, & paululum calefaciente, nec-non catharticis, aperientia proderunt, quibus diutius insistendum est ut vitium longiori tempore contractum sensim ut decet corrigatur: similiter utile est decoctum leve sudorificum ex ligno sancto, sassaparilla, falsâ parilla &c. quo attrita fluida liberiùs fluant, & obices tollere valeant, removendæ quoque sunt causæ omnes quæ morbum fovere possunt, abstineant ægri ab usu



usu alimentorum solitorum, acidorum, crudorum, omnis generis, sed præsertim à mœrore, contentione animi, cœterisque vehementioribus pathematis, atque eâ methodo polypum incipientem absque Chirurgi auxilio curari posse ut cœteri solent tumores, ratio & experientia comprobant.

2<sup>o</sup>. Verum uti polypus multum increvit, internam therapeiam eludit, chirurgicè tractari debet nimirum vel medicamentis, vel ligaturâ, vel extirpatione. 1<sup>o</sup>. Medicamenta quibus oppugnandus est polypus diversa proponunt magni nominis practici. Principio etenim tumorem, dum adhuc exiguus est, discutendum sentiunt, vel astringentibus & exsiccantibus, ut sunt succus malorum puniceorum, poma austera, rosæ rubræ, balauftia &c.; talia præparata, cerusa, lithargyrus, aliaque, si tumor mollis sit; vel si durus, ac renitens, emollientibus cum resolventibus permixtis ut medullâ, & pinguedine animalium cum gummis variis ex quibus linimenta conficiuntur.

Sin autem tumor notabilis sit vel memoratis topicis constanter resistat caustica, seu escharrotica in usum vocanda jubent Authores plurimi, imprimis si polypus sarcomatis naturæ particeps sit, si mollis, si difficile admodum abscindi queat, ejusque basis latior sit, quo etiam in casu à mitioribus incipienda consumptio sensim progrediendo ad fortiora, in hunc finem plurima laudantur medicamina videlicet alumen ustum, calcanthum, chalcitis, unguentum ægyptiacum, æs viride, præcipitata varia ex mercurio parata, succus radicis dracunculi, vel ari as-

tringente quâdam , aquâ putà plantaginis temperatus , o'eum vitrioli , lapis infernalis , butyrum antimoniale , aqua fortis &c. quæ quidem topica nunc sola , nunc verò aliis admixta remediis iterato polyposæ excrescentiæ admovenda sunt sub formâ unguenti , emplastris , pulverum , donec tandem illa radicitus assumpta fuerit. Intereâ tamen advertendum maximè ne sanæ narium partes lædantur , atque adeò priusquàm adhibeantur caustica , operæ pretium est vel unguento quopiam munire intus nares , vel tumorem circumcingere duobus emplastris quæ inter polypum , & nasi internas parietes interjecta narium cartilagine à caustici corrosione immunes servant , vel postremò ( quod tutius est ) fistula argentea , cujus ope escharotica polyposum dumtaxat tumorem attingunt.

2<sup>o</sup>. Alii præcipiunt ut ligetur circà radicem filo serico duplicato , cerâque obducto quo marescens pediolus sponte decidat , verum hæc operatio difficilis omninò est , ne dicam impossibilis præsertim dum polypi basis altius inhæret.

3<sup>o</sup>. Superest exponenda breviter polypum extirpandi methodus , quæ cæteris ut potè facilior , tutiorque anteponenda , maximè si polypi basis angusta sit , præmissâ itaque venæ sectione unâ aut alterâ , ut tollatur plethora , & hæmorrhagia præcaveatur , præmissis quoque levioribus catharticis , juscula diluentia , & leviter aperientia , deincepsque si per tempus liceat , chalybeata præscribenda sunt , pro variâ ætate , temperie ægrotantium variâ , atque tum his , tum conveniente vitæ regimine

præparatus æger, electâ die, ac tempestate serenâ in sedili collocandus est lumini adversus & capite retrorium demisso, quo in situ inductâ forcipe ad hoc opus fabricatâ pluribus in modum limæ instructâ scrobiculis & eminentiis, ut melius & fortius apprehensas carnes stringat, arreptus tumoris pediculus, & altius quam fieri potest, evellendus est, & extrâ nares educendus manum semicirculariter versando.

Quod si polypus non omninò avulsus fuerit ejus pediculus deligetur, deniquè iterum educatur, novâque injectâ ligaturâ tandem lanceolâ, aut forficibus excindendus est, idque infra ligaturam ob hæmorrhagiæ periculum, quam licet rarò, ingentem adeò fuisse Authores quidam referunt, ut æri vitam cum sanguine effuderint.

At si polypus omninò extractus fuerit; finitâ operatione hæmorrhagia sistenda, si adsit, linamentis in nares immixtis & dissolutis vitriolo, vel aquâ stypticâ imbutis, suminus ut sæpè fit, sanguis non effluat, vel implendæ nares penicillis, aut linamentis quæ pulvere aliquo exsiccante, V. G. tutiâ, lythargyro, cerusâ & similibus respunguntur, vel quod simplicius est, alumen ustum identidem expirationis tempore insufflandum, quo solo medicamine polypi radix ex toto consumitur, novaque ejus genesis præpeditur.

Evellendus quoque ferro sine cunctatione polypus, si retrò ad imas fauces descendat, easque itâ obturet ut impendeat strangulationis periculum, quod quidem ex voto quandoque successisse fidem faciunt Chirurghi neoterici peritissimi.

Deniquè quando polypus dolet, & ad

cancris naturam vergit, ita monente celfo, & docente experientia attingi non debet, sed palliativa cura tractandus, nempe exterius topicis anodynis, & leviter siccantibus quibus palmam præripit succus solani cum tutia pulverata permixtus, interius verò lactici-  
niis, coeterisque sanguinem demulcentibus.

## ARTICULUS IV.

### *De fætoze Narium.*

**Q**uid fætozis nomine intelligi debeat, satis patet quam ut accuratâ definitione opus sit, odor enim teter ac fœtidus qui inter expirandum ab ægrorum naribus emittitur, & quo astantium, & colloquentium nares graviter afficiuntur, morbum hunc constituit, & apertum facit, cæterorum morborum potius symptoma est quam morbus per se, & ut vulgò aiunt essentialis, atque neutiquam ab ægris, sed ab astantibus sanis percipitur.

### D I F F E R E N T I Æ.

Cum hic quæstio sit dumtaxat de fætoze narium non autem de fætoze oris qui vel ex gingivarum, vel dentium, imarum faucium, pulmonis, ventriculi, aliarumvè partium vitio dependet, sequitur non ex recentitis partibus differentias huius morbi petendas esse, sed potius ex diverso narium loco affecto, vel ex diversâ causâ fætozem inducente.

Sub 1<sup>o</sup>. Respectu fætozis narium alius externus, alius verò internus dici potest; quia

nunc externæ narium cavitas , nunc verò varii , & interni sinus qui in nares dehiscunt , labefactantur.

2<sup>o</sup>. Multiplex quoque futura est fætoris narium species quæ diversam curandi methodum expostulat , prout fætor à polypo , aut sarcomate , aut ab ulceratione , vel ab ossium carie , vel à simplici mucosi excrementi hærentiâ &c. ortum ducit , quæ infra clariùs elucescent in eruendis causis.

### C A U S Æ.

Quoniam vel aer à male olentibus expiratus similem astantibus odorem inferat quem inferre solent corpora fætida , & graviter olentia , necesse est ut ille similibus miasmatis oneretur iis quæ à putridis , ac stercorosis eleventur , quæ tenuissima quidem , sed acria , ac multum evoluta potenter & injucundè membranam pituitariam feriunt , planum est aerem ex ægrorum naribus emissum expirationis tempore corpusculis pariter tenuissimis , mobilissimisque , sed acutis , & valdè extricatis coinquinari quæ simili modo ad astantium nares perducta , & ab iis inspirata organum olfactus molestè afficiant.

Hæc autem corpuscula talem indolem obtinebunt duplici de causâ , vel si mucus in naribus secretus putrescat , & corrumpatur vel si cum ipso putrida misceantur fluida.

1<sup>o</sup>. Mucus in externâ narium cavitate , vel sinibus contentus putredinem concipiet ob moram quam trahet ( motus enim vitalis putredini obstat ) vel ex polypo sarcomate , grumo sanguinis indurato , muco viscidiori , cæterisque nares obturantibus , & secretio-

mem muci continuam inhibentibus, vel ex corysâ in quâ obstructis glandulis membranæ pituitariæ muci effluxus cohibetur, vel ex inflammatione narium, aut sinuum qui in easdem exonerantur, vel deniquè ex præternaturali narium angustia, ut in simis quandoque accidit, ex quibus omnibus causæ fætoris narium remotæ eruendæ sunt.

2<sup>o</sup>. fluida putrefacta quæ possunt mucum alioquin bene constitutum inticere, sunt pus, vel sanies, undè pariter colligitur ulcus narium præsertim inveteratum quod ozæna dicitur, vel cariem ossium quibus prædictæ narium cavitates circumcluduntur inter remotas hujusmodi causas esse recensenda. Polypus ergò sarcoma, narium inflammatio, hæmorrhagia, depressio nasi, frigus externum mucum inspissans, corysâ, ejusque causæ variæ mucum retinendo, ejusque putredini ansam præbendo, ulcus vero narium, & ossium caries suppeditando purulenta miasmata fætida quæ mucu admiscentur, fæto-rem narium remotè allatura sunt in cuilibet attendenti notum est.

### SIMPTOMATA.

Plurima in medium afferri possunt fætori narium symptomata prout illæ à variis causis dependet. Verùm cum non sint huic morbo propria, sed potius ad alios affectus pertineant quorum fætor narium soboleiscat, id circò de his explicandis parum solliciti ad diagnosim propè ramus; interim tamen hoc unum advertendum est, videlicet ægròs ipsos fætidum odorem quo graviter afficiuntur adstantes, non percipere. Atquè adeò

## DE MORRIS CAPITIS. 211

morbis astantibus magis quam ægrotantibus molestum esse ac importunum, cujus phænomenis ratio inde deduci posse videtur, vel quod corpuscula grave olentia in ægrorum naribus, multò magis irretita, strictiusque commixta irritationem pariant quam ubi semel ab expirato aere abrepta ad nares adstantium proveniunt, quas fortius proindeque injucundè feriunt, vel quod membrana pituitaria in ægris ut ut graviter à talibus miasmatis succussa, & contracta veluti quadam hebetudine molestam irritationem quatenus assuetam non sentiat, vel deniquè quod nervea organi olfactorii fibrillæ impares evaserint suscipiendis corporum odoriferorum impressionibus, iisdemque ad cerebrum transmittendis, quo in casu aboletur olfactus.

Cur autem fætidus ille odor apertis ægrorum naribus continuo percipiatur, & verò si iis clausis expiratus ex ore aer prodeat, quilibet colligere ex dictis facile potest.

## D I A G N O S I S.

Fætor in genere ab adstantibus facile percipitur, dignosces an ex naribus prodeat, si iis clausis evanescat, apertis verò redeat, si semper apertæ fætent nares, sive post, sive antè pastum, ac demùm si præcesserint morbi muci narium putredinem inducentes, corysa diuturnior, sarcoma, ulcus narium, cancer, exostoses, an ex ore fætidus odor exhalet judicabitur ex inspectione factâ, vel gingivarum quæ exulcerantur ut in pthialismo, & scorbuto, vel dentium quæ carie tentantur. quæ quidem vitia tum propriis signis, tum ipsis sensibus deteguntur, ac deniquè



expiratus aer ab ægro grave oleat ob pulmonis; trachææ arteriæ, aut ventriculi labem ex signis hanc indicantibus perspicuum fiet.

Variae causæ fætoris narium, seu potius affectus varii qui talem fætorem antecedunt sua habent signa peculiaria quibus distinguuntur, sic hæmorrhagiâ effusione sanguinis, corysâ involuntariâ muci profluvio, ulcus pure, ossium caries stillante sanie putridâ innotescit. Polypus, sarcoma, & prava nasi conformatio, seu depressio nimia visu patent.

### PROGNOSIS.

Hinc morbus in genere gravis & molestus est, & generis humani societati infensus. Verum pro causarum varietate varianda prognosis, si à vitiosâ nasi conformatione natales ducit insanabilis censendus est; qui ab ossium infimos narium sinus efformantium carie producit, non modò curam non recipit quia convenientia remedia huic applicari nequeunt verum etiam vitæ discrimen adjunctum habet. Idem sentiendum de fætoe qui cancerum narium sequitur. Deniquè dum effectus est sarcomatis, polypi, hæmorrhagiæ, ulceris, aliorumque morborum; idem portendit periculum ac morbi enumerati; rursus qui simplicem muci narium hærentiam agnoscit, facilius curatur, inveteratus verò qui majus vitium supponit difficilius.

### CURATIO.

Quandoquidem narium fætor effectus est symptomaticus. Sequitur hunc simili prorsus curandi methodo oppugnandum fore quâ vi-

tia prægressa quibus pendet debellari solent; proindeque vel adhibenda esse remedia in polypi curatione, & hæmorrhagiæ narium proposita, vel ea quæ corysæ conveniunt: vel denique ea quæ in sequentibus de ulcere & cancro narium sanandis allaturi sumus, quibus hic recensendis supercedere juvat, ne actum agamus hoc unum annotasse in præsentis satisfit, nempe ubi malum est immedicabile omni ope vetendum esse ut teter narium odor si non ex toto depellatur, saltem aliquatenus tolerabilis sit, minoremque adstantibus molestiam afferat, quem in finem pulveres odorati, aut errhina suave olentia identidem narium inspiranda sunt, vel corpus unguentis & pastillis inungendum, hinc proverbialiter à Poetâ dictum in eos qui prætiosis unguentis utebantur, ut gravè olentiam odoribus temperarent.

*Non bene semper olet, qui bene semper olet.*

## ARTICULUS V.

### *De ulcere & Ozenâ.*

**C**onstat nares sicut & cæteras corporis partes exulceratione affici, vel ob prægressam inflammationem quæ in suppuratum abiit, vel ob disruptum abscessum, simplex dicitur. Hæc exulceratio quandò recens est dum verò inveteratum est ulcus, putridamque effundit saniem ozenæ nomine ab authoribus designatur.

### DIFFERENTIÆ.

Ex jam dictis liquet ulcus narium in genere

duplex esse, aliud recens, aliud inveteratum quod ozæna dicitur, rursus utrumque varias patitur differentias pro natura puris effusi, causâ morbificâ, & morbi sede.

1<sup>o</sup>. Pro naturâ puris purulentum, vel saniosum, vel fistulosum, vel cancrum vocabitur, si pus coctum & laudabile, vel sanies putrida è naribus dilabatur, si cuniculos egerit, vel si augescens ulcus partes depascatur.

2<sup>o</sup>. Pro varietate causæ morbificæ venereum, scorbuticum, strumosum dici poterit, si à lue venereâ, scorbuticâ, aut scrophulosâ originem trahat.

### C A U S Æ.

Cum ulcus narium simplex & ozæna non differant inter se essentialiter sed tantum penes ulceris durationem, diversamque partium affectarum labem, sequitur statim eandem esse utriusque causam proximam, nunc remissionem, nunc verò intensiorem, inquirenda itaque simplicis exulcerationis causa proxima, quâ detectæ ozænæ causa pariter obtinebitur; quoniam verò ulcus nihil aliud est quam vetusta continui solutio cum affusione puris, neque pus alio modo effundi posse certum est, nisi vel a ruptâ abscessus cystide pus contentum eliminatur, vel quia idem pus genitum in vasis ruptis partis cuiuspiam inflammatae viam sibi parat per aperta vasorum extrema in lacinias divisa, duplicem futuram esse ulceris narium causam proximam consequens est, vel rupturam abscessus in membranâ pituitariâ geniti, vel præviam ejusdem membranæ inflammationem.

Abscessus membranæ pituitariæ ulceri narium ansam præbere poterit si glandula quæ-

dam dictæ membranæ inflammata, ac dein suppurata illapſi puris effluxum cohibeat, ſenſimque ac ſine ſenſu à collecto intus pure turgescat, vel ſi eadem membrana phlegmone affecta genitum pus in vaſorum intertilliis reconditum aggregatur, quod quidem licet raro admodum ſuperveniât, quandoque tamen fieri poſſe probabile eſt tum ex cognitâ naturâ glandularum quæ ad membranam pituitariam pertinent, tum ex vaſorum ſanguiferorum numero quæ per illam diſſeminantur, inflammatur verò membrana narium ab iisdem cauſis à quibus ophthalmiam, cæterasque inflammationes produci conſtat quas hic enumerare ſupervacaneum foret; cauſæ aliæ ſunt externæ, aliæ internæ; externæ ſunt ictus, caſus, vulnera; internæ plurimæ afferri poſſunt, nempe 1<sup>o</sup>. ruptura abſceſſus, 2<sup>o</sup>. Si oſſa narium carie afficiantur, ſerpatque vitium ad membranam pituitariam quam ſimili labe inficiet ut in lue venereâ; 3<sup>o</sup>. Si inflammatur membrana pituitaria ut à cauſis omnibus coryſæ, ſed majoris effiſaciæ, mucî nempe hærentiâ comprimuntur vaſa ſanguifera, eaque rumpentur. 4<sup>o</sup>. Erodetur à muco acriori, 5<sup>o</sup>. Ab inſpiratis miſmatis, nempe ab ſubſumigio cinnabaris, & mercurio vide *Sennertum* in obſervatione tertia.

## S I M P T O M A T A.

1<sup>o</sup>. In recenti ulcere narium pus lymphaticum ac laudabile profluit qui à plurimo muco oneratum eâ proportionē foras dilabitur, quâ generatur nec ſatis hæret in narium ſinibus ut indolem corroſivam adipiſcatur, contra verò in inveterato ſordidum pus, fæti-

dum, virulentum, ac corrosivum est, quia ob moram acrius evadit, & velli candis, exedendisque partibus solidis idoneum.

2<sup>o</sup>. Pro variâ ulceris naturâ nunc ejus labra ab aggesto sanguine tument, & inflammata dolent, præsertim si suppressa sit, aut para suppuratio, nunc verò si partes exulceratæ detumescant, & magnam affundant puris copiam, nullus dolor aderit.

3<sup>o</sup>. Non possunt intumescere ulceris labia quin vascula quædam sanguifera nimium turgida disumpatur, ac cruorem fundant, qui cum pure permixtum liquorum sanguineum constituit è naribus ulceratis, quandoquæ manantem, ex eodem fonte hæmorrhagia est repetenda.

4<sup>o</sup>. Ulcera narium si negligantur, aut inveterata fuerint more coeterorum ulcerum fungosas carnes producant, quibus succrescentibus sarcoma succedent. Quod nunc album erit molle & indolens, nunc rubrum summe dolens ad lividum pro sanguinis aut lymphæ hærentiâ.

5<sup>o</sup>. Sarcoma non potest in naribus generari quin illæ obturentur, atque inhibeatur liber aëris ingressus, ergò difficilis respiratio futura est ore clauso.

6<sup>o</sup>. Dissipatis tum partium calore, tum expiratis aëris motu particulis puris tenuioribus quæ supererunt partes crassiores viscido mucosum narium adjunctæ crustam efficient ut in herpete, aut scabie, updè ulcus; hæc autem crusta quæ sicca & nigra est, quandoque violento acris expirati motu decidit, & foras emungendo ejicitur.

7<sup>o</sup>. In ozænâ pus ob moram acrius factum & corrosivum vicinis partes exedet vel mole suâ,

suâ, vel quantitate fibrillarum membranæ pituitariæ interstitia partiumque ossæarum texturam subibit; ergo duplici hâc ratione ulcus cuniculos aget, & fistulosum evadet.

8<sup>o</sup>. Quin imò pus crescente ejus acrimoniâ magis ac magis partes depascitur, & cancrum fiet, tuncque vel pennas narium vel intermediam nasi cartilaginem erodet, vel ossa carie tentabit; hinc foetida profluet sanies quæ adstantes & colloquentes tetro, gravisque odore afficiet.

9<sup>o</sup>. Quod si quadrata palati ossa quæ ad expirati aeris modificationem in loquelâ plurimum conferunt, cariola consumantur, non poterit vox expressa distinctaque ut decet pronuntiari, sed potius incongruus quidam sonus inter loquendum redditur ranarum coaxationi similis.

10<sup>o</sup>. Tandem olfactus abolebitur, vel sarcoma crustasvè ulcerum quibus externa narium cavitas obstruitur, & aditus aëris ad internos sinus denegatur, vel ob malè affectam membranam pituitariam inflammata nempè & erosam, quo fit ut aër ingressus vel nimis tenso nervos olfactorios succutiat vehementius quam par est, vel consumptas & erosas attingere nequeat.

## DIAGNOSIS.

Ulcus narium ex effusione puris per nares manifestum est, ulcus continui solutio vel nullo dolore, vel exiguo stipata simplex ulcus ac recens, inveterata autem eadem continui solutio cum dolore & narium graveolentia ozaenam denotat. Ulcus mundum pus laudabile, sordidum verò ac virulentum sanien-

suggerit fœtidam, & brevi ossium cariem ad-  
 vocat. Cancrosum tum ex ratione puris,  
 tum ex carie, tum ea ulceris progressu,  
 celeri partium consumptione indicatur, ex-  
 ternum visu patet. Internum ex puris pro-  
 fluvio, & ex crustarum prolapsu dignoscitur.  
 Deniquè an scorbuticum sit, venereum, aut  
 strumofum conjicies ex horumcè morborum  
 signis, & ex ægrotantium relatu; cœteræ  
 causæ antecedentes, & remotæ ægros, vel  
 adstantes interrogando facilè innotescere po-  
 terunt.

### PROGNOSIS.

Ulcus narium in genere periculosum est,  
 quia cum earum membrana mucoso humore  
 continuo irroretur, exulcerari non potest,  
 quin ob laxitatem contractam fungosæ suc-  
 crescant carnes cicatrificationi plurimum offi-  
 cientes, imò sæpè in cancrum degenerat,  
 ut experientiâ compertum est, insuper ab  
 authoribus suspectum habetur, quod plerum-  
 que à viru syphilitico ortum ducat.

Cum in externo narium ulcere topica re-  
 media admoventur queant quibus abstergetur,  
 secus verò in interno, sequitur internum ex-  
 terno difficilior multò curam admittere.

Ozæna seu ulcus inveteratum recenti peri-  
 culosius. Pus enim in hoc est laudabile corro-  
 sionis expers, neque gravia infert symptoma-  
 ta, qualia sunt inflammatio partium vicina-  
 rum, dolor, ossium caries; in ozænâ verò  
 pus fœtidum est. Partes exulceratæ dolorem  
 excitant fistulas producunt & cariem. Omnium  
 pessimum est cancrosum & phagedenicum  
 quando non modo resistit remediis, sed exas-  
 peratur, atque hinc est cur futurum brevi  
 cancrum in narium exulceratione significet  
 inutilis remediorum administratio.



Postremò eadem est ulceris narium progressus ac luis venereæ scorbuti, scrofularum quibus aliquandò supervenit, ità ut si hæ affectiones recentes fuerint, ulcus convenientibus auxiliis debellari possit, sin verò è contrà altius radicatæ eorum actionem eludat.

## C U R A T I O.

Cum eo tendere debeat generalis ulcerum curandi ratio ut humorum acrimonia quæ ex miscelâ puris cum sanguine proficiscitur demulceatur restituaturque nativum sanguini balzamu. Patet id præcipuè agendum in ulcere narium quod cæteris quibuscumque ulceribus sanandis competit, quapropter sectâ venâ si necesse sit ad dolorem compescendum, & inflammationem labrorum ulceris præcavendam, aut minuendam, præmissâque blandâ catharsi, ut latens imprimis viis saburra evellatur & sanguinis imprimis quibus inficitur partibus depuretur. Diæta imprimis servanda est eaque demulcens ægris præscribenda.

In hunc finem uti oportet cremoribus orisæ, hordei, amygdalatis, lacticinis, imò solo lacte pro omni cibo utentur, fassamenta omnis generis, & ea quæcumque humorum motum adaugent, ut exercitia immodica vehementia animi pathemata, indomita venus, vigiliæ, liquores ardentes, imò & vini usus &c.

Tum quoque symptomatis occurrendum est, si quæ sæviant, nempe adstringentia usurpanda si hæmorrhagia narium adfuerit, si vigeat dolor, narcotica & sic de cæteris &c.

Insuper causæ variæ oppugnandæ sunt quæ

ulceri natales dederunt, vel illud etiam non  
fovent, unde investigandum sedulò num ex vi-  
nereo, aut scorbutico ulcus narium processerit,  
quod si ita sit, his vitiis mederi conveni-  
entibus remediis expedit; topica quod  
spectat, ea non negligenda sunt, si ulcus ex-  
ternum sit, nam in interno vix quidquam pro-  
desse possunt, cum ad intimos narium recessus  
pervenire nequeant, ea autem pro variâ  
ulceris naturâ varia adhibentur

Si ulcus simplex fuerit 1<sup>o</sup>. detergentibus  
abluendum videlicet decocto hordei, aut  
plantarum detergentium cum tantillo mellis  
rosacei, aut naibonensis, unguento de hy-  
perico, cærusâ, lythargito, decoctis variis  
ex radicibus tormentillæ, agrimonix, pen-  
taphylli, foliis verbenæ, laphati, plantagi-  
nis, floribus rosarum rubrarum, balauistiis,  
paratis. Quo etiam in casu maximè commen-  
dantur aquæ bellilucanæ vel injectæ, vel  
inspiratione attractæ, denique si hæc topica  
inania fuerint præstat fortiora his adjicere,  
nempè plumbum ustum, alumen &c.

Si ulcus crustosum fuerit auferenda est crus-  
ta, & emollienda prius butyro non salito,  
oleo ovorum, amigdalarum dulcium, vel mel-  
le, denique non vi, sed spontaneò naturæ  
nifu sublatâ ulcus tractandum modo jam su-  
prâ exposito.

Si ulcus inveteratum sit potentiora remedia  
tùm detergentia, tum exsiccantia admo-  
venda sunt ut decocta vulneraria, aqua alumi-  
nosa, aliaque quibus addenda jubent autho-  
res varii scharotica quædam, qualia sunt æs  
viridè, unguentum apostolorum, ægyptiacum  
&c. sic quoque sublimatum corrosivum in  
aquâ plantaginis dissolutum laudat Rive-

**RIUS**, **RONDELETUS** auri pigmenti & cinnabaris suffumugium **PLATERUS** : quam viridem ex ærugine æris, & auri pigmento confectam.

Deniquè si ozæna cancrösam adepta fuerit naturam, nullis cedit remediis, iisque potius exasperatur, & si quæ doloris mitigandi causâ convenient, tum maximè anodina & demulcentia inter quæ oleum avorum primas partes tenet.

## ARTICULUS VII.

### *De Sternutatione.*

**J** Am de concitato respirationis motu cui sternutatio accidit juxtà authorum consuetudinem acturi, in ipso limine monere volumus sternutationem inter morbos annumerandam non esse nisi nimia sit, diuturnior, & à causâ manifestâ ac levi oriatur, ut ab inspirato tabaco helleboro, aliisque membranam pituitariam leviter irritantibus, à calore solis, aere frigidiori, si morborum declinationi, si convalescentiæ, si morbis etiam ipsis adhuc in statu vigentibus in quibus natura veluti oppressa est, superveniat, ad partum faciendum, ad sæcundinas expellendas, ad sedandum singultum, aut è morborum catalogo excludendam, aut pro salutari symptomate habendam esse fatendum est.

Quamobrem sternutationis nomine hic intelligimus celerem hanc, violentam, & sonoram expirationem post magnam inspirationem subito factam quæ nimia & frequens diu-

turna à gravi narium irritatione oriunda quâ natura causam morbiâicam in naribus latentem conatur excludere.

Quamvis autem instrumenta respirationis ad hunc motum inordinatum peragendum sola efficienter concurrant, quemadmodum & intussi, oscilatione, nihilominus tamen sternutationem inter narium morbos recensere juvat ob vitium membranæ pituitariæ sine quo provocari minimè potest.

### DIFFERENTIÆ.

Quoniam sternutatio alia sola invadit absquâ ullo alio præcedente morbo, alia aliis morbis succedit, iisque adjungitur; prior idiopathica, posterior symptomatica dici potest. Rursus institui posset sternutationis differentia ratione causæ, nunc enim ab externis causis, nunc ab internis producitur.

### CAUSÆ.

Quoniam ad sternutationem requiritur, ut consequenter ad magnam inspirationem fiat expiratio subita, vehemens, ac sonora, uti modo dictum est, sequitur statim causam ejuscè motus proximam consistere in celeri, validaque musculorum expiratoriorum contractione quâ copiosus aer è pulmonibus expulsum varias in palato, internâque nasi cavitate collisiones patiens strepitum excitat, verum de hujusmodi causâ parum solliciti mortificam alteram licet remotiorem examinare placet quæ in naribus residet, & ad quam potissimum attendendum est ut inordinatus ille motus cohibeatur; talis autem causa est.

narium irritatio ut liquet ex inductâ pluma in nares, ex insufflatis, aut inspiratis medicamentis acribus, eribinis scilicet, vel sternuatoriis quorum irritationem sternutationis motum sequi paulò post neminem latet, inde inferitur sternutationem per consensum nervorum fieri, & ex lymphatico oriri spirituum influxu in nervos musculis inspiratoriis profpicientes, quibus validè contractis uberrima aeris copia intrâ pulmones recipitur, mox velocissimè subsequente valido expirationis motu emittenda ad hoc ut ea quæ membranam narium sensu exquisito prædictam stimulant fores educantur, paria sympathiæ habemus exempla in tussi, pandiculatione, oscillatione; aliisque motibus simpaticis.

Quæcumque igitur membranam pituitariam irritare valent causæ sternutationis censendæ sunt, hæ autem sunt vel externæ vel internæ, inter externas numerantur sternatoria acriora, qualia sunt helleborus, pyretrum, euphorbium, aliaque plurima, præsertim si immoderatus sit eorum usus, internæ verò sunt ea quæcumque membranam tendunt pituitariam, eamque reddunt impressionibus aeris inspirati suspiciendis aptiorem, hinc est cur in corysâ obstructis vasis mucum excernentibus, compressisque vasis sanguiferis sternutatio persæpè contingat. Hinc similiter ob majorem & quasi phlogodeam prædictæ membranæ tensionem, sensumque acutiorem sternutatione solent febri-citantes affici; cæteræ causæ remotiores ex iis quæ jam superius dicta fuerunt de corysâ vel ex iis quæ ad inflammationis theoriam pertinent, repetantur.

## SIMPTOMATA.

1<sup>o</sup>. Capitis dolor , sternutationis continuæ ac morbosæ comes est , tum quia sanguis stagnat in cerebro , ob eandem causam ob quam retinetur in membranâ narium , eamque irritat , sicque vehementer capitis vasa & dolorificè distendit , tum quia ex concitato spiritu reditus sanguinis à cerebro ad cor inhibetur , cumuloque sanguine aggravatur cerebri substantia , atque hinc est cur epilepsiam cæterosque affectus sternutatio persæpè prænuntiet.

2<sup>o</sup>. Sternutatio à causâ internâ nempe ab hærentibus in membranâ pituitariâ humoribus , quandoque producitur , quibus congestis comprimendæ sunt glandulæ muci narium secretioni dicatæ , ejusdemque liquidâ intercipienda secretio , sed ex præpeditâ muci secretionem grævedo debet excitati , uti suo loco dictum est , ergò sternutatio à causâ internâ oriunda grævedine stupabitur , quod profectò experientiæ consonum est , quâ constat catharum sternutamentum antecedere.

3<sup>o</sup>. In sternutatione assiduâ debilitantur vires , tum quod ex vehemènti pectoris concussionem , validâque contractionem musculorum expiratoriorum magna fiet spirituum dissipatio , tum quod interturbato sanguinis per pulmones circuitu cordis , & arteriarum pulsationes langueant.

4<sup>o</sup>. Aer in sternutantibus cum sono & impetu ejicitur , validasque patitur collisiones in narium lateribus quæ idcirco violenter concutit , quod fieri nequit quin vasa membranæ pituitariæ distraherentur , ac distracta

tumpanitur, contentumque sanguinem effundant; hinc narium hæmorrhagia.

5°. Sternutantis abdominalia viscera subito multumque comprimunt, sed ex hac subitaneâ, validâque compressione intestina, cæteraque abdominis viscera obicem in inguinibus, umbilico factum augere debent, ergo in varicosis tumor sternutando increfcet.

6°. Deniquè celeri expirationis motu sanguis in pulmonibus conclusus ad cor per ramulos venæ pulmonalis incredibili cum velocitate pulsus eos prætergredi non poterit, & ad ejusdem venæ truncum totum perducitur, hinc hæerere cogetur in pulmonum substantiâ, undè non mirum si pulmonum, & pectoris morbis adeò infesta sit sternutatio frequens.

## DIAGNOSIS.

Sternutatio per se patet, distinguitur à tussi quæ sonora est ac vehemens exspiratio; quod sonus diversus sit, atque ex palato & ore in tussi prodeat, secus in sternutatione strepitus in naribus excitentur, interrogato ægro idiopathicam à symptomaticâ haud ægrè dignosces. Similiter an à causis externis sternutamentum oriatur designat causarum externarum præsentia, absentia verò earundem & signa vitiis narium propria causas internas esse arguunt.

## PROGNOSIS.

Sternutatio morbosa in genere non est periculosa per se, quia nec gravibus stipari solet symptomatis, nequè functiones multum lædit, imò salutarem quandòque esse docet experientia videlicet. 10. In apoplexiâ, aliis



que soporosis affectibus quatenus spirituum influxum majorem advocat, concussioque nervoso systemate cerebrum ab infarctu liberatur, atque hinc est cur sternutatoria profint ad quemcumque soporem præter naturalem excutiendum.

2°. Eodem ratione in affectione histericâ mulierum quæ dum jacent veluti mortuæ sternutando reviviscunt.

3°. In partu difficili, & secundiarum retentione, quia subito contractis musculis abdominalibus, præssioque utero fætus & placentæ exclusio promovetur, undè ait hypocrates aphor. 35. sect. quinta mulieri uteri strangulationem patienti, aut difficulter parienti, si sternutatio superveniat *bonum*.

4°. Denique in convalescentiâ, imò & in ipso morborum statu, quia non modò indicat naturam parum opprimis, quin potius vires vel resectas, vel adhuc satis constantes esse.

Interim tamen aliquandò nocet 1o. in plethoricis, & in morbis pulmonum pleuritide nimirum, & peripneumoniâ, quia ex violentâ, subitâque pectoris constrictione metus est ne ingurgitentur adhuc magis vasa sanguifera præsertim pulmonis & pleuræ; sicque ulterius distracta, & copiosiori sanguine turgida magis inflammentur.

2°. In herniosis propter adauctam partis affectæ angustiam denique si diuturnior fuerit, & immodica vires frangit, cephalalgiam producit, & narium hæmorrhagiam quæ quidem symptomata possunt mala multò adhuc graviora accersere.

### CURATIO.

Eo potissimum versatur sternutationis curatio ut irritatio membranæ pituitariæ tollatur,

quod ut fiat inquirendum est statim an causa interna sit, vel externa.

1<sup>o</sup>. Si causa externa sit illa removenda est quam primum, quo peracto si non desinat sternutatio mitiganda est inducta narium irritatio oleosis ac demulcentibus, nempe oleo amigdalorum dulcium sine igne parato, oleo olivarum recenti, oleo rosaceo, violaceo, mucilagine seminum psilli, aut cydoniorum, aquâ rosarum extractâ, butyro non salito, lacte dulci, ac tepido, aliisque similibus in nares introductis, vel laxanda membrana narium excepto aquæ tepidæ, vel alicujus decocti emollientis odore.

2<sup>o</sup>. At verò si causa intus lateat, prout varia est, varia institui debet medendi methodus, nam si sternutatio febris symptoma sit, si curatâ febre discutiatur, si à caharro, aut ulcere narium producat, tunc ea profunt medicamina quæ in corysæ aut osenæ curatione proposita sunt, verbo dicam quotiès à quacumque causâ internâ augetur tensio membranæ pituitariæ, ejusque vasa ingurgitantur, evacuantia, venæ sectio scilicet & cathartica mira præstant, non neglectis interim topicis prædictam membranam laxantibus, ejusque irritationem compescentibus supra enumeratis.

---

## C A P U T IV.

### *De morbis lingue.*

**C**onstat ex anatome linguam partim esse musculosam plurimis confectam papillis

nerveis, ac prominentibus quæ tùm motu suo loquelæ, cibus in ore hùc illucque volutandis, exprimendo salivali liquido ac deglutationi masticatorum alimentorum inferuit, tùm apicibus suis nerveis saporum corporum impressionibus suscipiendis potissimùm mancipatur. Hinc liquet plurima recenferi posse linguæ vitia, seu totidem morbi in quibus variæ enumeratæ functiones læduntur, verùm cum ex iis alia pertineant ad thoracis morbos ut angina, alia ad morbos abdominis ut cibi fastidium, ex consueto silebimus, & caput istud duobus dumtaxat articulis complectemur in quorum primo acturi sumus de linguæ tumoribus, in secundo de linguæ paralyfi.

---

## ARTICULUS I.

### *De variis linguæ tumoribus.*

**L**ingua non secùs ac cæteræ corporis partes multiplici tumore præternaturali quandoquè afficitur, inflammatione nimirùm, erysipelate, œdemate, schirro, aliisque sæpè invicem complicatis, prout vel sanguis, vel lympa, vel utraque simul ejus in contextu hærent, & cumulantur, verùm cum eorum tumorum æthiologia ad Chirurgiam spectet, in ejus inquisitione tempus conterere nec vacat, nec libet, quippè quæ in tractatu chirurgico, vel ex his quæ suprà dicta sunt de morbis aliorum organorum externorum facile possit repeti.

### DIFFERENTIÆ

## DIFFERENTIÆ.

Horum tumorum eadem sunt ac cæterorum qui in aliis partibus suboriuntur differentia, adeoque has, ne actum agamus, prætermittendas censemus.

## CAUSÆ.

Plurimæ sunt causæ peculiæ quibus in hac parte tumor exurgat nempe.

1°. Morbus linguæ tum inter masticandum ut belluonibus contingit qui præ nimia edacitate celerius manducantes linguam inscii & imprudentes convulnerant, tum ex spasmo mandibulæ inferioris dum lingua eversa est, ut epilepticis paroximi tempore contingit, qui dein post insultum nedum expeditè loqui valent, quia potius ore læso verba frangere necesse habeant.

2°. Nimiâ hidrargirofi ut olim frequenter exponebantur lue venereâ infecti quibus totum corpus primâ vice inungebatur, vel ut adhuc dum experiuntur nonnulli quibus mercuriale unguentum nullo intermisso die adhibetur.

3°. Usus venenatorum corporum putà fungorum quorundam vel plantarum quæ vi corrodingi prædita sunt ut sunt thitimalus, matis urens, serpentaria &c.

50. Deniquè morsus venenosorum animalium viperæ, scorpionis &c. quarum quidam omnium causarum agendi modus, vel paululum attendentibus patet, hoc unum adjicere hic juvat, si GALENO fides adhibenda sit, nimirum linguam ad prodigiosam mag-

nitudinem aliquandò perducì quæ nequè ad ullum tumoris genus revocari, sed ex major dumtaxat linguæ præ cæteris partibus accretione oriatur, cum laudatus Author asserat tumorem increvisse absque ullo doloris sensu, absque renitentiâ, vel mollitie, nequè oedematis, schirri, erysipelatis, vel phlegmonis speciem retulisse, portentosa autem hæc linguæ moles facile concipitur supponendo laxitatem vasorum ex quibus lingua contexitur, quâ appellentibus humoribus cedunt, & expanduntur.

### S I M P T O M A T A.

Præter symptomata aliis aliarum partium communia quibus explicandis superfedemus, nonnulla sunt linguæ tumori propria.

1°. Impedimenta loquelæ cum enim ut vox articulata reddatur debeat aer expiratione pulsus beneficio linguæ ad varias palati partes solidas allidere, tremulosque, ac vibratorios motus edere planum est, si linguæ tumor ejusdem motui obstiterit, loquelam perfici nequaquam posse.

2°. Ex eodem fonte petitur deglutiendi difficultas, nam quantum ad ciborum deglutationem conferat linguæ retractio neminem fugit.

3°. Ut alimenta ritè mastificentur in ore debent ibidem volui, ac revolvi, dissolvi à salivali liquido, & subindè dentibus intermixta eorum actioni quasi prælo iterato subjiçi, sed impedito propter tumorem linguæ motu nec saliva ubertim exprimi è salivalibus glandulis, nec in ore possunt volutari alimenta, & dentibus comminui, ergò in linguæ tumoribus

læditur masticatio.

4°. Hinc dejectionem alimentorum in ventriculo minus benè perfici consequens est. Cum masticatio coctionis principium sit, aut saltem necessaria ad coctionem præparatio.

5°. Jam si lingua prætermodum intumescat, constrictâ laringis rimâ liquet aerem per tracheam arteriam in pulmones difficilè ingressurum, undè suffocationis periculum.

Demùm cum in tumoribus linguæ inflammatoriis degustata alimenta, vel alioquin euchaïma, & per se grati saporis nerveas linguæ papillas magis tensas non blandè, sed molestè & graviter afficiant, debebunt ingratum saporis sensum inducere, undè ciborum accersio, seu fastidium.

## D I A G N O S I S.

Linguæ tumor simplici inspectione patet, qualis sit ejus natura ex signis frigidum aut calidum tumorem denotantibus est evidens, causæ deniquè ab adstantibus investigandæ.

## P R O G N O S I S.

Tumores linguæ in genere magnam ægris molestiam afferunt, quod ut dictum est, & loquelæ & masticationi non parum afficiant, speciatim verò varianda est eorum prognosis, tum pro varia tumorum naturâ tum pro eorum magnitudine.

1°. Si œdematosi sint faciliùs curantur, si inflammatorii aut exulcerati dolorem, febrem, vigilias pertinaces, aliaque gravia inferant symptomata periculosi sunt, si schirrosi, lividi, acriter dolentes, canceri naturam inducant insanabiles censentur.

2<sup>o</sup>. Si tumor parvus sit nullus est momenti  
 sin autem nimius multum portendit pericu-  
 lum ob læsas linguæ actiones, & præsertim  
 ob imminentem suffocationem.

### CURATIO.

Si lingua tumore calido, plegmone nimi-  
 mirum, aut erysipelate afficiatur præmissis  
 diætâ tenui, & venæ sectione plus vel minus  
 repetitâ pro exigentiâ morbi purgandum cor-  
 pus cathartici levioribus, atque os gargarif-  
 matis abluendum, quibus humores hærentes  
 resolvantur. In hunc finem decoctum hordei  
 cum melle rosaceo, & tantillo aquæ vitæ  
 usurpari solet, vel vinum tepidum aut si-  
 milia.

Sin verò aut ædemate aut schirro laborave-  
 rint misso in antecessum usu aperientium ad-  
 hibeantur topica quæ his tumoribus resollen-  
 dis competunt ex chirurgiâ depromenda,  
 tandem si tumor canerosus sit, tam internam  
 quam externam therapeiam eludit, ideòque  
 sola palliativa cura convenit ad ægrorum vi-  
 tam quoad fieri potest protrahendam.

---

## ARTICULUS II.

### *De lingue paralysi*

**D**Ocet structura linguæ anatomica ambos  
 quinti paris nervorum ramos totidem-  
 que ex novi pari deductos ad linguam pertin-  
 gere qui linguæ sensui, ac motui perficien-  
 dis destinantur dum autem utræque, nerveæ-



que propagines spirituosum liquidum ubertim recipiunt, & linguæ ejus musculis indefinenter suppeditant, dum insuper nihil aliud in palato, ac cæteris vicinis linguæ partibus spirituum distributioni afficit sensus & motus linguæ naturaliter exerceatur, secus verò si lingua tumore aliquo affecta sit ut supra dictum fuit articulo 1<sup>o</sup>. Si ranula sublingua ejus motum impediat, si amigdalæ tumeant, si doleant, gingivæ inflammentur, exulcerentur ut in ædotalgiâ ptialismo, scorbuto, si lingua aphilis, seu ulcusculis plurimis deturbetur, vel si fremulo longiori inferioribus palati partibus annectatur, vel deniquè si nervi linguales paralytici fiant futurum necessario est ut sensus motusque linguæ exercitium labefactetur. Verùm singula hæc vitia sigillatim exponere consilium non est, solius linguæ affectionis hic satagimus quæ nervorum lingualium resolutionem sequitur, & paralysem constituit, ut potè quæ à cæteris læsionibus multum discrepant.

Quoniam verò per paralysem in genere nihil aliud intelligimus quam abolitionem, vel imminutionem notabilem motus, aut sensus, aut utriusque in parte vivente, & laxatâ, sequitur illicò linguæ paralysem consistere in abolito vel præternaturam imminuto sensu linguæ, vel ejus motu, vel utroque simul, cum ejus laxitate.

Quocircà monitum volumus nos vitiati linguæ sensus æthiologiam consultò prætermittere quia affectus indè oritur, nempe fastidium cibi qui inter abdominales morbos à practicis recensetur, atque de abolito dumtaxat, vel omninò præpedito loquelæ exercitio acturos.

## DIFFERENTIÆ.

Linguæ paralyſis hoc ſenſu ſpectata dividi ſolet in perfectam, & in imperfectam; perfecta ea eſt in quâ motus penitus aboletur: imperfecta ea eſt in quâ idem motus notabiliter tantum minuitur.

## CAUSÆ.

Linguam ſuis gaudere muſculis compertum eſt, quibus variè jactatur in ore, aeremque expirando, motitando diverſas voces exprimit. Hi muſculi per nervos qui ex quinta pari proficiſcuntur, cauſam efficientem motus videlicet liquidum aereum recipiunt inſlandis eorum veliculis apprimè idoneum undè ſtatim eos muſculos linguæ movendæ impares fieri, ſi nervi his perſpicientes reſecentur, obſtruantur, laxentur, comprimantur alio quocumque modo anguſtentur, ſectio ergò, obſtructio relaxatio, vel compreſſio nervorum lingualium cauſa proxima linguæ paralyſis futura eſt. Inſtrumentis acutis, & vulnerantibus debetur nervorum ſectio quæ cauſa omninò eſt, nec niſi unicum ejusdem extat apud AVICENAM ità referente RIVERO exemplum in homine quodam cui poſt cucurbitulæ applicationem occipiti altiùs ſcarificato linguam reſolutam fuiſſe prælaudatur, author teſtatur.

Cæteræ verò cauſæ frequentiores ſunt laxitas aut compreſſio eorundem nervorum quæ ſiunt aut in ipſâ origine hoc eſt in cerebro, vel in progreſſu; vel in ipſâ linguâ obſtruuntur nervi à materiis craſſis lymphaticis fibro-

sis quæ unâ cum spiritibus aereis sequestrantur, quæque vel hærebunt in fibris cerebri medullaribus, vel dein progrediendo per nervos, & majorem crassitiem contrahendo juxta nervorum longitudinem aut in ipsâ linguæ substantiâ obturaculum efficient, hinc materierum crassiorum secretioni favent, tum dissoluta sanguinis crasis quæ tales suppeditat glandulis corticalibus lymphæ particulas, tunc glandularum prædictarum laxitas, & dilatatio nimia; hæc ergò omnia quæ sanguini dissolvendo conferunt ex sex rerum non naturalium abusu depromenda, similiter ea quæ laxare valent glandulas cerebri ac nimium deducere, hæc inquam, omnia nervos linguales obturando linguæ paralyfin remotè producent, laxitas nervorum produci debet ex duplici fonte, vel 1<sup>a</sup>. Ex eo quod illi imminuto spirituum fluxu concidant, vel 2<sup>a</sup>. Ex eo quod eorum textus seroso latice imbibatur, minuetur fluxus spirituum vel cohibitâ eorum secretionem, à causis cerebrum comprimantibus ut in morituris, syncope affectis; aut passione hystericâ, caroticis, catalepticis, apoplecticis, comatosis, vel tumorem in progressu nervorum lingualium, aut in ipsâ linguâ enatis, serum pariter fibrillas nerveas perfundet iis omnibus quæ lymphæ progressivo motui officiant, & œdematosum tumorem parere possunt ex œdematis theoriâ repetendis, comprimantur deniquè iidem nervi vel in cerebro si sanguine infarciantur causis circularem ejus motum inhibentibus, ut itâ, terrore subitaneo, vel vehementibus animi pathematis, nimia dosi narcoticorum, cæterisque causis quas in exponendâ appoplexiâ recensabimus, vel in spiritu abortis.

## SIMPTOMATA.

1<sup>o</sup>. Pro majori aut minori obstructionis, compressionis, aut laxitatis gradu minuitur vel penitus intercipitur fluxus-spirituum in linguâ, ergò abolendum omninò vel minuendum motum linguæ consequens est, inde loquela nunc tardius fiet, aut difficilior, nunc verò prorsus abolebitur, seu perfecta, vel imperfecta futura est.

2<sup>o</sup>. Ex verbis, ac nominibus, imò ac literis alia aliis difficilior exprimentur, quia alia simplici, alia verò magis compositâ, & multiplici linguæ motionem indigent, ut distinctè enuntientur; in imperfectæ ergò linguæ paralisi si ægri quasdam voces, ac litteras satis liberè, alias verò difficilior & ore pronuntiabant.

Distinguenda tamen hæc loquendi difficultas à nativâ quorundam balbutie qui vel hæsitantes verba proferunt, ac priorem eorum syllabam sæpius repetunt, vel qui litteras quasdam enuntiatio difficiles, ut est littera R aut L, malè proferunt, aut pro simplici litterâ S duplicem eadem S loquendo adhibent. Quæ quidem vitia dependent, vel à depravatâ linguæ, aut ejus musculorum conformatione nativâ, vel à lingue crassitie, longitudine nimia, brevitate, aut extremitatis ejusdem ad hæsiōe, nullamque supponunt labem nervorum.

3<sup>o</sup>. Sufflaminato linguæ motu remanebit gustus si rami ex novo pari oriundi vitii expertes fuerint, secus autem uterque simul & sensus & motus linguæ vitiabitur.

4<sup>o</sup>. Cum linguæ motus voluendis in ore ali-

mentis, iisdem quo deglutiendis inserviat, patet luce clarius masticationem, & deglutionem in hoc affectu lædenda.

50. Demum si paralytis oriatur à cerebri vitio cæteras functiones animales labefactari necesse est, ob compressionem notabilem cæterorum origini illatam.

## DIAGNOSIS.

facile dignoscitur linguæ paralytis tum ex eo quod ægri qui antea voces aptè proferebant, vel non loquantur, vel loquendo balbutiant, tum ex ademptâ masticandi, & deglutiendi libertate, an perfecta sit, vel imperfecta ex abolitione, vel imminutione motus linguæ; & præpeditâ omnino, vel difficili loquelâ cognoscitur.

Vitium cerebri in causâ esse judicatur læsione cæterarum functionum animalium, secus verò tum earumdem functionum integritas, tum antecedentia nervos extra cerebrum laborare significant.

## PROGNOSIS.

Linguæ paralytis quæ apoplexiæ, caro, lethargo, catalepsi, aliisque affectibus soporosis supervenit, multum portendit periculi, & eorum affectuum recidivam minatur, quia vitium cerebri difficile tollitur, & semel sublatum vel levi de causâ renovatur, contrariâ ratione facilius curatur, si nullum præcesserit, aut comitetur vitium cerebri, cæteræque functiones animales ritè exercean- tur, perfecta imperfectâ, inveterata recenti periculosior ob majorem in illâ quam in hac causæ morbificæ energiam; inde etiam est quod linguæ paralytis in quâ sensus simul &

motus pereunt, gravior sit illâ in quâ motus tantum aboletur, denique magis periclitantur senes quam juvenes, quia vaso in illis sunt minus elastica, & humores magis affecti, in his verò majus est robur solidorum, & sanguis belzamicus.

## C U R A T I O.

Ad curandam linguæ paralyfim videndum statim an cerebrum afficiatur, nec ne, si primum eadem therapeia convenit qualem in appoplexiâ, & paralyfi quæ sunt interni capitis morbi si secundum hoc est si illibato cerebro soli nervi lingualis vitientur, quod quidem etiam si accidat raro, nonnunquam tamen observasse se *forestus* & *sennertus* asseverant, hinc præmissâ sanguinis missione è brachio evacuandi causâ, ex pede ad revellendum, ex venis raninis ad derivandum, purgato quoque corpore catharsi, & emeticis ut primæ viæ expurgentur plurima profunt medicamina quæ partem roborant laxatam, & humores in linguâ hærentes resolvere valent, quem in finem topicis utendum masticatoriis præsertim, & gargarismatis; masticatoria ea pyrethro, nicotianâ, semine synapi, pipere, gingibere; aliisque; conciliantur gargarismata, ex decocto plantarum aromaticarum in æquis vini, & aquæ partibus quibus addi potest sal ammoniacum, vel ex succo salviæ, & betonicæ additis castoreo, nuce moschatâ & similibus; quæ non modò linguam potenter irritando vasorum elaterem exsuscitant, verum etiam salivarem humorem uberius exprimendo linguæ impedimenta reserant, in

DE MORBIS CAPITIS 239

eundem scopum conducunt cucurbitulæ dorso  
aut capiti admotæ vel cauteria posticæ cer-  
vicis parti applicata quæ persæpe feliciter suc-  
cessisse testantur practici celeberrimi.

FINIS.





# ERRATA

- P** AGE 3 lig. 25 exerceſcentia liſez excreſcentiæ  
Pag. 7. lig. 15 interſperſus leg. interſperſus  
Pag. 8 lig. 15 accumulato leg. accumulato  
Pag. 17 lig. 26 deficiento leg. deficiente  
Pag. 25 lig. 8 fiſtoloſo leg. fiſtuloſo  
Pag. 25 lig. 11 illæxa leg. illata  
Pag. 25 lig. 12 intercudit leg. intercludit  
Pag. 24 lig. 7 turbeculum leg. tuberculum  
Pag. 26 ultima remdiorum leg. remedium  
Pag. 29 lig. 4 de fiſtulo leg. de fiſtula  
Pag. 30 lig. 22. papula leg. papila  
Pag. 35 lig. 30 ſemirculariter leg. ſemicirculariter  
Pag. 37 lig. 15 niſtibus leg. iſtibus  
Pag. 60 lig. 18 puriter leg. pariter  
Pag. 71 lig. 8 exſiccenter leg. exſiccentur  
Pag. 72 lig. 20 candicantium leg. candidantium  
Pag. 76 lig. 26 latens leg. latentes  
Pag. 80 lig. 11 temediis leg. remediis  
Pag. 82 lig. 26. ſelerotidis leg. ſclerotidis  
Pag. 85. lig. 27 graviore leg. graviora  
Pag. 87 lig. 18 atrinet leg. attinet  
Pag. 94 lig. 23 ſolus leg. ſolius  
Pag. 97 lig. 16. ſine leg. ſive  
Pag. 97 lig. 17 ſpecilli leg. ſpecillis  
Pag. 100 lig. 11 circulatianiſ leg. circulationiſ.  
Pag. 105 lig. 4 mulgo leg. vulgo  
Pag. 106 lig. 27 viviniſ leg. viciniſ  
Pag. 108 lig. 23 obſunitatem leg. obſcuritatem.  
pag. 109 lig. 4 amauriſ leg. amauroſiſ  
Pag. 114 lig. 31 lardeutium leg. ardentium  
Pag. 137 lig. 8 ſoleſ leg. ſolet  
Pag. 142 lig. 3 affliciantur leg. afficiuntur  
Pag. 142 lig. 8. lecto leg. lecto  
Pag. 143 lig. 22 ob abjectiſ leg. ab objectiſ  
Pag. 145 ultima pulſar leg. pulſant  
Pag. 147 lig. 2 pcedere leg. procedere  
Pag. 175 lig. 12 videarnur leg. videatur  
Pag. 179 lig. 32 obfactuſ leg. olfactuſ  
Pag. 186 lig. 6 pariſ leg. puriſ  
Pag. 191 lig. 8 immedirte leg. immediatè

De ptherigio . . . . .	p. 2
De Anchiope . . . . .	p. 13
De œgilope . . . . .	p. 23.
De fistulâ larynali . . . . .	p. 29.
De Epiphora . . . . .	p. 37.
De Encanthide . . . . .	p. 44.
De Rhyade . . . . .	p. 49.
De ophthalmiâ . . . . .	p. 53.
De phlictanis . . . . .	p. 52.
De Albugine . . . . .	p. 59.
De Alceribus corneæ &c . . . . .	p. 76
De Hypoppyo . . . . .	p. 82
De Myopia . . . . .	p. 87
De visu senili myopia contrario . . . . .	p. 93
De Catharactâ . . . . .	p. 97.
De Amaurosi . . . . .	p. 108.
De Surditate ex gravi auditu . . . . .	p. 118.
De Sonitu aurium . . . . .	p. 137.
De dolore aurium . . . . .	p. 151.
De inflammatione aurium . . . . .	p. 160.
De ulcere aurium . . . . .	p. 167.
De Corizâ . . . . .	p. 175.
De hemorrhagiâ narium . . . . .	p. 183.

De ptholypo narium . . .	p 196.
De fetore narium . . .	p. 208.
De ulcere et ozenā . . .	p 213.
De Sternutatione . . .	p. 221.
De Morbis Linguae . . .	p 227.
De variis Linguae tumoribus . .	p 228.
De Linguae paralyxi . . .	p 232.
<u>finis</u>	









